

吳昌齡
雜劇




吳昌齡雜劇


唐三藏西天取經

張天師斷風花雪月

花間四友東坡夢


附鬼子母揭鉢記





小引

曲之盛於胡元固矣。自西廂而外。長套者絕少。後得是本。乃與之頡頏。嗟乎。多錢善買。長袖善舞。非元人大手筆。曷克臻此耶。特加珍秘。時以自娛。嘗攜之遊金臺。偶爲友人持去。未幾而友人物故。索之竟成烏有。劍去張華。鏡辭王度。惋惜者久之。追歸而懷念不置。忽一日復得之。故家敝簾中。捧玩之下。喜可知也。然帙旣散亂。字多漫滅。苦心讎校。積有歲時。遂於宮商鐘呂之間。摘陰陶帝虎之繆矣。但天庭異藻。不當終秘之枕中。迺謀而授諸梓。庶幾飛毯舞蓋時。稍爲絲肉一助云爾。若曰顧曲之周郎。辨搗之王應。則吾豈敢。萬逢甲寅歲孟秋望日彌伽弟子書於紫芝室。



唐三藏西天取經目錄

第一本

之官逢盜 逼母棄兒 江流認親 擒賊雪仇

第二本

詔餞西行 村姑演說 木叉售馬 華光署保

第三本

神佛降孫 收孫演咒 行者除妖 鬼母皈依

第四本

妖豬幻惑 海棠傳耗 導女還裘 細犬禽豬


第五本

唐三藏西天取經 目錄

女王逼配 迷路問仙 鐵扇兇威 水部滅火

第六本

貧婆心印 參佛取經 送歸東土 三藏朝元



唐三藏西天取經

第一本

甘露堯莫一葉新 寶筵祥靄麗仙宸

三元同降天王節 萬國均瞻化日春

第一齣 之官逢盜

【觀世音上云】旃檀紫竹隔凡塵。七寶浮屠五色新。佛號自稱觀自在。尋聲普救世間人。老僧南海普陀洛伽山。七珍八寶寺。紫竹旃檀林居住。西天我佛如來座下。上足徒弟。得真如正徧知覺。自佛入涅槃後。我等皆成正果。涅槃者乃無生無死之地。見今西天竺有大藏金經五千四十八卷。欲傳東土。爭奈無箇肉身幻軀的真人闡揚。如今諸佛議論着西天毘盧伽尊者托化於中國海州弘農縣陳光蕊家爲子。長大出家爲僧。往西天取經闡教。爭奈陳

光蕊有十八年水災。老僧已傳法旨於沿海龍王。隨所守護。自有箇保他的道理。不因三藏西天去。那得金經東土來。【陳光蕊引夫人上云】幾年積學老明經。一舉高標上甲名。金牒兩朝分鐵券。玉壺千尺倚冰清。下官姓陳名萼。字光蕊。淮陰海州弘農人也。妻殷氏。乃大將殷開山之女。下官自幼以儒業進身。一舉成名。得授洪州知府。欲待攜家之任。爭奈夫人有八箇月身孕。知會已去了。不敢遲留。來到江口百花店上。暫停一二日。尋箇穩當船兒。却往洪州去。【做對夫人云】夫人。夜來我買得一尾金色鯉魚。欲要安排他。其魚忽然眨眼。我聞魚眨眼必龍也。隨即縱之於江去了。【夫人云】相公說的是也。噤着王安去覓船。明日早行。

【唱】

【仙呂賞花時】放魚的都言子產良。射虎的皆稱周處強。你之任到他鄉。買得活魚尚不忍壞。今恩足以及禽獸矣。百姓行必有箇主張。噤兩箇攜手上河梁。【下】

【水手劉洪上云】自家姓劉名洪。專在江上打劫爲活。我雖然如此。不曾做歹勾當。不敢大街走。則向小巷闖。小心怕官府。不做歹勾當。門外賣私鹽。院後合私醬。做些小經營。不做歹勾當。撐船載商賈。江水正浩蕩。見財便生心。命向江中喪。只是這幾般。不做歹勾當。算命買卦。合有一拳財分。有箇好媳婦分。不知這姻緣在那裏打當。下船看有甚人來。【王安上云】相公夫人着我覓一箇船。我是第一箇仔細的。這江邊有一隻船。梢公在那裏。【劉做應科】。【王云】俺相公除洪州知府。帶夫人上任去。我看你也是本分人。你肯去麼。【劉背云】天那。這拳財在這裏了。【對王云】小人正是洪州人。在這裏專載客商。官長郎中。你作成小人。小人到那裏。有好公事。我來投遞你。【王云】嚀。一同去來。【下】。【陳光蕊同夫人上云】俺在這酒務兒裏等着。王安覓船去。怎生不見來。【夫人云】此一行奈妾有八箇月身孕。惟恐路上艱難。【陳云】夫人放心。吉人自有天相。【夫人云】到這裏也沒奈何了。【唱】。

【仙呂點絳脣】從離鄉閭。到於此處。千餘里。水湧山鋪。掩映着白蘋渡。

【混江龍】這裏有船無路。玉驄不慣識西湖。鄉關何處。煙景模糊。一片錦帆雲外落。千重繡嶺望中舒。江聲洶湧。風力喧呼。猶懷着千古英雄怒。這山見幾番白髮。這水換幾遍皇都。

【陳云】打酒來。【夫人云】路途上少飲。【陳云】世間萬事。惟酒消除。【夫人唱】

【油葫蘆】你道是萬事無過酒破除。你不曾讀大禹謨。禹惡旨酒而好善言。進來的美酒禁入皇都。你今日白衣應舉。思高步。恰便似黃鸝出谷遷喬。木。今日受三品職。今憑你滿腹書。布衣中跳到洪州路。倒不如借住在步兵廚。

【天下樂】你恨不得解珮留琴當劍沽。今不學三閭楚大夫。嘆獨醒滿朝都是酒徒。習池邊頹了季倫。竹林中迷了夷甫。這兩箇好飲的君子。到如今播清風一萬古。

【王安引劉洪見科】王云：「這梢公是洪州人，至本分，俺僱他船去。」陳云：「好箇梢子。」夫人云：「這人敢不中？」王云：「小人眼裏識人。」夫人放心。夫人唱：

【村里逐鼓】聽了他語言無味，覷了他面色可惡。陳云：「夫人，你多事，你是漢時許負。」夫人唱：「我雖不是漢時許負，端詳了是個不良人物，你看他脇肩詔笑，趨前退後，張皇失錯。」王云：「夫人，我認得人。」夫人唱：「聰明的王伯當。」陳云：「不妨事。」夫人唱：「糊突了裴聞喜，休送了孤寒魯義姑，恁隄防着船到江心漏苦。」

【元和令】料心腸似蝎毒，看眼腦似狼顧。陳云：「娘子，灰頭草面不打扮，儼或江上遇着相知朋友，怎生廝見？」夫人唱：「路途中心何須用巧粧梳，金鳳翹珠絡索，却不道周亡殷破，越傾吳都，則因美艷姝。」

【上馬嬌】想當日姐已又俗，褒姒又愚，西子有妖術，累朝把家邦來誤，可

正是美女累其夫。

【么】他每送了百二山河壯帝居。願及早到洪都。俺三口別無眷屬。無金無玉。有官有祿。受天子御前除。

【遊四門】除俺做洪州知府教風俗。【劉云】小人正是本處人。【夫人唱】你正是本鄉居。着慇懃相公親擡舉。免稅脫丁夫。嚙兩口都不會說囂虛。

【劉云】多謝夫人。稟老爺。好順風。請早些下船罷。【陳同夫人下船。分付開船科。】【劉云】不免扯起篷來。【夫人唱。】

【勝葫蘆】則見他風順帆開船去速。更疾似馬和車。【劉做推艙科。】【夫人唱。】俺歹煞是洪州民父母。你怎敢推前搶後。你來我去。【陳云】夫人纔下船。要利市。饒他初犯罷。【夫人云】相公說那裏話。常言道君子斷其初。

【劉做住船拋石科。】【推王安下水科。】【夫人叫云】王安那裏。【王云】我眼裏認得人。夫人。

【劉云】來到大姑山脚下。相公。你前生少欠我的。你的家緣過活妻子。都是我受用。明年這早晚是你的死忌。你死了呵。我與你追薦。累七念經。□□個慈悲的好人。【陳云】那梢子。我與你有甚冤讎。害我姓名。【劉云】這裏呵。放你不過了。【陳做抱夫人哭科。】夫人唱。

【後庭花】這廝去綠楊堤。停了棹櫓。黃蘆岸。持着刀斧。紅蓼灘。人蹤少。白蘋渡。船艦疎。閣不住淚如珠。【劉做揪陳科。】夫人唱。他把他頭梢揪住。風悄悄水聲幽。蒲葦枯。雲濛濛。碧天遙。鴈影孤。冷清清。露華濃。月色浮。明朗朗。銀河現。星斗鋪。

【劉推陳下水科。】夫人做倒科。【唱。】

【青哥兒】呀。急煎煎。無一個親人相護。【劉做扯科。】緊邦邦。扯住了衣服。哎。你個糞土之牆。不可朽。又無甚錢物。殺壞他身軀。傾陷了俺兒夫。強要他媳婦。天意何如。人命何辜。哎。你個柳盜跖。哥哥忒心毒。怎下得浪淘淘。

流將他去。

【夫人做跳水。劉扯住科。】劉云：「我單爲你壞了你丈夫，你肯與我爲妻，我將你丈夫宣命，依舊做洪州府尹，你依舊做夫人，儻若不從，一刀兩段。」夫人背云：「我死不爭，爭奈有八箇月身孕，未知是男是女，久以後丈夫冤讎，着誰人報得，罷罷罷，我且暫時隨順了他，待分娩之後，再作區處。」對劉云：「兀那劉洪，我隨順你，則要你依我兩件事，等我分娩了身孕，男兒三年孝滿，恰好孩兒三歲，我便和你做夫妻。」劉云：「好好，且到晚夕商量。」劉洪生平願足也。

【夫人做放聲哭科。】

【尾聲】拆散了美滿並頭蓮，接上這熱莽連枝樹，你願足，咱心未足，鴟梟難和鶯燕侶，廁坑裏蛆，怎知你似水如魚，若是到洪都，僉押文書，甚的是六案須知和檢目，這一個屈死的風流丈夫，偷生的愚痴拙婦，誰想俺死和生的夫婦到頭疎。

第二齣 逼母棄兒

【龍王上云】誤入塵寰醉碧桃。涇陽宮殿冷蛟綃。不因子產行仁政。難免公廚銀鏤刀。小聖南海小龍。爲赴分龍宴。飲酒醉了。化作一尾金色鯉魚。臥于沙上。被漁人獲之。賣于百花店。有陳光蕊者。買而放之于江。此恩未嘗報得。不想此人被水賊劉洪推在水中。又有觀音法旨。令某等水神隨所守護。被小聖救入水晶宮殿。待十八年後。復着他失妻父子團圓。漁翁市上賣金鱗。放我全身入海津。其子劍誅無義漢。我將金贈有恩人。【下】【劉洪上云】垂垂金帶挂銀魚。那識前朝史共書。公事問明如徹底。一生只怕問穿窬。自從刼殺陳光蕊。我將他官誥之任。本婦生得個孩兒。我想要這賊種怎麼。我在這江邊住坐。若有些蹊蹺。不是好事。必須斬草除根。春到萌芽不發。【下】【龍王上云】夜來觀音法旨云。毘盧伽尊者今日有難。分付巡海夜叉。沿江水神。緊緊的防護者。【下】【夫人抱孩兒上云】自從被賊徒壞了男兒。我得了個孩兒。今朝滿月。賊漢逼臨我拋在江裏。待不依來。和我也要殺壞。我死了呵。誰

與我男兒報仇。則索依着他兒呵。也是我出于無奈。唱】

【中呂粉蝶兒】滿腹離愁。訴蒼天不能答救。俺一家兒和你有甚冤讎。淪殺我兒夫。奸淫他媳婦。又待廢他親生的骨肉。那賊漢劣心腸。火上燒油。不依從。恐遭毒手。

【醉春風】燒一陌斷腸錢。酹三盃離恨酒。滔滔雪浪大江中。陳光蕊呵。你魂靈兒敢有有。我有一個大梳匣。將孩兒安在裏面。將兩三根本頭兒。將蔑子縛着。可以浮將去。匣子裏安藏。水波邊拋棄。陳光蕊呵。你在那浪花中等候。

【迎仙客】心肝渾似摘。我淚點。卒難收。將這乳食兒再三滴入口。若流過蓼花灘。蘆葉洲。休着當住石頭。天那。則願得漁父每爭相救。

我將金釵兩股。約重四兩。縛在孩兒身上。長江大海。龍神聖衆。可憐孤子。唱。

【石榴花】願龍神保佑莫遲留。休着魚鰲等間瞅。鼉鼉蛟蜃莫追逐。到瓜

州渡口有人親救。對天禱告。還生受保護。得他速見東流。金釵兩股牢拴。就抵多少騎鶴上揚州。

【鬪鶻鶻】恁娘那裏望眼將穿。俺兒夫兒靈魂尙有。兒呀。則願得性命完全。精神抖擻。恰便似紅葉兒飄香出御溝。淹淹地伴野鷗。俺孩兒身向低行。誰肯道恩從上流。

我將衫兒搥下一塊來。咬破我小拇指尖。寫着孩兒生月年紀。仁者憐而救之。

【上小樓】咬破我這纖纖指頭。一任淋淋血溜。攄一縷白練。寫兩行紅字。赴萬頃清流。將匣縫兒塞。匣蓋兒縛。包袱兒緊扣。我須關防得來水屑不漏。

【么】雖然是木漆匣。看承做竹葉舟。則要穩穩當當。渺渺茫茫。蕩蕩悠悠。天地祚祖宗。扶神明相祐。但活得幾歲也罷。誰敢望賽錢鏗般百千長壽。

【劉內云】不撇下則管在那裏怎麼【夫人唱】

【十二月】他那裏呱呱叫吼我這裏急急抽頭將匣子輕擡手近着這沙岸汀洲哭聲哀媛聞腸斷匣影孤魚見應愁

【堯民歌】兒呵趁着這一江春水向東流離了上源頭則願你有下場頭兼葭寒水泛輕鷗恰便似楊柳西風送行舟【內做催科】休則管逼逐別離幾樣憂如摘下心肝上肉【做放科】

【般涉調耍孩兒】淹淹直向江心溜搵淚血凝眸早去久普天下似我的有幾人愁望孩兒恨不的也化做石頭心如快鷗拖着線身似游魚吞了鉤淚滴滿江妃袖兒呵飄飄蕩蕩娘呵切切憂憂

【么】嚥不下心內苦遮不了臉上羞懷耽十月乾生受一箇赤子入井誰人救一箇紅粉迸波那箇瞅今日肉落在猫兒口做兒的花飄泛水做娘

的幾時得葉落歸秋。

【尾聲】跛弓鞋恰轉身。回腮領再瞬眸。這一箇鎖離愁的匣子兒。索是勞台候望着那流水斜陽路兒上走。

第三齣 江流認親

【龍王引卒上云】聖僧羅漢落水。水卒你與我騰雲駕霧。扛擡到金山寺前去者。【下】【漁人上云】新婦磯頭眉黛愁。女兒浦口眼波秋。青箬笠前無限事。綠簑衣底一時休。天明也。俺打魚去來呀。兀那沙灘上火起。向前去看咱。元來是一箇匣兒裏面。不知甚麼東西。且待我打開來看呀。是一個小孤兒。不知是何妖怪。將去見長老去來。【下】【丹霞禪師上云】一住金山十數春。眼前景物逐時新。長江後浪催前浪。一替新人換舊人。老僧丹霞禪師。乃廬山五祖之弟子。在於金山。一住數年。昨日伽藍相報。有西天毘盧伽尊者。今日早至。分付知客侍者。撞鐘焚香迎接者。【漁人持匣上。做相見科】今早小人打魚。見沙灘焰起。去看時。却

是箇漆匣兒。內有一個小孩兒。與長老看。莫不是妖精怪物麼。【丹霞云】將來看。好箇孩兒。寒光閃爍。異香馥人。內有金釵二股。血書一封。上寫道。「般氏血書。此子之父。乃海州弘農人也。姓陳名萼。字光蕊。官拜洪州知府。攜家之任。買舟得江上劉洪者。將夫推墮水中。冒名作洪州知府。有夫遺腹之子。就任所生得滿月。賊人逼迫。投之于江。金釵二股。血書一封。仁者憐而救之。此子貞觀三年十月十五日子時建生。別無名字。喚作江流呀。十一月十五日。投之于江。今日是十六日。況值寒冬天道。一夜至此。豈非異人乎。必伽藍所報者是也。漁翁這金釵與恁。將去買酒吃。寺外山前人家。新沒了孩兒的娘。母有乳者。我將盤纏去。與老僧擡舉者。【漁人謝了。下。】【丹霞云】老僧將此血書藏下。待此子成人。着他尋親報仇。雪恨者。【下。】【劉洪上云】念佛修行去誦經。誰知處處有神明。平生不作虧心事。半夜敲門不吃驚。自從害了陳光蕊。冒任一年。便動了殘疾致仕。本在江邊住坐。放債爲活。那人心已死了。他又無些枝葉。這件事穩穩當當了。他常勸我看經作善事。我也依着他。他也敬重我。我本

不會在他行做歹勾當。城內尋幾箇相知飲酒去也。【下】
【丹霞禪師上云】白髮蕭蕭兩鬢邊。青山綠水卽依然。人生何異南柯夢。撚指光陰十八年。老僧丹霞是也。自幼收得江流兒。七歲能文。十五歲無經不通。本宗性命。了然洞徹。老僧與他法名玄奘。玄者妙也。奘者大也。大得玄妙之機。是以名曰玄奘。今年十八歲。提調滿寺大衆。夜來伽藍報云。此子時節到也。當報仇雪恨去。喚玄奘來。【唐僧上云】小僧玄奘是也。師父呼喚。須索走一遭。【做見科】
丹霞云。玄奘。你今年幾歲也。【唐僧云】小僧那裏得知。今年說道十八歲也。【丹霞云】你姓甚麼。【唐僧云】小僧自幼師父擡舉。知他姓甚麼。【丹霞云】今年時節到了。我對你說。你父親姓陳名萼。字光蕊。海州弘農人也。應舉及第。得洪州太守之職。母殷氏懷妊你八箇月。攜家至任。江上遇賊劉洪。將你父親推墮水中。將你母親爲其妻子。冒任洪州知府。就任所生。你方及滿月。賊漢逼迫。將你投之于江。汝母咬破指尖。修血書一封。上寫着你年月。打魚的江上拾得個匣兒。匣兒內藏着你。我收留。長成十八歲也。合報父母之仇去。從頭一一記者。

你可去先報了生身的慈親。却來報養身的師父。【唐僧做氣倒科】。【救醒科】。【丹霞云】。孩兒呵。我從頭細說根由。你須常用意追求。不爭你一時氣死。誰報你父母的冤讎。則就今日與你收拾盤纏。便索登程。只是一件。那廝在彼處十八年。廣有手足。尋見你母親。星夜回來。老僧和你去。【唐僧拜云】。若非吾師擡舉。玄奘焉有今日。此恩生死難忘。則就今日脚跟高繫。鷲鷲腿。紙破牢拴蜘蛛腰。望插竿吃飯。聽鐘鼓打眠。便往洪州走一遭。【下】。【丹霞云】。玄奘去了。老僧從今後。伏枕朝朝生去夢。倚欄日日盼歸舟。【下】。【夫人上云】。自從拋棄了孩兒。屈指早十八年也。這賊漢也吃我降服。那性下來。每日入城飲酒。今日又去也。我這幾日耳熱眼跳。神思不安。不知爲何。則因思想丈夫與孩兒。懨懨成病。幾時是我不煩惱的日子也。痛殺我也。兒呵。【唱】。

【商調集賢寶】。你趁着那碧澄澄大江東去得緊。如失却寶和珍。白日裏魚行蝦隊。到晚來鷺友鷗羣。黑濛濛翠霧連山。白漣漣浪堆雪銀。則俺那

跳龍門的丈夫轉世穩便。重生十八歲爲人。目窮明月渡。腸斷碧天雲。

【逍遙樂】倚危樓高峻。暝眩藥難痊。志誠心較謹。【唐僧扮行脚僧上云】來到

洪州。問人來。舊太守陳光蕊。家在江邊黑樓子內。便是。慚愧。有他呵。便有我的母親。來到也。這

箇便是。我叫一聲阿彌陀佛。【夫人唱】見一個小沙彌。來往趺開門。叫一聲阿彌

陀。佛。心意全真。策杖移蹤。似有因。恰便是。塑來的諸佛世尊。師父。俺家裏齋

來。【唐僧云】有布施麼。【夫人唱】有做袈裟的紬絹。供佛像的齋糧。禦嚴寒的衲

裙。

【唐僧云】娘子難消。【夫人云】師父從那裏來。【唐僧云】我從金山寺來。【夫人云】金山寺

至此。幾日可到。【唐僧云】風順二十日可到。風不順一月可到。那金山寺是大刹。萬衆可容。

【夫人云】自來說金山寺是箇大利所在。

【金菊香】金山來此二三旬。寶殿能容千萬人。問訊向前禮數勤。覷了他

清氣逼人。恰便是一溪流水徹雲根。這和尚好似我陳光蕊男兒也呵。

【梧葉兒】眉眼全相似。身材忒煞真。霞臉絳丹唇。莫不是石上三生夢。天台一化身。我心下自如親。師父。你法算多少了。【唐僧云】小僧年一十八歲也。【夫人云】俺孩兒在時。也一十八歲兒呵。你隨着十八年波翻浪滾。

師父。你幾年上出家來。俗姓甚。有親也無親。

【醋葫蘆】我問你何處是家。那個是親。幾年上落髮做僧人。【唐僧云】出母胞胎。便做僧人。【夫人云】出胞胎便怎生離世塵。也是你前生有分。便是離母腹中出家。也須索有你爺娘。與我從頭一一說緣因。

【唐僧云】我父姓陳。母姓殷。【夫人唱】

【么】他道是父姓陳。母姓殷。爲官爲吏是當軍。【唐僧云】我父親任洪州太守。

【夫人云】幾年上此間來治民。【唐僧云】貞觀三年八月間。被賊人劫殺。在江中了也。

【夫人唱】則一句道得我心迷眼暈。他道是江上遇着強人。

【夫人云】你怎生得活來。【唐僧云】小僧其時在母腹中八箇月。【夫人云】你如何知道來。【唐僧云】小僧那裏知道。俺師父丹霞禪師說。金山下打魚的拾得一漆匣。內有金釵二股。血書一封。長老收留。擡舉七歲讀書。十五歲通經。今年十八歲。着我來洪州尋母親。【夫人唱】

【么】聽說絕口內詞。掃除了心上塵幽幽的頂門。上去了三魂。元來是江流兒遠鄉來認親。【唐僧云】娘子。好要便宜也。我怎生是恁孩兒。【夫人唱】是小的每言多語峻。告吾師心下莫生嗔。

師父。你休怒。你那血書。曾將來麼。【唐僧云】我偌多田地來。指甚麼爲題。【夫人云】你有血書。我有抄的墨書。你聽我念。此子之父。乃海州弘農人也。姓陳名萼。字光蕊。官拜洪州知府。攜家至任。買舟得江上劉洪者。將夫推墮水中。冒名作洪州知府。有夫遺腹之子。就任所生。

得滿月。賊人逼迫。投之于江。金釵二股。血書一封。仁者憐而救之。此子貞觀三年十月十五日。子時建生。別無名字。喚作江流。【唐僧夫人做抱哭科。】夫人唱。

【么】塵昏了老絹帛。金黃了舊血痕。這的是一番提起一番新。與我那十八年的淚珠都徵了本。善和惡在乎方寸。恰便似花開枯樹再逢春。

孩兒。這賊手足較多。休中他的機關。我收拾盤纏就下船。星夜回金山寺去請師父引你來。報仇雪恨。

【仙呂後庭花】我這裏收拾下金共銀。則要你早分一個冤與恩。俺孩兒經卷能成事。陳光蕊呵。你說甚文章可立身。莫因循疾忙前進。下水船風力穩。報讎心如箭緊。去程忙似火焚。

【柳葉兒】我又想當年時分。哭啼啼送你到江濱。今日個蒲帆百尺西風順。休辭困。暫勞神。天那。誰承望血修書弄假成真。

【唐僧云】則就今日拜辭母親便回金山寺去也。【下】夫人云孩兒去了恐賊漢回來我且入內去。

【商調浪裏來】纔得見掌上珍。又提起心頭悶。今霄何處去安身。明日裏風波可又無定准。眼睜睜看的他有家難奔。空着我斷腸人送斷腸人。

第四齣 擒賊雪讎

【虞世南上云】堯舜遺風此日回。民逢貞觀樂悠哉。半生功入千年史。五馬官因七步才。小官虞世南。方今唐太宗皇帝卽位。貞觀二十一年。小官官拜翰林應奉。爲江上鼠賊傷人。御筆點差我爲洪州太守。今日升堂坐衙。看有甚麼人來。【丹霞引唐僧上云】老僧離了金山寺。和玄奘來至洪州。洪州太守虞世南。和老僧有一面之交。引着玄奘去告狀。【做見科】虞云久不見尊師顏範。今日從何而至。【丹霞云】老僧自金山來。有事干瀆相公。【虞云】有甚事。【丹霞云】此僧是老僧的弟子。其先海州弘農人也。父姓陳。名萼。字光慈。母殷氏。貞

觀三年除本處太守。彼時此子在母腹中八個月。江上被水賊劉洪將父推之于江。將其母收之。冒名至任。此子在此間。生得滿月。賊令投于江內。一夜流至金山。老僧夜得異夢。明早漁者獲而獻于寺中。匣內有殷氏血書一封。記其子之年月日時。老僧哀憐。令山下人家擡舉。七歲入寺讀書。十五歲通經懺。今年十八歲。老僧對他說破前因。行脚至此。尋着他母親。此賊尚在。特來告相公。與這孩兒做主咱。【虞云】某爲水賊興發。御筆點差本處爲太守。城邊有賊不知。要我怎麼。老僧一一言罷。下官細細詳聽。疾忙喚當廳祇候。快去點門外弓兵。不用鎗刀顯露。則將暗器潛行。拏將賊漢到官。按律法明正典刑。【並下】。【劉洪引夫人上云】夜來酒多了幾盃。今日身子困倦。起不來。娘子。你熬些粥湯兒與我吃。【夫人做出外科】孩兒去經兩月。音信不聞。這賊漢害酒在家。若來時正好。誰想有今日也呵。【唱】

【雙調新水令】則俺那困龍兒。須有上天時。成了我報冤仇丈夫之志。寸心渾似火。兩鬢漸成絲。往常時我貌比花枝。體花凝脂。今日個裙掩過兩

三三

夜來燈花爆。今日靈鵲噪。孩兒敢待來也。

【駐馬廳】鵲噪花枝。報仇恨的孩兒敢來到此。龍蟠泥滓。受辛勤娘母困於斯。這賊漢孽根兒滿了。想天公不受半分私。則怕閻王注定三更死。這廝怎能勾亡正寢全四肢。少不得一刀兩段誅在都市。

【唐僧引公人做拏住科】【劉云】娘子我也無歹處。你救我咱。【夫人唱】

【雁兒落】神通般官吏使。虎狼般公人至。【劉云】到官休說你的事出來。我也是有情分的人。【夫人唱】我不申口內言。你自想心間事。

【虛下】【虞世南同丹霞上云】長老放心。拏將此賊來。【唐僧引公人拏劉洪同夫人上】【夫人云】妾身殷開山之女。被此賊所害。相公已知了也。

【得勝令】長老便是正名師。【劉云】那得小和尚來告狀。他是誰。【夫人云】天網恢

恢疎而不漏。這個是江流的小孩兒。今日箇死艸重交翠。殘花再發枝。當時已趁英雄志。你不索尋思。則要你填還俺夫婿死。

【劉洪供狀科】大人問劉洪端的小人專在江邊做賊。見財物便去傷人。那管他東西南北。陳光蕊運蹇時。乖着王安僱咱船隻。一見他媳婦丰姿。又愛他錢財段匹。將主僕命喪江心。把媳婦與咱配匹。冒宣命。竟到洪州做太守。全無人識。三個月生下江流。逼他向江中棄擲。不期死裏逃生。今日與咱做對敵。江流兒。你爲親爺害晚爺。這供狀椿椿是實。【虞云】孤卽引此賊。直至大江水。尖刀剖其腹。俘獻陳光蕊。【做引賊至江科】【設香燈讀祭文科】維貞觀二十一年春三月朔日。男玄奘。謹以清酌庶羞。致祭于亡考洪州知府府君之靈。曰。人之父母皆得供養。嗟我亡考。一無所向。孤子爲僧。復仇江上。母氏歸寧。父魂飄蕩。斬賊獻俘。不勝悲愴。江風蕭蕭。江水蕩漾。滌牲在俎。置酒于盞。府君有靈。來茲昭降。哀哉。尙饗。【夫人唱】

【川撥棹】江上設靈祠。用三牲作祭祀。浪捲風嘶。風裊楊枝。【龍王夜叉背

陳光蕊上。【夫人驚云】啞孩兒遠遠望見江面上是你父親的靈魂來了。【唐僧云】這就是我父親。【夫人唱】鬼吏參差簇捧着屈死的孤窮秀士。十八年霜雪姿我蒼顏他似舊時。

【虞云】啞異哉。這是陳光蕊有鬼有鬼。【陳云】我不是鬼。我不是鬼。【虞云】既不是鬼。請上涯來。【做見科】。【做抱哭科】。【夫人云】相公。你被劉洪推在水中。怎生得活來。【陳云】我曾買魚眨眼放之于江。因此龍王養我在水晶宮內十八年。觀音佛旨着我回于陽世。這小和尚是誰。【夫人云】就是你孩兒。今日來報仇雪恨。【做哭科】。【做謝虞科】。【夫人唱】。

【七兄弟】他說罷口內詞。官人每三思。一個個痛嗟咨。【觀音佛上高垛云】衆官見老僧麼。【衆做拜科】。【觀音云】長安城中今夏大旱。可着玄奘赴京師祈雨救民。我佛有五千四十八卷大藏金經。要來東土。單等玄奘來。虞太守聽我叮嚀。依老僧國祚安寧。陳光蕊全家封贈。唐三藏西天取經。【下】。【夫人唱】雲頭上顯出白衣上市塵間誅了綠。

林兒賊巢中趁了紅裙志。

【梅花酒】都賴着佛旨。水府內爲師。旱地上當時。塵世上官司。那海龍王報救命恩。小和尚說因緣事。十八年離城市。離城市到龍祠。到龍祠住偌時。往偌時再回之。

【收江南】呀。今日箇大官司輸與小孩兒。小孩兒虧殺老禪師。老禪師慧眼識天時。觀音佛法旨。着取西天經卷到京師。

正名 賊劉洪殺秀士。老和尚救江流。

觀音佛說因果。陳玄奘大報仇。

第二本

絳壇寶日麗璇霄

淑景當空午篆高

三殿盡如靈寶界

諸天齊降紫宸朝

第五齣 詔錢西行

【虞世南上云】物估人烟萬里通。皇風清穆九州同。未能奏上甘棠賦。先獻商霖第一功。小官虞世南。奉觀音佛法旨。薦陳玄奘於朝。小官引見天子。京師大旱。結壇場祈雨。玄奘打坐片時。大雨三日。天子賜金襴袈裟。九環錫杖。封經一藏。法一藏。輪一藏。號曰三藏法師。奉聖旨。馳駟馬赴西天。取經歸東土。以保國祚安康。萬民樂業。將陳光蕊十八年。都准了月日。授了中書門下平章事。特進楚國公。殷氏封楚國夫人。賜公田四十頃。歸老爲農。今日奉聖旨。着百官有司。都至霸橋。設祖帳排筵會。諸般社火。送三藏西行。【秦叔寶上云】龍戰河山二十秋。腰懸雙劍覓封侯。老君堂上逢真主。四海風塵一鼓收。某秦叔寶是也。【房玄齡上云】卸却征衣換紫袍。萬年勛業半生勞。今朝已入瀛洲選。怕向邊廷見斗刀。某房玄齡是也。【相見科】【樂器鼓板衆父老隨唐僧上】【唐僧云】奉勅西行別九天。袈裟猶帶御爐烟。祇園請得金經至。方報皇恩萬萬千。小僧自父母報仇之后。父母顯榮還鄉。師父回金山圓寂。

小僧斷送了持心喪三年。未果所願。至京祈雨。感天神相助。大雨三日。天子大喜。賜金襴袈裟。九環錫杖。封三藏法師。着往西天取經。我想來小僧性命。也是佛天相保。今日報了父仇。榮顯了父母。報答了祖師。我捨了性命。務要西天取得經來。平生願足。今日辭了天子。便索登程去也。〔衆相見科。〕唐僧云。小僧有何德能。敢勞百官耆老親送。〔虞云。〕奉聖旨。着小官等。竊橋祖帳。請師父下馬。受了筵席。便行。尉遲總管。也待來送。這早晚。怎生不見來。〔尉遲恭上云。〕虎眼鞭。塵動紫烟。龍鱗劍。出倚青天。曾騎滑馬。誅雄信。穩奠唐基。一萬年。某乃十六大總管。尉遲恭是也。俺聞得三藏法師。往西天去取經。合當早去送。爭奈金銮舉發。不能行動。今日奉聖旨。率領百官前往。須索要走一遭。你看僧尼道俗。百官父老。諸雜社火。都到。又值着春間天氣。郊外好景物也呵。〔唱。〕

〔仙呂點絳脣〕梅綻南枝。已經春事二之二。桃杏參差。拂嗅香風至。

〔混江龍〕今日箇早朝班次。公侯宰相會同時。親傳聖旨。總命諸司。赤羽

詔傳青彩鳳。御爐香噴紫金獅。親王駙馬國戚皇族。更和那商賈農工士。
馬停玉勒。酒泛金卮。

唐國江山。若非俺焉得太平。今日落得一身症候。爲官待作何用。

【油葫蘆】想俺那興唐出戰時。一日知他幾箇死。如今老來也憔悴。鬢如絲。都將定國安邦志。改爲養性修身事。往常時領大軍。今日箇拜國師。英雄將生扭得稱居士。怎禁那天子自相辭。

【天下樂】這和尚伏虎降龍信有之。京師諸弟子。焚香點燭齊叩齒。社火每鬼問着神。樂器中竹間着絲。鬧起一座霸陵橋上市。左右接了馬者。

【醉中天】幢幡上泥金字。寫着道三藏是大唐師。鐘鼓鐃鈸夾道施。求法語的挨着咨次。都是駿馬雕鞍的健兒。讀那孔夫子文字。着他們拜如來。節外生枝。

【見科】唐僧云元那年老的軍官是誰尉遲云弟子乃尉遲敬德見居十六大總管之職今奉聖旨來送法師因金瘡舉發不能乘騎所以來遲口占送行詩一章望老師斤削十萬里程多少難沙中彈舌投降龍五天到日頭應白月落長安半夜鐘唐僧云好詩好詩小僧勉和咱禪心善伏山中虎慧性能降海內龍直下頓然成一悟渾如夢覺五更鐘尉遲唱

【金盞兒】纔吟罷送行詩似歌徹斷腸詞生離別便與死相似死呵三十氣斷更無思生呵一心懷遠恨千丈繫遊絲死呵如夢幻泡影那有再來時

【唐僧云】多聞老將軍說英雄願對小僧說一遍者尉遲唱

【賞花時】只是俺立國安邦志廣施殺將驅兵心不慈若兩陣對圓時提着尉遲恭的名字他每早魂不附其尸

門旗開處兩陣對圓。

【么】不刺刺却是戰馬拖韁敵將死。今日似困虎藏牙守洞時。因老病不能辭。奉聖旨勉強行之。問師父求取法名兒。

【唐僧云】軍官如此言語。却便是諸佛種子。久後我之法律。仗你闡揚。真乃是禪林中之大寶也。可名曰寶林。與你摩頂受記者。【尉遲云】多謝師父。

【尾聲】從今後演佛法領三宗。掌戒律興諸寺。但依着吾師教旨。此去西行十萬里。急回來兩鬢如絲。本是一個五陵兒。他道我有佛子容姿。【唐僧云】從今後滅火性消豪氣。發善心脫名利。【尉遲唱】師父着我將豪氣消磨。將善心來使。【唐僧云】衆官軍民人等聽着。小僧折一枝松。插在此道傍。要他活。我去後。此松朝西。如朝東。小僧回也。【虞云】師父無根。如何得活。【唐僧云】小僧無根要有根。有相若無相。我若取經回。松枝往東向。朝西呵是去時。朝東呵回至。【尉遲云】師父沿路保重了。俺衆人年

年來此看松枝【下】

【虞云】求了法語的便先回去。我輩爲臣子者問師父求法語做戒。【唐僧云】衆官聽小僧一句言語爲臣盡忠爲子盡孝。忠孝兩全餘無所報。【雜云】師父小人是個做斛斗的求師父說咱。【唐僧云】唵。十合一升。十升一斗。量盡大倉粟。人心猶未朽。萬事休將一概看。自然壽算能長久。【雜云】小人是個釘稱的求說法咱。【唐僧云】二八春秋分。一斤十六兩。星星要見利。物物喜騰長。一權到手便均平。自然天地長培養。【婦云】小人是個開洞的求法語咱。【唐僧云】怎生喚做開洞。【發科】。【唐僧云】陰無陽不生。陽無陰不長。陰陽配合不分霄壤。豆有豆畦。麥有麥壠。豆麥齊栽。號曰雜種。唵。能將夫婦人倫合。免使傍人下眼看。【衆云】拜謝了師父。【並下】。【唐僧云】驛子那裏打起駝梁馬。趁早行一程。一點虔心從此發。五千妙法必須來。【下】

第六齣 村姑演說

【老張上云】縣令廉明決斷良吏胥不詐下村鄉連年麻麥收成足一炷清香拜上蒼老張祖在長安城外住生是個老實的傍城莊家今日聽得城裏送國師唐三藏西天取經去我莊上壯王二胖姑兒都看去了我也待和他們去老人家趕他不上回來了說道好社火等他們來家教他敷演與我聽我請他吃分合落兒【村廝兒先上】【胖姑兒上云】王留胖哥等我等兒【唱】

【雙調豆葉黃】胖哥王留走得來偏疾王大張三去得便宜胖姑兒天生得我忒認得中表相隨壯王二離了官廳直到家裏

【做見科】【張云】恁來家了看甚麼社火對我細說一遍【姑云】王留你說與爺爺聽【張云】胖姑兒則有你心精細你說者【姑唱】

【一縞兒麻】不是胖姑兒偏精細官人每簇捧着箇大搗椎搗椎上天生得有眼共眉我則道瓠子頭葫蘆對這個人也索是蹺蹊甚麼唐僧唐僧早

是不和爺爺去看哩。枉了這遭。恰便似不敢道的東西。枉惹得傍人笑恥。

【張云】官人每怎麼打扮送他。【姑云】好笑。官人每不知甚麼打扮。

【喬牌兒】一箇箇手執白木植。身穿着紫搭背。白石頭黃銅片去腰間繫。一對脚似踏在黑氈裏。

【張云】那是箇皂靴。【姑唱】

【新水令】官人每腰屈共頭低。吃得醉醺醺腦門着地。【張云】拜他哩。【姑

唱】呀呀鳴鳴吹竹管。撲撲通通打牛皮。見幾箇無知。叫一會。鬧一會。

【雁兒落】見一箇粉搽白面皮。紅絳着油髻髻。笑一聲。打一棒椎。跳一跳。高似田地。

【張云】這是做院本的。【姑唱】

【川撥棹】更好笑哩。好着我笑微微。一箇漢木雕成兩箇腿。見幾箇回回。

舞着面旌旗。阿刺刺口裏不知道甚的粧着鬼人多。我看不仔細。

【七弟兄】我鑽在這壁那壁。沒安我這死身已。滾將一個礮礮在根底。脚踏着纔得見真實。百般打扮千般戲。

爺爺好笑哩。一個人兒將幾扇門兒。做一個小小的人家兒。一片紬帛兒。粧着一個人。線兒提着木頭彫的小人兒。

【梅花酒】那的他喚做甚傀儡。黑墨線兒提着紅白粉兒。粧着人樣的東西。颼颼胡哨起。鑿鑿地鼓聲催。一個摩着大旗。他坐着吃堂食。我立着看筵席。兩隻腿板僵直。肚皮裏似春雷。

【收江南】呀。正是坐而不覺立而饑。去時乘興轉時遲。說了半日。我肚皮裏饑也。靚子面合落兒帶葱薑。霎時間日平西。可正是席間花影坐間移。看了一日。誤了我生活也。

【隨煞】雨餘勻罷芝麻地。啗去那漚麻池裏澡洗。唐三藏此日起身。他胖姑兒從頭告訴了你。

第七齣 木叉售馬

【神將引龍君上】【龍云】偃甲錢塘萬萬春。祝融齊駕紫金輪。只因誤發燒空火。險化驪山頂上塵。小聖南海火龍。爲行雨差遲。玉帝要去斬龍臺上。施行小聖。誰人救我咱。【觀音上云】來者是誰。【龍叫云】我佛慈悲。救弟子咱。【觀音云】你爲甚來。【龍云】小聖南海沙劫。駝老龍第三子。爲行雨差遲。法當斬。我佛怎生救弟子咱。【觀音云】神將且留人。老僧與你同見玉帝。救此龍君去來。【下】【觀音上云】恰纔路邊。逢火龍三太子。爲行雨差遲。法當斬罪。老僧直上九天。朝奏玉帝。救得此神。着他化作白馬一疋。隨唐僧西天取經。歸於東土。然後復歸南海爲龍。傳吾法旨。着木叉行者化作一箇賣馬的客商。送了龍君與唐僧護經。火龍護法西天去。白馬馱經東土來。【下】【唐僧引駟夫上云】善哉。善哉。離了長安。行經半載。

于路有站。如今無了馬站。只有牛站。近日這牛站也少。到化外邊境向前去。不知甚麼站。【驛夫云】師父再行一月。前面是驢站。驢站再行一月。西番托鉢地面。是狗站。狗站再行一月。是砲站。【唐僧云】如何喚做砲站。【驛夫云】六根木柱。做一箇架子。一根長木做砲梢。梢上一箇大皮兜。長木根上。墜鐵錘一萬斤。使臣到一交。摔番把繩子綁了。入砲兜。一榔椎打動。關板子。一砲送十里遠。師父。與你那禿頭做主。【唐僧云】說得怕起來。怎生一匹長行馬。不揀幾錢。罄其衣鉢。買來駝載。省得打砲送了小僧。【驛夫云】這裏那得賣馬的來。【木叉行者上云】我乃是觀音弟子。木叉行者的便是。奉我佛法旨。將火龍化作白馬。送與唐僧去。好馬呵。【唱】

【南呂一枝花】大宛國天產才。渥洼水龍媒種。帶輕雲一塊雪。走落日四蹄風。玉尾銀鬃。馱雙將無嫌重。出羣驚立大功。勝普賢白象身高。賽師利青獅性勇。

【梁州第七】非伯樂誰知良馬。有劉累方參真龍。奉天佛牒玉帝勅將君送。又不比秦宮指鹿。晉代成功。與高僧代步。又不換美妓將從。且休言九逸還宮。更休論八駿騰空。這馬跳青溪曾救蜀王。到紫陌還歸塞翁。至烏江曾棄重瞳。離了普陀寺中。雲行千里乘飛鞚。聽一派樂音聲動。遙望塵寰人一叢。元來是三藏師兄。

賣馬賣馬。【唐僧云】客人從那裏來。【木叉云】從長安來。要回去。沒盤纏。賣這疋馬。【唐僧云】這馬中麼。【木叉唱】

【牧羊關】這馬你看一丈長頭至尾。八尺高蹄至腩。但一嘶凡馬皆空。比豹月烏別樣精神。比忽雷駁爭些徒勇。又不是五色毛斑點。渾則是一片玉玲瓏。影見在白雲底。聲傳在明月中。

【唐僧云】不知性子如何。【木叉云】我說與你聽者。

【隔尾】白日莫摘青絲鞵。黑夜何須水草籠。料糟筍刷不須用。他要行呵緊促。要歇時放鬆。又不比十二天閑耍簇捧。

【唐僧云】這馬有長力遠行麼。【木叉唱】

【牧羊關】他曾到三足金烏窟。四蹄玉兔宮。他有吃天河水草神通。晉支遁性命也似看承。周姬滿心肝一般敬重。【唐僧云】請箇價錢。要幾多。【木叉唱】聯城璧休言買。千金價豈相容。【唐僧云】恁的小僧買不成。那得許多錢來。【木叉云】我賒與你如何。載你權離此。馱經却向東。

【唐僧云】素來不曾相識。如何賒與我。【木叉云】你認的我麼。【唐僧云】不認得。【木叉云】我非凡人。乃觀音佛上足徒弟。木叉的便是。這馬亦非凡馬。乃南海火龍三太子。爲行雨差遲。法當斬罪。我佛奏知玉帝。着他化爲白馬。與你代步。馱經來。【唐僧云】焉有是理。【木叉云】你若不信。着你見本來面目者。【馬下】。【扮龍王上云】我佛見弟子麼。【木叉唱】

【鬪蝦蟆】金甲白袍燦銀裝寶劍橫。顯惡姦的儀容。冲天入地勢雄。撼嶺拔山威重。離岩出洞霧濛。攪海翻江風送。變大塞破太空。變小藏入山縫。雲氣籠。雨氣從。溪源潭洞。江河淮孟。顯耀神通。常言道。最惡者無過於龍。哎。吾兄從今後不必把眉頭縱。騎着龍馬。引着部從。摩礪松枝向東。來此相逢。

上告師兄。小心去。俺師父預先與你尋着一個徒弟。在花果山等哩。

【尾】你西行似入遊仙夢。我南往重歸滄海中。到前途莫驚恐。有山精。有大蟲。有猿猴。有馬熊。見放着龍君將老師奉。到花果山亂峯。相遇着悟空。取經卷回來受恩寵。

第八齣 華光署保

【觀音引揭帝上云】老僧爲唐僧西游。奏過玉帝。差十方保官。都聚於海外蓬萊三島。第一

箇保官是老僧。第二箇保官李天王。第三箇保官那吒三太子。第四箇保官灌口二郎。第五箇保官九曜星辰。第六箇保官華光天王。第七箇保官木叉行者。第八箇保官韋馱天尊。第九箇保官火龍太子。第十箇保官迴來大權修利。都保唐僧沿路無事。寫了文書。要諸天畫字。都畫字了。則有華光未至。此時想必來也。【華光上云】釋道流中立正神。降魔護法獨爲尊。驅馳火部三千萬。正按南方位丙丁。某乃佛中上善。天下正神。觀音佛相請。須索走一遭。

【唱】

【正宮端正好】差十大保官來。同九曜星君降。把唐僧於路隄防。天佛牒。玉帝勅。都交往西天路收魔障。

【滾綉球】宣靈王將火部驅。胡總管將火律掌。火鴉鳴振驚天上。火瓢傾。卒律律四遠光茫。火丹袖五百。火輪踏一雙。火葫蘆緊縛師曠。使離婁拖定金鎗。神中號作華光藏。佛會稱爲妙吉祥。正受天王。

【儻秀才】玉皇殿金磚是我藏。后土祠瓊花是我賞。炒鬧起天空這一場。鎗撞番四揭帝。磚打倒八金剛。衆神祇索納降。

【滾綉球】上天宮鬧玉皇。下人間保帝王。保得他國無災。庶民無恙。因此上感威靈。歲歲燒香。我將那五嶽欺。五氣掌。五瘟神遣之於霄壤。五音中徵爲偏長。五星中讓我在南天上坐。五方內將咱離位藏。誰不知五顯高強。

【做見科】【觀音云】天王。老僧今日爲頭。會十大保官。保唐僧西游去。恁諸仙聖衆。如何主意。【華光唱】

【呆古朶】觀音佛作保書名字。會諸天一處商量。則爲寶藏在靈山。着這真僧離大唐。山水廣多妖怪。途路遠多魔障。因此上着衆仙離閬苑。諸神往下方。

【笑和尚】二郎神神通廣。五顯聖驅兵將。頓劍搖環。顯出那英雄相。一路
上保護唐三藏。轟雷掣電從天降。壓伏定魔王。

【伴讀書】我我我使金鎗。法力強。恁恁恁持寶杵。威風壯。衆神祇齊保護
他無恙。恁恁離了上方。他他往了西方。俺程程保護他消災障。

【尾】諸佛衆神多謙讓。全在吾師做主張。保金經福無量。向花果山中再
相訪。

正名 唐三藏登途路。村姑兒逞囂頑。

木叉送火龍馬。華光下寶德關。

第二本

義取流光泰宇清。寶筵初啓百花明。

雲中綉縹黃金相。日下瞻依白玉京。

第九齣 神佛降孫

【孫行者上云】一自開天闢地兩儀便有吾身。曾教三界費精神。四方神道怕。五嶽鬼兵噴。六合乾坤混。擾七冥北斗難分。八方世界有誰尊。九天難捕我。十萬總魔君。小聖弟兄姊妹五人。大姊離山老母。二妹巫枝祇聖母。大兄齊天大聖。小聖通天大聖。三弟耍耍三郎。喜時攀藤攪葛。怒時攪海翻江。金鼎國女子我爲妻。玉皇殿瓊漿咱得飲。我盜了太上老君煉就金丹。九轉煉得銅筋鐵骨。火眼金睛。鎗石屁眼。擺錫鷄巴。我偷得王母仙桃百顆。仙衣一套。與夫人穿着。今日作慶仙衣會也。【下】

【李天王上云】天兵百萬總歸降。金塔高擎鎮北方。四海盡知名與姓。毘沙門下李天王。小聖乃李天王是也。奉玉帝勅令。西池王母失去仙衣一套。銀絲長春帽一頂。仙桃一百顆。不知被何妖怪盜去。着令某追尋跟捕。點起天兵。往下方大小三軍。聽吾號令。濃鬘黶陰雲隊裏。黑模糊翠霧叢中。五方將吏執刀鎗。四大神州皆拱服。點八百萬天兵。領數千員神將。往紫雲羅洞裏。直臨花果山中。角木蛟。斗木獬。奎木狼。

井木犴遮斷東方。軫水蚓箕水豹。參水猿壁水獼。合北寒室火猪。翼火蛇。觜火猴。尾火虎。截住南方。鬼金羊。牛金牛。亢金龍。婁金狗。隔終西域。柳土獐。女土蝠。氏土貉。胃土雉。札塞中央。畢月鳥。危月燕。張月鹿。心月狐。上下隄防。昂日鷄。房日兔。高低點照。星日馬。虛日鼠。遠近追奔。叫大小神將。與我馳報。與吾兒那叱。下方着意關防。四下用心圍定。看那護國天王。必捉通天大聖。【下】【那叱引卒子上云】一自乾坤生我。二親教誨多能。三鬢髻上盡滴真珠。四粧帶上金箱瑪瑙。五方神聽咱節制。六合內唯我高強。七寶杵嵌玉粧金。八瓣球攢花刺繡。九重天闕總元戎。十萬魔王都領袖。某乃毘沙天王第三子那叱是也。見做八百億萬統鬼兵都元帥。奉玉帝勅。父王命。追捕盜仙衣仙酒妖魔。有神報來。是花果山紫雲羅洞主通天大聖。則就今日往下方走一遭。【下】【金鼎國王女上云】妾身火輪金鼎國王之女。被通天大聖攝在花果山中。紫雲羅洞裏。怕不有受用。爭奈不得見父母之面。好生煩惱人也。呵【唱】

【仙呂八聲甘州】雲山縹緲。下穩黃泉。上接青霄。曉來登眺。眼前景物週遭。石洞起雲清露冷。金鏤生寒秋氣高。故國路迢遙。恨壓眉梢。

【混江龍】也是我爲人不肖。和這等朝三暮四的便成交。安推着山果。准備着香醪。一派笙歌嘗御酒。抵多少九重春色醉仙桃。山光明媚。柳色妖嬈。鶯歌巧韻。燕舞纖腰。狐變成美麗。虎變作多嬌。着我忍不住一場好笑。執壺的是木客。把酒的是山魈。

【孫行者上云】我天宮內盜得仙衣仙帽仙桃仙酒。夫人快活受用。【金女唱】

【油葫蘆】王母仙衣無分着。金燦爛光閃爍。多管是天孫巧織紫霞綃。【行者云】銀絲帽子醜的帶了。便可喜。【金女云】大聖。你且先戴一戴。你去玉皇宮。偷得

銀絲帽。抵多少瓊林宴頒賜金花誥。【行者云】左右的。與我照管前後洞門。休放

閑神上來。【金女唱】他要性兒乖。劣性兒喬。則恐怕筵間引得天兵到。因此

上擺布一週遭。

【天下樂】抵多少日夜思良計萬條。每日箇逍遙在山曳脚。受用些春花夏果梨杏棗。看了他眼中火。覷了他臉上毛。抱着箇繡毯兒懶去拋。

【李天王調卒上做圍洞科。】【行者做慌科。】【金女唱。】

【村里逐鼓】則聽得數聲鼙鼓。又不比九重天樂。神兵振恐。滿山谷旌旗籠罩。走龍飛鞚。天王來到。謊得衆啣花鹿。將頭角藏。獻果猿將身軀聳。嘯風虎將牙爪跑。謊得衆妖精望風盡倒。

【元和令】惡山林天火燒。深潭洞黑雲罩。李天王托着塔皺着眉梢。顯他那挾泰山的惡燥暴。我便是玉天仙。騁不得妖嬈。衆妖魔四散逃。

【行者做走科。】【天王搜山科。】【見金女科。】【天王云。】你是人是妖魔。【金女云。】小的每是人。【天王云。】你是那裏人。【金女唱。】

【上馬嬌】小的每是金鼎國人被妖怪擾。當日箇秋夜月輪高。酒闌人靜。三更到園內恣遊遨。小徑里抄。風過處遇着山魈。

【油葫蘆】俺什麼女貌郎才廝撞着。將父母遠鄉相拋。鴈杳魚沉沒下落。翠蛾淺淡。玉肌消瘦。終日倚樓高。

【么】空着我望斷雲山恨不消。愁隨着江水夜滔滔。一日錯番爲一世錯。今日得聖賢接引。天王相救。恩義比太山高。

告天王。着小的每回鄉。得見雙親。實感天王之大恩。【天王云】你自回去。不干我事。【金女云】妾身回不去。【天王云】你怎生回不去。【金女唱】

【後庭花】小的每顛鬼鬼楊柳腰。曲彎彎的蓮瓣脚。怎生向溪流曲律坡前去。吉甌古突山上逃。要性命也難熬。天王。你聽咱哀告。妾身有這幾般方可去得。將葛仙翁竹杖來討。費長房縮地來學。乘蛟龍在海上漂。駕鯤鵬

雲外高。

【青哥兒】若如此呵。然後那家鄉家鄉得到。到家呵。細說根苗。將天王衆多神將來雕。擺列着香案。供養着容貌。每日逐朝記在心苗。辦着一片虔心。把香燒。將恁那恩來報。

【天王云】着風雲雷雨四員神將。送此女子。還於本國者。【金女云】謝天王。

【尾】一念霎時生。萬里須臾到。四員將神通不小。抵多少萬里西風鶴背高。離深山直上雲霄。自量度。則聽得鬼哭神號。休猜做三唱陽關出霸橋。【天王云】你離了通天大聖。怎不煩惱。倒歡喜爲何。【金女唱】上聖道。爲甚不蹙青山懊惱。顛倒破朱顏含笑。大古裏捨得這碧桃花下鳳鸞交。【下】

【天王云】走了這胡孫。怎肯干罷。道與那叱好生跟尋者。【下】【孫行者上云】小聖一筋斗。去十萬八千里路程。那裏拿我。我上樹化作箇焦螟虫。看他烏闌。把我媳婦。還于本國。我依

舊入洞頂上洞門任君門外叫只是不開門【那吒上云】這胡孫走那裏去眼見得只在洞裏【做叫科】【行者云】也是悔氣這小孩兒也來欺負我我且出去看他怎的兀那小廝莫不是你妳妳着你來喚我麼【那吒云】胡孫恁爺爺等你多時也【行者云】量你却到得那裏【那吒云】你欺負我我乃八百萬天兵都元帥我着你見我那三頭六臂的本事【做鬪科行者做走科】【天王上云】兀那那吒那胡孫又走了你與眉山七聖大搜此山必要拿此胡孫滅其形像者【觀音上云】天王見老僧麼【天王云】我佛何來【觀音云】老僧特來抄化這胡孫與唐僧爲徒弟西天取經去休要殺他【天王云】這廝神通廣大如何降伏得他【觀音云】將這孽畜壓在花果山下待唐僧來着他隨去取經便了【衆綁行者上】【觀音云】將他壓住老僧畫一字你那廝且頂住這山者【做壓科】【行者云】佛囉好重山也呵我有小曲兒唱着哩

【得勝令】金鼎國女嬌姿放還鄉到家時他想我須臾害我因他廝勾死

他寄得言詞抵多少草草三行字。我害相思。好重山呵。擔不起沉沉一擔兒。

【觀音云】道與山神看得這廝緊者【下】

第十齣 收孫演咒

【山神上云】鎧甲唐猊噴日光。龍泉三尺耀清霜。堂堂花果山中將。木客山魃總納降。小聖花果山神奉觀音法旨。看着這通天大聖。我想自盤古至今。輕清者爲天。重濁者便有俺山水之神。俺見了多少興亡也呵【唱】

【南呂一枝花】包藏造化靈。稟受陰陽氣。採將河漢秀。算盡晦明期。兔走烏飛。看古今興廢。茫茫闕兩儀。有軒轅製造衣裳。有蒼頡流傳書史。

【梁州第七】唐虞禪天垂雍穆。湯武聖民脫災危。周公制作非容易。春秋無道。振起宣尼。獲麟絕筆。軻也聞知。笑六王競角雌雄。嘆呂政任了高斯。

困重瞳馬上英風。更有那三分鼎峙。臥龍把炎精扶起。晉移魏如兒戲。紛紛五代自誅夷。怎勝得俺山水幽微。

聽知唐僧到西天五印度取經。這是第一遭西天去的。

【隔尾】漢明帝佛始來中國。唐太宗僧初入外夷。全仗着觀音大慈力。則爲他將蟠桃會鬧起。今日將花果山鎮伊。【行者云】山神救我咱。【山神云】我如何救得你師父。今日必到也。專等他來。他便救得你。

【唐僧引龍馬上云】龍君。我和你行經數月。前面一座大山。一箇金甲將軍在彼。我去問他。將軍。此是何處。小僧大唐三藏法師是也。【山神云】小聖非凡人。乃花果山之神。是好一箇僧也呵。

【牧羊關】圓頂金花燦。方袍紫焰飛。塑來羅漢的容儀。此一行半爲於民半爲報國。十萬里程難到。百千樣苦難及。則怕你鬧市裏多辛苦。來俺深

山中躲是非。

【唐僧云】此山名何山。【山神唱】花果山。【唐僧云】此間有施主可以蓋寺麼。【山神唱】

【罵玉郎】俺這裏山高險阻無存濟。雲慘淡雨霏微。毒蛇異獸難迴避。

【唐僧云】有齋僧的麼。【山神唱】俺這裏難爲卓錫居。怎做得香積廚。不是你

那祇園地。

【惑皇恩】呀。遮莫你竹杖龍飛。華表鶴歸。戀榮辱有災危。遠是非無掛念。嘆生死有遲疾。你若西天取經。先去這東土忘機。參菩薩。拜聖賢。禮摩尼。

【採茶歌】花果山有山祇。雲羅洞有幽微。則聽得春風桃李杜鵑啼。【唐

僧云】俺辭了尊神。趁早行。怕晚了。【山神唱】師父眼慧。休愁紅日晚。心明何怕黑雲迷。

【行者云】兀那裏和山神說話的。敢是唐僧師父。我叫一聲師父。救弟子咱。【唐僧云】善哉。善哉。這是誰。【山神唱】

【哭皇天】師父聽得叫罷。詢詳細。弟子見言絕說箇就裏。師父。你不知這座山是花果山。山下有一洞。是紫雲羅洞。中有一魔君。號曰通天大聖。惱得三界聖賢。不得安寧。李天王那叱太子。眉山大聖收得。待殺壞他來。觀音佛抄化他。壓在山下。等師父來。着與師父護法。他凡心不退。不可用他。【唐僧云】小僧弘誓如深海。如何不救他。【山神唱】你道你弘誓如海深。那胡孫氣力與天齊。這廝瞞神說鬼。銅筋鐵骨。火眼金睛。偷玉皇仙酒。盜老子金丹。他去那衆魔君中占第一。他是驪山老母兄弟。巫支祇是姊妹。

【烏夜啼】一筋斗千里。勢如飛。論神通誰敢和他做敵。隨師父西赴靈山會。沿路驅馳。可以支持。

【唐僧云】小僧全仗佛世尊釋伽之威力【山神唱】

【么】休言道仗你釋迦威。則尋思念彼觀音力。他有渾世的愆迷天罪。取經回後正果圓寂。

【唐僧云】小僧救他。【做上山科】【行者云】愛弟子麼。【唐僧云】愛者乃仁之根本。如何不愛物命。【行者云】愛我是沉香亭上的纖腰。【唐僧云】我如何救你。【行者云】師父則揭了這花字。弟子自出來。【唐僧做揭字科】【行者做筋斗下來拜謝科】【背云】好箇胖和尚。到前面吃得我一頓飽。依舊回花果山。那裏來尋我。【觀音上云】玄奘見老僧麼。我特地尋這箇徒弟。與你沿途護法去。【看行者科】通天大聖。你本是毀形滅性的。老僧救了你。今次你起凡心。我與你一箇法名。是孫悟空。與你箇鐵戒箍。皂直裰。戒刀。鐵戒繩。渡你凡性。皂直裰遮你獸身。戒刀豁你之恩愛。好生跟師父去。便喚作孫行者。疾便取經。着你也求正果。玄奘你近前來。這畜生凡心不退。但欲傷你。你念緊箍咒。他頭上便緊。若不告饒。須臾之間。便

刺死這廝。你記者。做耳邊教咒科。【唐僧拜謝科云。謝我佛慈悲。】山神唱。

【紅芍藥】觀音救苦大慈悲。賜與你戒箍僧衣。花果山嶮壓損你脊梁皮。得師父放你相隨。休更出你那鎖空房。俺見識。振着矢不得伶俐。琉璃腦。蓋戒箍圍。比着你那小帽敢牢實。

【唐僧云。我且演一演這咒者。行者做跌倒科云。師父饒徒弟咱。做救起科。行者云。我擡下來。丟去咱。做擡不下科。】山神唱。

【菩薩梁州】恰便似釘釘入頭皮。膠粘在鬚髻。你那凡心若再起。敢着你魄散魂飛。爲足下常有殺人機。因此上與師父留下這防身計。劣心腸再不可生姦意。如夢幻出塵世。至誠心謹護持。早去疾回。

小聖對師父說。前面有一河。名曰流沙河。河內有怪。能傷人。行者。你小心護持師父者。師父。好生加持者。

【尾】着胡孫將心猿緊緊牢拴緊。龍君跟着師父呵。把意馬頻頻急控馳。一個走如風疾。一個脚似雲飛。到西天取經回來。到大唐方是你。【下】

【行者云】山神所言。流沙河妖怪能傷人。龍君。你和師父慢來。我先去流沙河尋那妖怪去。說道他要吃人。我着他先吃我一吃。弟子先去也。你隨後便來者。【下】

【唐僧云】龍君。我和你你去來。【下】

第十一齣 行者除妖

【和尚掛骷髏上云】恆沙河上不通船。獨霸篙師八萬年。血人爲飲。肝人食。不怕神明不怕天。小聖生爲水怪。長作河神。不奉玉皇詔旨。不依釋老禪規。怒則風生。愁則雨到。喜則駕霧騰雲。閑則搬沙弄水。人骨若高山。人血如河水。人命若流沙。人魂若餓鬼。有一僧人。發願要去西天取經。你怎麼能勾過得我這沙河去。那廝九世爲僧。被我吃他九遭。九箇骷髏尙在我的脖項上。我的願心。只求得道的人。我吃一百個。諸神不能及。恰吃得九個。少我的多哩。

看甚人來者。【行者上云】渡船渡船。【沙和尚云】又是箇合死的來者。【行者云】你姓甚麼。【沙和尚云】我姓沙。【行者云】我認得你。你是回回人河裏沙。【沙和尚云】你怎麼知道。【行者云】你嘴臉有些相似。【沙拿行者咬科】。【行者云】諸人怕你吃。恁爺不怕你吃。銅筋鐵骨。火眼金睛。鎗石屁眼。擺錫臟頭。你有銅牙鐵齒。你便來尋我。【行者做拿沙和尚科】。【行者云】我不是別人。大唐國師三藏弟子。你放心。隨我師父西天取經回來。都得正果。朝元却不好來。若不從呵。我耳朵裏取出生金棍來。打的你稀爛。【沙和尚云】也罷。降了罷。【唐僧上】。【行者云】師父。弟子降了這洞魔君。【唐僧云】善哉。善哉。你元是何等妖怪。【沙和尚云】小聖非是妖怪。乃玉皇殿前捲簾大將軍。帶酒思凡。罰在此河。推沙受罪。今日見師父。度脫弟子。咱。【行者云】哈。今夜師弟四人。憑甚妖怪不怕。咱早行。【下】。【銀額將軍上云】銀額金睛錦毛遮。黑霧黃雲罩洞斜。爲我英雄多勇猛。太山深洞號三絕。某乃銀額將軍。這座山號曰黃風山。山高洞深路險。號曰三絕。山前山後。山左山右。無一人敢近我者。此

山東里有箇人家。劉太公莊上。有一女子。劉大姐。生得十分好顏色。被我攝在洞中。到大快活。且安排下酒。與娘子飲數杯。【下】。【劉太公上云】。老漢姓劉。夫妻兩口。止生得箇女孩兒。婆婆下世。女孩兒不曾有親事。不想被三絕洞裏妖魔攝將去了。老漢偌大年紀。靠的是誰也呵。【唱】。

【大石調六國朝】白頭蹀躞。似紅日西斜。煩惱甚時休。離愁何日徹。擡舉偌來大。出退得全別。俺孩兒現世的觀音樣。羞花也閉月。曉日天桃霧鎖。東風弱柳雲遮。着我何處苦哀求。誰行閑訴說。

【喜秋風】珠淚垂柔腸結。兩眉攢寸心裂。好兒女似花開謝。早相離半月。

【唐僧一行入上云】。一箇好莊院兒。嚕在這裏歇一宵。明日早行。【見劉老哭科云】。這裏歇不得。【行者云】。兀那老漢子。俺師是大唐三藏法師。借歇一夜。明日早行。【劉哭云】。俺這裏歇不得。【行者云】。定害得你多少。哭天哭地。【劉云】。行者哥哥。你不知道老漢的苦。我那裏

訴來。一箇女孩兒被妖魔攝將去。兀的不痛殺我也呵。

【歸塞北】聽老漢說。行者你大暍。有女一枚。年十八。有妖一洞。號三絕。將我孩兒攝將去了。撇下年老志誠的爺。

【行者云】是甚妖怪。直如此利害。【劉云】行者哥哥。你不知道。那妖怪自說來。

【六國朝】那妖魔神通廣變化。多別將滄海一時番。把泰山平半擺。喚霧呼風雨。天地間難絕。師父發慈念咒。三箇高徒俊傑。【行者云】他如今在那裏安身。【劉唱】白罩坡岩前出沒。黑風山洞裏藏遮。惱三界百十番。歷塵寰三四劫。

【行者云】你女生得好麼。【劉唱】

【雁過南樓】老漢鰥寡孤獨運拙。俺孩兒風流美麗奇絕。他生得楊柳腰桃花臉。是一塊生香玉卞和也歡悅。【行者云】你引我去尋來。【劉唱】老漢腿

脚酸腰肢屈恰便似投天明的曉燈明滅。

【行者云】師父只在莊上歇息。老兒你管待着俺師父。俺弟兄三箇拿那妖怪。奪的孩兒還你何如。【劉唱】

【搥鼓休】哥哥三位用心的別。老夫宰一箇耕牛兒親自接。師父跟前都休說。苦告你個孫行者。【行者云】你女孩兒喚做甚麼。我去尋他。【劉唱】你記着俺孩兒喚做劉大姐。

【唐僧云】行者我在此等候。你疾去早來者。【並下】銀額將軍同劉女上云。大姐自我取你在洞。好生快活。今日如何耳熱眼跳。不知爲何。【行者引一行人上做圍住科】【鬪科】【殺科】【行者云】兀那婦人。你爺着我來取你來也。你同我回家裏去。【下】【唐僧劉太公上】【劉云】師父怎麼不見回來。

【歸塞北】去久也。勝負未分些。則見鬢鬢濃雲連屋角。霏霏細雨灑溪斜。

人語馬嘶得別。

【行者一行人引劉女上。做見科。】行者云：「老的，這便是你的孩兒。」女抱劉做哭科。【劉唱。】

【好觀音】一去迢迢經半月，要相見水遠山疊。今日相逢莫怨嗟，是吾師的功業。恰渾似枯樹生花葉。

謝三位師父之恩，將何以報師父。今日早行，沿路上小心在意，待師父回來，再得相見。

【觀音煞】感謝吾師收了妖孽，着老漢死有墳穴。你若西行仔細者，無限的艱難未斷絕。我這裏專望回來重酬謝。【下。】

【唐僧云】我們趁早行一程。【下。】

第十二齣 鬼母皈依

【唐僧一行人上云】行者，我每與你行了幾日，身子困倦，早些尋箇宿頭，安排些齋吃，却行。

【紅孩兒上哭科】【唐僧云】善哉善哉深山中誰家箇小孩兒迷踪失路少刻晚來豺狼毒蟲不壞了這孩兒性命出家人見死不救當破戒行行者與我駛着前面者人家教根問送還他家請賞也是好事【行者云】師父山林中妖怪極多不要多管【唐僧云】你這箇胡孫又不聽我說定要你背他【行者云】師父先行【做背不起科】【云】我曾壓在花果山聳身一跳尙出來了棒槌大的小的背他不起這必是妖怪教你嘗我一戒刀就砍下澗裏去【做丟下澗科】沙和尚慌上云【師兄禍事吃那小孩兒掣將師父去了知他是何妖怪】【行者云】火龍俺三人見觀音佛去【下】【觀音上云】老僧目中見唐僧有難孫悟空來也這一洞妖魔是何怪物老僧正不見本來面目待孫悟空來同往問世尊佛去【下】【佛引文殊普賢上云】毘盧伽有難觀音引孫悟空來已差四揭帝去拿那畜生了【觀音引行者上見佛科云】我佛唐僧不知是甚妖怪拿去【佛云】不知此非妖怪這婦人我收在座下作諸天的緣法未到謂之鬼子母他的小孩兒喚做愛奴兒我已差揭帝去拿他在箇幽岩

大澤之中。卽日便到。恐揭帝降不下他。將老僧鉢盂去。蓋將來。【四揭帝扛鉢盂上佛云】孫悟空。你回原處去。你師父已出在那裏了也。【行者云】謝佛天。可憐弟子。尋師父去也。【下】

【佛云】將這小廝。蓋在法座下七日。化爲黃水。鬼子母必救他。因而收之。【鬼子母上云】頗耐瞿曇老子無禮。將我孩兒。蓋在法座下。更待干罷。鬼兵那裏。隨我去。揭鉢盂去來。【唱】

【越調鬪鶴鶩】駕一片妖雲。引半垓厲鬼。則爲子母情腸。惡了那神佛面皮。則着你鉢盂中抄化檀那。誰教你法座下傷人家小的。我和你是誰非。拏住呵恰便似二鬼爭環。休想有九龍噴水。

【紫花兒序】出家兒却不慈悲爲本。方便爲門。使不着仁者無敵。黃顏老子。禿髮沙彌。直恁蹉跎。你是孔夫子遭逢着柳盜蹠。我今日做着不避你。認得鬼子母娘娘。休猜做善知識姨姨。

【小桃紅】孽孽地小鬼搗征鼙。不怕你會使拖刀計。待俺將不強不弱的鐵胎。

弓一撚千轉的狼牙箭去射這廝。饒他有千般變幻身軀。怎當我百步穿楊手段。【做射科】
【佛做蓮花遮科】
【鬼母唱】
蹬弩開弓那威勢。一箭箭往前射。則見他金蓮朵朵遮胸臆。早難道射不主皮。他元來溫而不厲。嶮惱殺這箇搽胭脂的養由基。

你放我孩兒來。便饒了恁滿寺裏和尚。【佛云】
賤人。你若皈依佛道。我便饒了你孩兒。【鬼母唱】

【調笑令】
覷了我這艷質。一捻兒瘦腰圍。可甚閭外將軍八面威。文殊普賢擎拳立。諸菩薩見賢思齊。將我那愛奴兒蓋在法座底。恁却甚好生心廣大慈悲。

【喚鬼兵去做揭鉢盂科】

【鬼三台】
千里眼離婁疾。順風兒師曠休遲。鳩盤叉大刀一切鬼。施勇猛。

展雄威勦敵。

【禿廝兒】將鐵鎗持寶劍。携【鬼兵做砍科】掘不開。砍不開。甚東西裏面人外面鬼。影光芒一塊碧琉璃。嶠硬似太湖石。

【麻郎兒】驚得阿難皺眉。說得伽葉傷悲。四天王擎拳頂禮。入菩薩用心支持。

【么】我的手裏拈底霜鋒劍。巨闕神威二十位。諸天聽啓。但迎着惱門着地。

【佛云】那叱那裏。擎住這賤人者。【那叱上云】那賤人見我麼。【鬼母云】誰家一個黃口孺子。焉敢罵我。

【絡絲娘】小哥哥休誇強嘴。則恁這老娘娘當間立地。怕不怕。須當鬪神力。手指定五方真氣。

【做鬪科】

【拙魯速】他將八瓣繡毬提。我將兩刀太阿携。千軍對壘。萬人受敵。垓垓壤壤。各用心機。不弱似九里山困項籍。雲濛濛蔽四夷。兩昏昏罩太極。也罷。我只將這鉢盂擎起。放我孩兒去罷。【做擎不動科】鉢盂輕細。不能擡起。却似太山般難動移。

【做鬪科】【做渾戰擎住科】【做放唐僧上科】【唐僧做謝佛科】【唐僧云】兀那妖魔。你若肯皈依我佛天三寶。小僧拜告祖師。收爲座下。着你子母團圓。不從呵。發你在鄧都地府。永不輪迴。【鬼母云】皈依者。

【尾】告世尊。肯發慈悲力。我着唐三藏西游便回。那唐僧。火孩兒妖怪放生了。他到前面。須得二聖郎救了你。

正名 李天王捉妖怪。孫行者會師徒。

沙和尚拜三藏 鬼子母救愛奴

第四本

玉宇澄空捲絳綃

紫雲聲裏奏感詔

認將北斗迴金柄

魔利天中走一遭

第十三齣 妖豬幻惑

【豬八戒上云】自離天門到下方，隻身惟恨少糟糠。神通若使些兒箇，三界神祇惱得忙。某乃摩利支天部下御車將軍，生於亥地，長自乾宮，搭琅地盜了金鈴，支楞地頓開金鎖，潛藏在黑風洞裏，隱顯在白霧坡前，生得喙長項闊，蹄硬鬣剛，得天地之精華，秉山川之秀麗，在此積年矣。自號黑風大王，左右前後，無敢爭者。近日山西南五十里斐家莊，有一女子，許配北山朱太公之子爲妻。其子家貧，斐公欲悔親事。此女夜夜焚香禱告，願與朱郎相見。那小廝膽小不敢去，我今夜化做朱郎，去赴期約，就取在洞中爲妻子，豈不美乎？只爲巫山有雲

雨故將幽夢惱襄王。【下】【斐女引梅香上云】妾身斐太公之女。小字海棠。自幼許配朱太公之子爲妻。他家貧了。俺家父親待悔了親事。因此俺兩情未已。梅香。你與我將這一封書去。對那生言道。我爲他夜夜燒香花園裏。等着他來廝見。說一句話咱。【梅香云】怕太公知道。連累我。【斐女云】不妨事。【梅香下】【斐女唱】

【仙呂賞花時】一紙書緘萬種愁。數日憂成兩鬢秋。疾忙去莫遲留。休誤了鸞交鳳友。且跳過短牆頭。

【么】揀着這竹徑花溪陰處走。則着他柳影松斜深處有。休煩惱。莫慙羞。黃昏時候。休着我和月倚南樓。【下】

【梅香上云】小姐着我寄書於朱郎。朱郎今夜來赴期也。我已回過小姐了。安排下香桌兒。月兒上時。請小姐燒夜香。【斐女上云】朱生回話來。今夜必來也。燒夜香。待和他說一句話。深秋天氣。好一輪月色也呵。

【仙呂點絳脣】露滴疎衫霧迷衰柳。星光淡。秋色將三。皓月如懸鑑。

【么】薄倖不來。獨倚雕花檻。閑瞻覽。烏鵲投南。驚破儵香膽。

【混江龍】竹梢輕撼。蕭蕭風力透羅衫。多愁少喜。有苦無甘。蛩帶秋聲鳴屋角。鴈拖雲影過江南。行樂處。停時暫。怕的是梅香撒託。虧殺俺嫫姆包含。

【油葫蘆】則俺這成就夫妻。兩下裏就閣了俺女其男。每夜家燒香告斗拜瞿曇。北辰君爭忍相坑陷。西方佛不見靈威感。覷着俺四堵牆。恰似跳萬丈潭。則俺那俊多才。怕不道思量俺。爭奈他身命兒太跋藍。

【天下樂】幾時能勾駟馬安車左右驂。戴着朝簪。穿着錦繡衫。那時間不因親的也來前後攙。爺不將閑話兒提。娘不將冷語兒攢。準備畫堂春宴酣。

梅香將香桌兒近太湖石畔放着【做放科】

【穿窗月】行來到太湖石壘就的山巖菊花風劈面攙丹楓葉老塗朱黯遮着楊柳映着香楠一輪月色雲龍罩的暗

【豬八戒上云】今日赴佳期去對着月色照着水影是一表好人物那姐姐也有眼色【裴女唱】

【寄生草】見一人光紗帽黑布衫鷹頭雀腦將身探狼心狗行潛蹤闖鵝行鴨步懷愚濫【豬云】小姐拜揖【裴女唱】我見你須臾下禮有蹉蹊我這裏囫圇吞箇棗不知酸淡

足下是誰【豬云】小生朱太公之子往常時白白淨淨一箇人爲煩惱娘子呵黑乾消瘦了想當日漢司馬唐崔護都會害這般的症候通鑑書史都收【裴女唱】

【金盞兒】吃得醉薰酣語喃喃秀才呵不要你前唐後漢言通鑑俺家尊

方睡夢初酣。你不將經卷覽。惟把色情貪。全不想王陽曾結綬。貢禹不勝簪。

【豬云】小姐就在四望亭。我着家人般酒果來。和小姐敘見許之情。【做般酒果上科】【豬云】小姐花轎都將在此。我和娘子去咱。【斐女唱】

【三犯後庭花】將擡着花轎藍粧裹着酒食擔。就小亭開宴破橙柑。玉山摧不用攙。相期相約兩相耽。是和非一任談。儘傍人將冷句攙。對上了菱花菱花鸞鑑。非是我故貪淫濫。夫婦之情仔細參。見你富時節承覽。貧時節虛賺。不得和咸。君居地北我天南。我怎肯將郎君陷。

【豬云】梅香。爹娘問時。便說我和小娘子去來。【斐女唱】

【賺煞尾】填滿起悶懷坑。擔幹起相思擔。我按不住風流俏膽。連理枝頭誰下砍。對菱花接上瑤簪。過得南山。則少個包髻團衫。俺爹便知道呵。也不妨。

元定下的夫妻怎斷。嚼茶濃酒酣。趁着風輕雲淡。省得着我倚門終日。盼停驂。【下】

【唐僧一行入上云】善哉善哉。自從離了紅孩兒之難。行經月餘。前面又是一座高山。侵雲接漢。不知是甚麼山。【行者云】師父。這是火輪金鼎國界。正是徒弟丈人家裏。此間妖怪極多。師父並不要閑管。兀那山下一座大林。林下黑沉沉一所莊院。我們到那裏歇去。【下】

第十四齣 海棠傳耗

【裴女上云】自從那日着簡書去約朱生。誰想被這妖魔化作本生模樣。將我攝在這裏。千山萬壑。不知是那裏。這廝五更出去。直至夜方回。每日有隣家女子相陪。想必也是妖精。我也怕不得偌多。但不知幾時見俺父母丈夫。又不知俺父母丈夫。這其間若何也呵。【唱】

【中呂粉蝶兒】良夜沉沉。亂山深。又無鐘禁。我又不曾聽司馬瑤琴。莽相如脆才。料配得來忒甚。映着這樹影山陰。冷清清似一池水浸。

【正宮六么遍】不戀恁身穿着細綾錦。好佳配甚不思尋。更何須白璧間黃金。才郎又嗒女貌寢。我如今憂愁自舉誰替恁。俊兒夫似海內尋針。姻緣事在天數臨。無緣分怎的消任。直耽閣到如今。

安排下酒果。不見朱郎回來。【豬上云】自從攝將這女子來。他兩家打官司。打不打不干我事。每夜快活受用。今日回得晚了。怕小娘子怪。姐姐。小人回了也。【斐女云】今日夜深也。着我等多時也呵。

【中呂上小樓】你可也知誰宴飲。着我獨懷跌簪。醉眼橫秋。笑臉生春。酒滲衣襟。滿捧香醪。輕焚寶篆。閑空鴛枕。我叫你個吃敲才恁般福蔭。

【豬云】小妮子們爲甚不服事娘子。【斐女云】他們也等你多時也。

【么】他每點下絳蠟。鋪着繡衾。等到咱來。斟將酒至。盼得君臨。【豬云】此間小洞中。索是定害娘子。【斐女云】我不曾志意縫聯。慇懃粧洗。存心織紉。【豬云】

人對我說他們不服事你待我責罰這廝們【裴女唱】你可也休聽人恁般讒譖。

【豬云】將酒來我和姐姐飲數杯你丈夫姓朱我也姓朱你是好花一朵伴我檣木兩株。
【笑科】你思量父母麼【裴女云】爺娘如何不想。

【喬捉蛇】展眼略爲歡開懷且自飲一家一計自相尋【豬云】我如今置着衣服首飾辦着禮物着你家去走一遭【裴女唱】纏頭錦買笑金全不要恁但能勾見爺娘一面也叨你福蔭。

【行者上云】師父在這莊上歇了我心中悶倦這座山不知有多少高待我去量一量。
【上山科】好高山好明月我且阿一堆尿兀那黑漢子在山半腰裏伴着箇人又是妖物我且聽他說甚麼【豬云】姐姐你唱一箇我吃酒【行者云】這廝到受用似我【裴女云】尊神着我唱甚麼【豬云】唱箇念奴嬌【行者云】念奴嬌我着你吃我一箇大石頭【做打豬跌下科】
【裴女唱】

【十二月】這聲響似春雷降臨。火炮相侵。驚得冰肌凜凜。冷汗浸浸。不見了宋玉多才的翰林。撇下這巫娥美貌難禁。

【堯民歌】露華涼。羅襪濕浸浸。說得我霞臉赤。渾身上下顫兢兢。【行者做下山科云】小娘子。見我麼。【裴女唱】走了那黑容儀。換上這臉黃金。抵多少死却鍾期遇知音。難盡恁風流兩箇心。不似俺鰥寡孤獨甚。

【行者云】小娘子。你那丈夫好醜臉。【裴女背云】則你也不可觀者。【行者云】你也是妖怪。

【裴女云】妾身是黑風山西裴太公之女孩兒。小字海棠。許配與山南邨朱太公家爲兒婦。爲俺公婆家貧。俺父親欲待悔親。妾身每夜燒香告天。願朱郎早得相見。不想被這妖魔化作朱生模樣。將妾攝在此洞。不得見父母之面。告尊神可憐。【行者云】我非神。我乃是大唐三藏國師上足徒弟。孫悟空是也。這厮是甚妖魔。【裴女云】他常自稱魔利支天御車將軍。又號黑風大王。諸佛不怕。只怕二郎細犬。【行者云】我今日經恁家過。我與你寄一箇信。何

如【裴女云】如此是師兄慈悲咱。小的每待寫書。紙筆又沒。師兄則恁的寄口信。又恐無憑。小的有手帕。是俺父親與我的。他若見這手帕呵。便信是實。【行者云】將來揣在懷裏。【裴女云】記心咱。

【般涉調耍孩兒】把衷情一一都說與恁。全在仗義師兄用心。家音是必莫埋沉。【行者云】你家在那裏。【裴女唱】在黑風山西北跟尋。俺門前兩行槐楊影院後一叢桑柘陰。【行者云】你父親如何。【裴女唱】俺家尊四海性無拘禁。有待傳書之酒。有贈路費之金。

如今不見了妾身。梅香說道。是朱生和妾身走了也。兩親家正鬧哩。

【煞】不知俺家告着他。他家告着俺。哥哥回去除了鐵窖。【行者云】你父母好善麼。【裴女唱】俺爺平生好善常存性。俺娘從小看經不出音。擡舉得我如花錦。今日猪生狗活。兔擾狐侵。

師父是必志誠者。行者云。放心。明日便着你家知道你消息。裴女唱。

【尾聲】志誠呵。泰山也勻做了田。鐵鎗也磨做了針。俺夫妻不會。咱圖他個甚。久以後子母團圓盡在恁。

第十五齣 導女還裴

【裴太公上云】白髮雙雙絕子孫。只圖有女嫁比隣。可憐已作桑間婦。落日深山哭倚門。老漢裴太公是也。俺兩口兒止生一箇女孩兒。年方一十八歲。小名喚做海棠。自小許配朱太公的孩兒。爲他家貧乏了。我兩口不肯與他。梅香報道。他孩兒拐了俺女孩兒去了。趕他們去。那小廝又在他家。看他家動靜。又不見那廝。是拐了俺孩兒的模樣。我說道。女孩兒吃你家孩兒拐了。朱家那老子。和婆子鬧起來道。俺家嫁了他兒媳婦也。衆親眷勸散了。着去尋覓。他這幾日必然要告官。今日敢待來也。【朱太公引小兒上云】萬貫家財一旦休。有兒儘可慰窮愁。誰知世態炎涼甚。夙世姻緣變作仇。老漢朱太公是也。我已先有錢來。天火燒了。

家緣家計如今窮了。這裏大戶裴太公家。一個女孩兒。年一十八歲。生得十分有顏色。自小裏割衫襟爲定。家裏做媳婦。這老子見俺家貧。便來買休。悔這一樁親事。我兩口兒不肯。他前日走來道。俺孩兒拐了他女兒。那老子必定將我媳婦兒嫁與別人了。怎肯干罷。他幾日跟尋不着。今日好共歹。我和他見官去者。【做見科】你還我兒媳婦來。【裴云】你還我女孩兒來。【做揪科】我和你告官去咱。【做行科】【唐僧一行入上云】今日來至黑風山。見一簇人鬧。爲甚麼來。【朱太公云】師父。老漢姓朱。止生這個孩兒。自小與裴太公女兒割衫襟爲定。誰知運蹇。天火燒了家緣。家計窮了。這老子便生悔心。我兩口兒堅執不肯。他前日走將來道。我孩兒拐了他女兒。那老兒必定將我兒媳婦嫁與別人了。我今日和他去見官哩。【唐僧云】善哉。善哉。有如此事。【行者云】兀那老兒。你姓裴。【裴云】我姓裴。【行者云】你休鬧。你休鬧。要你的女兒。當來問我。你的女兒。不長不短。生得大有顏色。小名喚作海棠。是麼。【唐僧云】你這胡孫。又惹事了。你怎麼知道。【行者云】休問我知道。不知道。有一個小曲兒。

喚做朝天子。

【中呂朝天子】老裴聽啓。我一一言詳細。朱家兒子是他的女婿。未能勾成佳配。一個爲有家財。一個因無家計。被妖魔攝在洞裏。【裴太公云】哥哥。你怎得知道。你問我怎知就裏。且莫要左右打諢。則這一個手帕兒是何人的。

【裴老做哭科云】正是俺孩兒的哥哥。你那裏見他來。【唐僧云】行者。你如何得知來。【行者云】聽弟子細說一遍。老裴。俺師父是大唐三藏國師。欲往西天取經。夜來至一莊院。借宿。師父睡了。我睡不着。山上去閑看。則見半山腰。有一人光紗帽子。黑面皮。抱着個女子。飲酒。着那女子唱念奴嬌。我看了。班起一塊大石。調打下去。一聲響亮。不見了那廝。則見一個女子。言稱。我是裴太公的女兒。小字海棠。許朱太公家爲兒婦。我爺娘不肯。我每夜燒香禱告。忽見朱郎來。言道。我家貧。特來取你來。却被此妖魔化作朱生模樣。將我攝在此間。你與我寄個家信去者。我道。將甚麼爲信。他便與了我這個手帕。從頭一一都道。恁孩兒便知着。

落他吃妖魔殘破城池。你兩個是家劇鬧。【裴老云】請師父到俺家裏商議。【做到家科】哥哥不知是甚麼妖魔。【行者云】山神土地安在。【土地上云】師父稽首。【唐僧云】土地兀那裴太公的女兒。是何妖怪攝去。【土地云】小聖亦然不知。當年八月十五夜。則見在黑松林內現出本像。踰高八尺。身長一丈。仔細看來。是個大豬模樣。【行者云】想是個豬精。我去料持他。【土地云】行者。索用機謀。休要膽大心粗。耐何得親自下手。耐何不得呵。索尋後巷王屠。【唐僧云】行者。你須要小心在意者。【下】。【裴女上云】昨夜吃了那一驚。今日身子不快活。那行者說與我寄信。知他何如。朱郎出去。從早至今未回。幾個女伴相陪。安排下果桌。等朱郎來。好一派山景也呵。【唱】

【正宮端正好】雨初收雲纔散。山風惡羅袂生寒。澄澄月色如銀爛。倚闌凝眸看。

【蠻姑兒】看間興闌。颼颼風色。颼颼秋聲。一陣愁煩痛心肝。想家何在見。

應難望雲樹沉沉在眼。

【滾繡球】這些時懶將玉粒餐。偷將珠淚彈。端的是不茶不飯。思昏昏恰便似一枕槐安。身邊有數的人。眼前無數的山。聽了些水流深澗。野猿聲啼破高寒。碧梧露冷冰肌瘦。紅葉秋深血淚乾。改盡朱顏。

【叨叨令】有時俯視溪流看。更嶮似單騎羸馬連雲棧。一聲鶴唳青松澗。更慘似琵琶聲裏君恩斷。兀的不悶殺人也麼哥。兀的不悶殺人也麼哥。幾時能勾一盃未盡笙歌散。

【行者上云】閑話之間。早來到洞裏了也。兀那娘子在那裏。我已報信你家太公了。你與我去來。【裴女云】多謝神聖。【做行下山科。】裴女唱。

【伴書生】往常時綠窗下拈針也懶。繡幙裏那身也慢。今日個一朵行雲滿空裏散。比乘風的列子皆虛幻。攜雲帶雨誰曾慣。問何處是巫山。

【笑和尚】雲昏迷望眼。霧隱隱遮蒼漢。氣吁吁地流香汗。似似鷄鳴度函谷關。如如馬跳過美良灘。別無甚與你餞行。別無計鎖你雕鞍。來來我親自禮拜你三千萬。

【行者云】拜多少得飽。【下】唐僧裴朱一行人上云。孫悟空久不見來。此時想必到也。行者引裴女上云。小娘子來到恁家裏了。【做見哭科】裴女唱。

【儻秀才】山洞裏消磨了粉顏。草堂上流乾了眼淚。謝師父與我鞭梢一指。問好着我鬆寶釧。淡眉山。裙腰兒旋剗。

【唐僧云】親家都來相見者。行者云。兀那女子。不知攝你者是何妖怪。裴女云。妾也不知。但醉後則說他怕二郎細犬。行者云。我問土地。他說是豬精。龍君沙和尚。同師父在莊上住。我去拏那妖怪。但不知他法力如何。我降得便自降他。降不得直至普陀告觀世音。差二郎來收他。絕了你兩家後患。裴朱二老云。重生父母。再長爹娘。唐僧云。吾弟用心。慈

悲大展方成道。嗜欲休貪是出家。小心在意。疾去早回。行者下。唐僧云。你兩個老的。擇個好日子。着兒女合配了者。裴朱云。謹依法旨。裴女唱。

【滾繡球】我今日得救還。草舍間免了些短吁長嘆。使爺娘兒女心安。託賴着師父的恩行者。儼救得我百餘無難。急回來春事闌珊。殘花落盡。胭脂色。綠葉陰成。翡翠班。枉在塵寰。

【尾】早則不喬林鶯去。歌聲慢。寶鑑鶯孤舞影單。子女團圓喜無限。夫妻速合各爲難。感謝吾師端的是世間罕。下。

【裴老云】且留師父歇一宵。明日早行。下。【豬上云】叵耐裴老無禮。將我渾家取歸家去了。他分付着我來他家做女婿。我尋思來也好。強如洞裏茶飯不便。當只就今日。我到他家去走一遭。下。【裴老上云】昨日孫悟空去拿豬精。尚未回來。我且在此等候者。行者上云。我去拏那個豬。誰想他不在洞裏。今日且在裴公莊上等他。定個計策。他敢自來也。

做見說科。【行者云】將你女孩兒別處安頓了。我却穿了他的衣裳。在他房裏坐。那魔軍來時。你着他入房來。我料持他。【做入房科】。【裴老云】遠遠望見一個黑漢子。敢是那豬來也。【豬上做見科】。【裴云】你是誰。【豬云】我是你女婿。怎不認得我。【裴云】少吃你會親茶飯。故不認得你。【豬云】丈人。我的娘子臥房在那裏。【裴云】這是小姐臥房。你請入去。【裴下】。【豬做入見酒果燈燭科云】姐姐。你等我同來家。便先來了。【做摸科】。呀。好粗腿也。【行者云】我唱一個與你聽。

【雙調雁兒落】你想像賦高唐。我雲雨夢襄王。嚙正是細棍逢麤棍。長鎗對短鎗。

王。【么】你休恁輕狂。我和你一合相。嚙是個引不動嬌娘。却便是孫豬范霸王。

【做打豬走科】。【孫趕科】。【火龍僂上云】報報。師父吃那魔軍攝去了也。【行者云】不知

這妖魔何等樣物。小娘子說道。他則怕二郎細犬。俺同見觀音佛。着二郎來救俺師父去來。

【下】

第十六齣 細犬禽豬

【灌口二郎同行者上云】不周山破戮天吳。曾把共工試太阿。誰數有窮能射日。某高擔五嶽逐金烏。小聖灌口二郎神是也。奉觀世音法旨。救唐僧走一遭。【唱】

【越調鬪鶴鶉】看了些日月盈虧。山河變遷。灌口把威施。天涯將姓顯。郭壓直把皂鷹擎。金頭奴將細狗牽。背着弓弩。挾着彈丸。濯錦江頭。連雲棧邊。

【紫花兒序】伏得些山神恐懼。木客潛藏。木獸拳攀。悶來時擔山趕日。閑來時接草量天。安然寒暑相催。不記年物隨時變。脆似松枝。海變做桑田。【金蕉葉】正待要搗箠壁阮。忽受取觀音差遣。西天路妖魔萬千。保護着

唐僧庶免。

叫神將。你與我緊把住洞口。看那妖怪甚麼面目。

【調笑令】來到這洞邊。叫聲喧。休猜做落日山空啼杜鵑。天兵布得山川遍。【行者云】上聖。這廝神通廣大。神力周全。【二郎唱】孫行者說言在驕馬之前。你道他神通廣大自專。則好深山裏說地瞞天。

【豬內做驚科】

【禿廝兒】雲氣重天兵頓顯。霧風狂天地相連。黃風從地捲。休遲滯。莫俄延相纏。

【豬跳出做見科云】二郎神。我與你有甚冤仇。你來拏我。【二郎云】兀那魔軍。我奉觀音法旨。特來拏你。你若真心皈依我佛。與你拜告觀世音。着你也成正果。若不皈依。着 you 死於細犬口中。【豬云】別人怕你。偏我不怕你。【二郎唱】

【聖藥王】嘴臉是黑炭團。部從是火肉然。休猜做玉簪珠履客三千。一壁廂畫角鳴。一壁廂鑼鼓喧。休猜做笙歌引至畫堂前。一片怪膽大如天。

【行者云】那豬精。你敢與我相持麼。【豬云】怕甚麼賭鬪。【做鬪科。】【二郎唱。】

【麻郎兒】郭壓直威風不展。孫行者筋力俱燬。鬪到三千合精神越顯。潑妖物小聖也難辨。

左右神將。快將細犬。咬那魔軍。【做鬪科。】

【么】便遣快牽細犬。見本相直奔跟前。黑面郎心驚膽顫。逃命走洞門難戀。

【做豬逃犬趕科。】

【拙魯速】這犬展草力應全。護家志當虔。禦賊的性堅。吠形的意專。願免逐狐那輕健。忒伶俐不容他寬轉。【犬做咬住科。】則一口咬番在坡岸前。

【左右綁科】放唐僧上做謝科。【唐僧云】上告二郎大聖。出家人以慈悲爲念。救物爲心。望神聖看佛天三寶之面。饒這魔軍。與弟子護法者。【二郎唱】

【么】潑妖魔。世不然。告吾師熬可憐。你若是肯放心願。跟後趨前。莫生狂顛。一性參禪。將你那害生靈的冤孽免。

【豬云】謹依法旨。【二郎云】唐僧沿路小心。俺自保障你者。

【尾】去心緊似離弦箭。到前去如何動轉。魔女國冤孽深。火焰山禍難遣。

正名 朱太公告官司 裴海棠遇妖怪。

三藏託孫悟空 二郎收豬八戒。

第五本

萬里韶光應節來 三天寶錄徹明開

分明龍女擎珠出 疑是仙人帶月回

第十七齣 女王逼配

【唐僧引孫豬沙馬上云】自離了黑風山，來到女人國。孫行者，女人國裏何好？【行者云】師父，弟子銅筋鐵骨，火眼金睛，鎗石屁眼，擺錫雞巴。師父若怕拚，我做弟子不着。【唐僧云】既到此間，怕得許多，只得向前通關，先打去了。俺入城去來。【下】

【女人國王上云】子童，女人國王，俺一國無男子，每月滿時，照井而生。俺先國王命使漢光武皇帝時，入中國拜曹大家爲師，授經書一車，來國中。至今國中婦人知書知史，立成一國，非同容易也呵。【唱】

【仙呂點絳脣】寶殿生香，美人扶向瑤堦上，列七寶旌幢，端坐泥金瓦。

【混江龍】我怕不是嫦娥模樣，將一座廣寒宮，移下五雲鄉。兩般比諭，一樣淒涼。嫦娥夜夜孤眠，居月窟，我朝朝獨自守家邦。雖然那強文壯武，宰相朝郎，列兩行脂粉，無四野刀鎗。千年只照井泉生，平生不識男兒像。見一幅畫來的也情動，見一個泥塑的也心傷。

昨日有通關打來說道。大唐國師去西天取經。從俺地面過。俺索接他去。

【油葫蘆】說他幾載其間離了大唐。來到俺地方。安排香案快疾忙。今日取經直過俺金階上。抵多少醉鞭誤入平康巷。我是一個聰明女。他是一個少年郎。誰着他不明白搶入我花羅網。準備着金殿鎖鴛鴦。

【天下樂】穩情取和氣春風滿畫堂。宰下肥羊。安排的五味香。與俺那菜饅頭的老兄。騰了肚腸。陪粧奩留他做丈夫。捨身軀與他做正房。可知道男兒當自強。

【唐僧引一行人上云】貧僧來至女國。夢寐間有章馱尊天來報。有一場魔障來也。龍天未知是何魔障。來到國內。報覆去。大唐國師求見。【女王做接科云】早知師父來到。自合遠接。接待不及。勿令見罪。【唐僧云】難消。歸依佛。歸依法。歸依僧。【女王云】是好一個和尚也呵。

【那叱令】身才兒俊長。加持得鬼王。容貌兒善良。修持得梵王。胸襟兒紀綱。扶持得帝王。頭如藍靛青。語似春雷壯。這和尚端的非常。

將酒來與師父接風。【唐僧云】小僧不飲酒。不如葷。【女王唱】

【鵲踏枝】執方尊瀉環漿。露春葱捧瑤觴。【唐僧云】娘娘。及早修業。無常有限者。

【女王唱】但能勾兩意多情。儘教他一日無常。天魔女邪施伎倆。敢是你個釋迦佛也。按不住心腸。

【女王做抱住唐僧科】【行者云】娘娘。我師父是童男子。吃不得大湯水。要使我替。【唐僧云】善哉。善哉。我是出家人。【女王唱】

【寄生草】直撥上胭脂污。袈裟上膩粉香。似魔騰伽把阿難攝在淫山上。若鬼子母將如來圍定在靈山上。巫枝祇把張僧拏住在龜山上。不是我魔王苦苦害真僧。如今佳入個個要尋和尚。

【行者云】小行與娘娘驅兵將作朝臣。你饒了俺師父者。【女王唱】

【么】徒弟每諸般勸。師父獨自慌。俺女兵不用猴爲將。女王豈用豬爲相。如今女娘都愛唐三藏。你休癡迷修行。今世有來生。我則待長江後浪催前浪。

【女王做扯唐僧科】這正殿上不是說話的去處。俺兩個後殿裏去來。【唐僧云】孫悟空救我。【下】。【行者云】我自也顧不得。【諸女做捉番孫豬沙發科】。【下】。【女王扯唐僧上云】唐僧。我和你成其夫婦。你則今日就做國王。如何。【唐僧云】善哉。我要取經哩。【發科】。【女王唱】

【六么序】香馥郁銷金帳。光燦爛白象牀。俺兩個破題兒待弄玉偷香。聽得說天地陰陽自有綱常。人倫上下不可孤孀。俺這裏天生陰地無陽長。你何辜不近好婆娘。浮屠盡把三綱喪。【唐僧云】佛教自是一家。【女王云】說你那

佛怎麼。孔夫子文章貫世。天下傳揚。

【唐僧云】你如何知有個孔夫子。【女王云】俺先國王曾使人去。授得曹大家五經三史。都知人倫故事。

【么】你雖奉唐王。不看文章。舜娶娥皇。不告爺娘。後代度量。孟子參詳。他父母非良。兄弟參商。告廢了人倫大綱。因此上自主張。你非比俗輩兒郎。沒來由獨鎖空房。不從咱除是飛在天上。箭射下來也待成雙。你若不肯呵。鎖你在冷房子裏。枉熬煎得你鏡中白髮三千丈。成就了一宵恩愛。索強似百世流芳。

【女王捉番唐僧科】【唐僧云】誰救貧僧也。【韋馱尊天上云】某韋馱尊天是也。奉觀音法旨。去救唐僧走一遭。潑賤人怎敢毀吾師法體。【女王云】你是何人。直走到臥房裏來。

【金盞兒】披金甲貌堂堂。持寶杵氣昂昂。莫不是淪藍橋燒祆廟的脛神。

將比唐僧模樣更非常。【韋云】吾神三十老，完爲童子身，特來護法來。【女王云】又是個柳下惠顏叔子。焦則麼那村柳舍，叫則麼那啼顏郎，你整村了三十載，他干過了二十霜。

【韋云】若不送師父出來，一杵打你做泥塵。【女王做放手科】

【尾】我無緣保的他無恙，鬧炒起花燭洞房，怕甚麼深院沉沉秋夜長，決撒了帽兒光光，恨韋郎不做周方，我不道的惱亂蘇州刺史腸。你如今去，我這裏收拾下畫堂，埋伏下兵將，等回來拏住再商量。【下】

【韋云】俺孫行者安在。【行者上云】俺乃僧勅，諸神拱聽。【見科】。【唐僧云】行者，貧僧若非尊神護持，幾毀法體。【韋云】行者，好生護持師父去者。孫行者聽我叮嚀，和師父疾便登程。見花酒休生凡性，莫誤了西天取經。【下】。【唐僧云】行者，我們十分虧神天護持，脫了此一難。我且問你，我吃女王拏住，你每三個怎的脫身。【行者云】師父，聽行者告訴一遍，小行被

一個婆娘按倒。凡心却待起。不想頭上金箍兒緊將起來。渾身上下骨節疼痛。疼出幾般兒蔬菜名來。頭疼得髮蓬如韭菜。面色青似蓼芽。汗球一似醬透的茄子。鷄巴一似醃軟的黃瓜。他見我恰似燒葱。恰甫能忍住了胡麻。他放了我。我上了火龍馬脊梁。直走粉牆左側。聽我有個曲兒。喚做寄生草。

【寄生草】豬八戒吁吁喘。沙和尚悄悄聲。上面的緊緊往前掙。下面的款款將腰肢應。我端詳了半餉。空候倖。他兩個忙將黑物入火爐。我則索間騎白馬敲金鐙。

師父趁着人健馬飽。索行去來。

第十八齣 迷路問仙

【唐僧一行人上云】自離了女人國。行經一個月期。不知前至那裏。得個地方人。問他問路兒也好。遠遠地漁鼓筒子響。俺緊脚步趕上去問他一聲。【下】。【探藥仙人持漁鼓筒子上。

云。山兮山兮高。水兮水兮深。山高摩世界。水深流古今。百年惟有山水在。英雄豪士何所尋。道可道人莫毀名。可名可就裏難言。若離得酒色財氣。便堪爲塵世神仙。唱。

【南呂玉交枝】貪杯無厭。每日價汎流霞灑。子雲嘲謔防微漸。託鴟夷彩筆拈。季鷹好飲豪興添。憶尊鱸只爲葡萄醞。倒玉山恁般瑕玷。又不是周晏相。霜糟醃着葛仙翁。麴埋那張孝廉。恣狂情誰與砑。英雄儘你誇。富貴饒他占。則這黃爐畔有禍殃。玉缸邊多危嶮。酒呵。播聲名天下嫌。

【么】待誰來挂念。早則是桃腮杏臉。巫山洛浦皆虛艷。把西子比無鹽。那裏有佳人將四德兼。爲龍釐衾枕是干戈漸。錦片是江山着敵斂。可曾悔戀了穠纖。碎鸞釵間寶奩。這風情怎強譖。眼見墜樓人猶把臨春占。笑男兒自着鞭。嘆青娥藏刀劍。色呵。播聲名天下嫌。

【么】富豪的偏儉。奢華的無過是聚斂。王戎郭況心無厭。擁金穴握牙錢。

可知道分金鮑叔廉。煞強如牢把銅山占。晉和嶠也多褒貶。恰便是朱方聚殲。有齒的焚身。多財的要謙。斗量珠。樹繫縑。刑傷爲美姝。殺伐因求劍。空有那萬貫錢。到底來亡溝塹。財呵。播聲名天下嫌。

【么】英雄氣燄。貔虎般不能收斂。夷門燕市皆爲僭。空偃僣杆威嚴。探丸厲刃。掀紫髯。笑談落得填坑塹。儘淋漓一腔丹慊。惹傍人血淚橫霑。冷覷王侯。煖守兵鈴。髮衝冠雄猛添。驚皇博浪椎。寂莫烏江劍。恁忘了泡影與河山。算相爭都無裨。氣呵。播聲名天下嫌。

【唐僧引一行人上云】行至深山曠野之中。不知是那裏。遠遠的樹林之間。有個採藥仙人。問路咱。【行者云】前面採藥仙人。指路咱。【仙唱】

【醉鄉春】打漁鼓高歌興添。採靈芝快樂無厭。大叫高呼。前遮後掩。遠量度近觀瞻。謹廉禮謙。休猜我做避世陶潛。

【唐僧云】俺是大唐三藏國師。欲往西天取經。過此迷了路途。故此問你咱。【仙云】恁非凡人也。誰能得到這裏。

【雙調小將軍】過女人國甚熾嶮。有無限惡威嚴。若要到西天峰峻尖。一路上苦偏多無甚甜。

【唐僧云】指我去路咱。【仙云】俺此間不五百里。有一山。名曰火焰山。山東邊有一女子。名曰鐵扇公主。他住的山。名曰鐵鏟峯。使一柄鐵扇子。重一千餘斤。上有二十四骨。按一年二十四氣。一扇起風。二扇下雨。三扇火即滅。方可以過。

【清江引】火焰山委實形勢險。【行者云】我一泡尿溺也溺死了他。【唐僧云】行者休要胡說。【仙唱】使不着你粧風漢。全憑鐵扇風。常言道。水火無情。不用吹毛劍。【行者云】我問他借扇子。肯便肯。不肯呵。我與他勢不兩立。【仙云】他的法寶。你人力怎闕得。他敢着你滴溜溜的半空。似秋葉般颭。

雖然於路艱難。却有無限之景。

【碧玉霄】瀑布簽寒。澗落水簾。木繞山尖。猿嘯虎張髯。仗法力則可以。無神通休強參。將山色來瞻。似碧玉無瑕玷。苦辛不厭。大發慈悲念。

師父趲行者。

【隨尾】玉鞭緊道催金靴。火焰山千難萬險。早求法力到西天。莫把殘軀葬山崦。【下】

【唐僧云】來至火焰山。如何得過去。行者。怎生是好。【行者云】師父。山這邊有人家。你且歇下着。弟子直到鐵鎚峯。尋鐵扇公主。借扇子來。着師父過去。【唐僧云】你疾去早來。休着我記挂你。【下】

【行者云】來到鐵鎚峯。人說鐵扇公主。知他有丈夫沒丈夫。好模樣也不好。我且問山神土地。便知明白。噯。山神土地安在。【山神上云】小聖本處山神是也。噯。乃法勅。萬神咸聽。不知那位尊神呼召。小聖上前參見。尊神稽首。【行者云】我乃大唐三藏國師弟子。

通天大聖孫行者。我問鐵扇公主在那裏住。【山神云】在正尖峯下住。【行者云】他有丈夫沒丈夫。【山神云】沒丈夫。【行者云】他肯招我做女婿麼。【山神云】肯。【行者云】怎知便肯。【山神云】人物好歹選中。【行者云】我問他借扇子去。【山神云】小聖不敢說。行者自詳論着他一扇子。搨做風胡孫。【下】。【行者云】我不信輸與一個婆娘。我且到他洞門前走一遭。【下】。

第十九齣 鐵扇兇威

【鐵扇公主上云】妾身鐵扇公主是也。乃風部下祖師。但是風神皆屬我掌管。爲帶酒與王母相爭。反却天宮。在此鐵鏟山居住。到大來是快活也呵。【唱】

【正宮端正好】我在巽宮裏居。離宮裏過。我直滾沙石撼動娑婆。天長地久誰煞得我。把世界都參破。

【滾繡球】孟婆是我教成。風神是我正果。我和驪山老母是姊妹兩個。我

通風他通火。角木蛟井木犴是叔伯親。斗木獬奎木狼是舅姑哥。當日宴蟠桃。惹起這場災禍。西王母道他金能欺風。木催槎。當日個酒逢知己千鍾少。話不投機一句多。死也待如何。

俺這裏鐵鏝峯。好景致也呵。

【偷秀才】明月照疎林。花果寒露滴空山。薜蘿四面青山緊圍裹。松梢聞鶴唳。洞口看猿過。與凡塵間闊。

我一柄扇子。重一千餘斤。上有二十四骨。按二十四氣。此般兵器。三界聖賢。不可量度。單鎮南方火焰山。若無此扇。諸人不可過去。好扇子呵。

【滾繡球】這扇子六丁神巧鑄成。五道神細打磨。閻浮間並無二個。上秤稱一千斤。猶有餘多。管二十四氣風。吹滅八十一洞火。火焰山神見咱也。膽破。惱着我呵。登時間便起干戈。我且着扇搨翻地獄門前樹。捲起天河。

水上波。我是第一洞妖魔。

【行者上叫科】洞裏小鬼做出科。【行者云】小鬼對恁公主說。大唐三藏國師摩合羅俊徒弟孫悟空來求見。借法寶過火焰山。【小鬼進稟科】公主云。我知道。這胡孫是通天大聖孫行者。着他過來。【行者做入見混科云】弟子不淺。娘子不深。我與你大家各出一件。湊成一對妖精。小行特來借法寶過火焰山。公主云。這胡孫無禮。我不借與你。

【叨叨令】我這片殺人心膽。天來大。救人命志少些兒個。【行者云】師父過不得火焰山。特來相投。公主唱。你道是火焰山。師父實難過。則這個鐵鏟峰的魔女能行禍。休得要間中尋鬧也。波哥。休得要間中尋鬧也。波哥。則你那禿驢。敢禁不得剛刀剝。

【行者云】這賊賤人好無禮。我是紫雲羅洞主。通天大聖。我盜了老子金丹。煉得銅筋鐵骨。火眼金睛。鎗石屁眼。擺錫鷄巴。我怕甚剛刀剝下我鳥來。公主云。這胡孫好生無禮。我也

不是你惹的。

【石鶴子】你道是花果山是祖居。鐵鏊峰是我的行窩。在彼處難比強。來此處索伏些懦。

【行者云】潑婆娘。我若拏住你。也不打你。也不罵你。你則猜。【公主唱】

【中呂快活三】惱得我無明火。怎收撮。潑毛團。怎敢張羅。賣弄他銅筋鐵骨。自開合我一扇子。敢着你翻筋斗三千個。

【行者做出科云】那婆娘。出來出來。我和你并個輸贏。【公主唱】

【鮑老兒】他大叫高呼勒着我。更怕我楊柳腰肢嫋娜。耀武揚威越逞過。更怕我桃臉風吹得破。彎弓蹬弩。拈鎗使棒。擂鼓篩鑼。

鬼兵那裏。【卒子擺上】【公主云】將兵器來。

【古鮑老】手提着太阿。碧澄澄恰如三尺波。額攢着翠娥。惡狠狠怒如千

丈火狂旗磨戰鼓。敲妖兵和你便吃了靈丹數顆。爭似我風聲偏大半合兒。敢着你難撈摸。

【做戰科】公主做敗走科云。這胡孫神通廣大。我贏他不得。將法寶來。

【道和】這扇子柄長面闊。鎖鐵貫嵌金。磨骨把握薄。妖氣罩冷風多。雲端頂上觀見我鐵棒來。抽身便躲。戒刀着怎地存活。我着戒刀折鐵棒。損力消磨。

【柳青娘】休麼。從來不識這妖魔。忒輕薄也待如何。那廝有神通難摸。藝高強名揚播。偷靈丹老子怎近他。盜蟠桃玉皇難奈何。那廝上天宮將神威挫。下人間興禍多。看着身軀大。頃刻成微末。看着東方過。頃刻向西方落。一任他鐵骨銅筋火眼睛。不索交兵。敢着他隨風一扇。扇了渡江河。

【做扇科】行者做一斤斗下。公主云。量你個胡孫。到着那裏。這一柄扇。扇着呵。

【尾】或是墮在遠岡。落在淺波。滴溜溜有似梧飄落。便是天着他有命。今生必定害風魔。【下】

【行者上云】吃這婆娘一扇子。搥得我滴溜溜半空中。休說甚的小孫草腹屎腸。做了四句口號。罵這弟子。婆娘忒恁高強。法寶世上無雙。不借我呵也罷。當着你熱我涼。待干罷。去投奔觀音佛去。好歹有甚見識過去。【下】

第二十齣 水部滅火

【觀音上云】老僧觀世音是也。唐僧過不得火焰山。孫悟空來告。我差雷公雷母風伯雨師。箕水豹壁水獢參水獒等。水部通神。水能滅火。就除此火山之害。免使後人受苦。傳吾法旨。着神將跟孫悟空去。便要同唐僧過山。風雨雷電神。卽時下中界。我着他火焰不能燒。刀侵斷斷壞。【下】

【電母引風伯雨師雷公上】

【風云】走石颺沙日月昏。

【雷云】慣將斧劈巨靈神。

【雨云】銀瓶瀉盡天河水。

【電云】時聖金蛇送火輪。

【風云】吾世守東南巽二之神。箕水

豹飛騰大將軍是也【雷云】吾太乙真人部下謝仙火伴霹靂將軍五雷使者是也【雨云】
吾乃畢星屏翳之神玄冥先生赤松子的是也【電云】吾乃南方離火之神鞭策雷車使者
列缺仙姑是也今日西天毘盧伽尊者前往五印度取大藏金經被火焰山妖魔當路我四
人奉着觀音法旨前往護持他去須索走一遭【唱】

【黃鍾醉花陰】驟雨滂沱電光滿古刺刺雷聲如車轉雲黴靄霧迷漫天
地水三官勅令着咱將唐僧管惡途路怎盤桓火焰山難同春晝暖

【喜遷鶯】又不必樵蘇炙爨通紅一帶峯巒遙觀碧天將半這山便有美
玉也難栖着鳳鸞又無甚溝澗湍瀉箭的風威相助淋琅般雨勢相攢

【出隊子】把天瓢來澆灌潺潺的水勢滿猶勝似上元驛夜半火威寬博
望坡秋深火焰攢赤壁山冬初火力完

【四門子】箕水豹斑斕隱霧端壁水獺緊把眉攢參水猿左右聽呼喚水

勢溶寬山高下不分丘段路迢遙不見林巒水部雄火焰消迷路平安十
萬里程受苦酸師父力多般餐風宿露忙投竄宵衣旰食無攢斷受驅馳
百萬端

【唐僧上做見科云】多謝神聖救了弟子一難【電唱】

【寨兒令】請師父上馬休遲緩衆神人緊護攢龍馬又犇徒弟每歡到前
途更無妖怪斷天地知佛法寬敢着你同居涅槃

【神仗兒】風神王冷氣酸雨師雷伯兩意歡電母施威水神沒亂這功勞
都一般往西天取得經完再重來此處難顧管奏天庭仍把諸佛喚着火
再休攢

【尾】此去西天路過半月不消十數遍團圓那壁是靈鷲兩山交界管

正名 女人國遭嶮難 採藥仙說艱難

孫行者借扇子 唐僧過火燄山

第六本

萬里香風下九天

仙真鶴馭盡翩翩

一誠上達祇園地

永保皇圖億萬年

第二十一齣 貧婆心印

【唐僧一行人上云】脫離了紅孩兒，過了火焰山，于路虧殺龍天三寶，今日到得中天竺國，皆是諸佛羅漢之地。孫悟空，我與龍君沙豬慢行，你先去尋個打火做宿處，吃了飯，到靈鷲山參佛世尊，你到前面，不要妄開口說話，此處是佛國了。參禪問道的極多，不要輸了，不比你相殺到容易。禪機却怕人。【行者云】小行知道，我先行，師父慢來。【下】

【下】【唐僧云】孫行者去了，我們慢慢行，待他齋熟，我們却到吃了，便入寺去。未臨佛土，身偏穢，方到西天，骨也輕。

【下】【貧婆上云】老身中印土人，賣胡餅爲業，但來佛會下的，不參得，老身不敢入佛國去。

自童時親受摩訶伽葉所教傳得真如正覺之性能回三毒爲三淨界回六賊回六神通回煩惱作菩提回無明作大智此非外道所及也【唱】

【仙呂點絳脣】我是個物外閒身個中方寸傳心印與佛子爲隣但過往的來參問

【混江龍】把禪機來評論羅裙不染世間塵對一溪春水臥半畝閒雲僻性懶侵浮世事雙眸罕識市塵人聽雷音鐘磬坐靈鷲山門常開妙法深種良根不須文字豈念經文霎時見性直下當承脚根牢跳出陷人坑手稍長指破迷魂陣則爲這老婆多口致令得俗子生嗔

【油葫蘆】休笑貧婆一世貧穿着百衲衲頭巾有一個寶珠新粧嚴的未必能評論。饒惱的倒敢能勤慎【行者上云】小行蒙師父法旨先行這是那裏【貧婆唱】見一人言語高行步緊鐵戒箍皂直裰望前行【行者叫】老母老母【貧婆

唱。不住的老母口中頻。

【天下樂】我卻甚富。住深山有遠親。【行者云】老母過路客人。【貧婆唱】我問你
是何人。【行者云】我是唐三藏上足徒弟。【貧婆唱】唐僧他本姓陳。【行者云】我隨師
父偌多時。尚不知他姓。你相去十萬里。怎生便知道來。【貧婆唱】我不出門。知天下事
因你雖然守着戒律。你雖然受了苦辛。則一卷金剛經講未真。

【行者云】你道我不省得金剛經。我也常聽師父念。過去心不可得。未來心不可得。見在心
不可得。怎的我不省得。你且賣一百文胡餅來。我點了心呵。慢慢和你說經。【貧婆云】這胡
孫在我家行。賣弄他嘴釘鐵舌。你說道要點心。卻是點你那個去心也。見在心也。未來心也。
【行者云】這婆子倒利害。【貧婆云】心乃性之體。性乃心之用。或有亦或無。只看動不動。
你答來我問。你有心也無。【行者云】我原有心來。屁股寬阿掉了也。【貧婆云】這胡孫無理。
【那叱令】你既是有心呵。不可得放存。你既是有心呵。不可見得聞。你既

是有心呵不可得定準。過去的倘未知。未來的如何信去也。和師父仔細評論。

【行者云】我十萬里路至此倒吃一個婆子問倒了。【貧婆唱】

【鵲踏枝】你奔波越紅塵。我清淨守空門。你心動神疲。我表正形真。十萬里西來的意謹。我則這唐僧怎生一個上足徒弟。元來是個打駝梁受苦的天尊。

【行者做行科云】我奈何這婆子不得。接得師父來。和他問一場。【唐僧上云】善哉。善哉。不想到中天竺國佛地。我玄奘便死也罷。【行者做接見科云】師父。慫徒弟吃一個婆子問倒了。【唐僧云】問甚麼。【行者云】他問我金剛經。我說我常聽師父念來。過去心不可得。未來心不可得。見在心不可得。我又問他買點心。他就說不知點。你那一個心。我就沒得說。被他盤倒了。【唐僧云】我教不要胡說。西天有三個婆子。佛法甚高。這傳七語。非是你答得的。我和你見他。【做見科】。【貧婆云】是好個佛像。

【醉中天】挺挺身才俊，朗朗語超羣。他原來是摩訶般若身，可知道有取經分。我問師兄，心可點乎？【唐僧云】心無所住，將何以點？【貧婆云】人無心何主？心乃人之根本。【唐僧云】未得時，在他非在我；既得時，在我非在他。如筏喻者，筏尙應捨，何況非法？【貧婆云】兀的不是也。你若是能傳心印，休說是心，則你那幻軀猶是微塵。師父沿途索是驅馳來。【唐僧云】身自在，心常在。【貧婆唱】

【金盞兒】躡履破苔痕，飛錫落雲根。可知道曇花亂墜如瓊粉，袈裟錫杖燦然新。清虛成法性，解脫出凡塵。是一個維那金種子，佛座下玉麒麟。

【唐僧云】敢問善知識，曾見諸佛聖賢否？【貧婆云】半月小參，一月大參，常得聽講。【唐僧云】文殊師利如何？普賢如何？【貧婆唱】

【醉中天】文殊智慧施檀信，普賢行法濟凡人。【唐僧云】伽葉阿難如何？【貧婆唱】伽葉阿難守着世尊，向佛會上高參論。【唐僧云】此間到雷音寺，多少路程？【貧婆唱】

婆唱。你聽那磬韻鐘聲遠聞。兀的鹿野苑雷音近。

【唐僧云】小僧常聞維摩多病阿佛也。如何此心不定。【貧婆云】師兄不知。

【金盞兒】維摩方丈不沾塵。獅子座可容身。一個病身軀。終日懨懨悶。【唐僧云】他因甚如此。【貧婆唱】一憂佛法。二憂民。【行者云】我偷得老子靈丹在腹。可醫他。【貧婆云】你怎醫得他。他不能求扁鵲。安肯問胡孫。你正是明醫了三十載。暗換了一城人。

師兄。齋罷便行。今日正是小參。可見諸佛大聖衆。

【煞尾】渾金塔接青雲。七寶殿生紅暈。盡都是金祇園的善根。入得如來不二門。須臾間改變了精神。要經文。準備的貝葉全新。着東土開發羣迷度萬民。不枉了孫行者驅馳受窘。猪八戒奔波逃遁。恁既來佛會下。則恁這一班兒都是有緣人。

第二十二齣 參佛取經

【靈鷲山神上云】我佛法旨爲唐僧東來着摩候羅緊魔羅伽人非人等皆至中竺十里之外迎接着給孤長者引度于諸天帝君着取金經回東土去【下】【給孤長者上云】貧道給孤長者是也西天竺國大富之家爲要建道場我將祇園布施以黃金鋪地然後方成今日唐僧至中天竺國中奉我佛法旨相引見諸天聖賢須索走一遭也呵【唱】

【商調集賢賓】奉天佛使恰離了祇樹園金鱸內裊沉烟當日棄卻黃金鋪地今日倒騎着白鹿朝天雖然是眼下工夫也要個夙世良緣比着他十萬里取經的不甚遠今日個伴諸佛普會齋筵聲鐘齊聽講揮塵共談禪

【衆人做接住見科】

【逍遙樂】與諸天相見有獅鸞輿鳳車象輦金燦爛五色霞鮮蘂蔔幽花

落滿前。擁幢幡雲霧相連。有啣花的斑鹿。立樹的玄鶴。獻果的白猿。

【梧桐兒】錫杖金環重。袈裟玉壁偏。兩耳似垂肩。有佛祖心間印。少如來足下蓮。心一似鐵石堅。全不避山遙路遠。

我乃給孤長者。奉世尊法旨。看承接引。見諸佛聖賢。一一參拜去來。【唐僧云】善哉。善哉。東土但知名。西方纔識面。佛子與諸天。一如親夢見。未知先去見那位諸佛。愿我師開明爲幸。

【給孤唱】

【醋葫蘆】先是摩候羅太子身便見。緊魔羅諸聖賢。及至伽人非人等衆。神皈依禮拜。須向前。雖然是受了些驅馳作踐。今日個惡姻緣。番作了好姻緣。

【么】伽葉與阿難。文殊共普賢。釋天帝釋梵王天。都在這西竺國親會面。料想凡人怎能見。則爲你功成八百行三千。

【唐僧云】世尊在于何處。【給孤云】佛無定主。隨念卽見。若到方丈。我佛必賜茶。但得飲此。必成正果。

【么】你若能嗜佛子茶。勝參趙老禪。休猜做金尊美酒斗十斤。但得那世尊肯見。恰敢着你卽時回轉。不須妙法再三言。我佛來也。

【么】金身丈六長。清光七尺圓。芒鞋竹杖打着行纏。逍遙一身得自然。快疾忙把如來參見。向前合掌併擎拳。

【寒山拾得扮出山佛像上云】玄奘。你來也。【唐僧云】我佛弟子來也。【佛云】玄奘。你往日。是西天羅漢。今爲東土國師。心堅念重。至公無私。磨而不磷。涅而不緇。今日歸來。萬物有時。給孤引見大權。將經文法寶。交付與玄奘。孫豬沙弟子三個。乃非人類。不可再回東土。先着三個正果。我佛座下弟子四人。一名成基。一名惠光。一名恩昉。一名敬測。基光昉測四人。送你到于東土。開闢戒壇。大興妙法。後回西天。始成正果。給孤長者。引將他去。着他領取經寶。

疾忙便行【下】【給孤云】玄奘和你去來【下】【迴來大權上云】小聖大權修利菩薩奉我佛法旨看守金剛大藏爲金光燦眼常手掌護之凡人稱我爲招提今日佛法要東行着毘盧伽尊者托化爲陳玄奘自東來西取經今日敢待來也【給孤引唐僧上】【做見科】

【給孤唱】

【么】脫離了世尊參大權經文一藏莫俄延迢迢路程不厭遠稱了他平生願早傳佛法到中原

【大權云】教弟子每般經裝在龍馬身上【行者云】領法旨我遞豬八戒沙和尚接金剛經心經蓮王經楞伽經饅頭粉湯經【給孤唱】

【仙呂後庭花】異香七生寶蓮彩雲迷雙鳳輩教闡僧知法宗分律禪意虔虔疾般經卷韻幽幽猿聲在老樹顛響瑯瑯鈴聲在古殿前喜孜孜師徒得變遷間垓垓神天每想顧戀

【青哥兒】急煎煎喜得恁師徒師徒每康健大慈悲無量無邊佛法東行自有緣五色雲纏十萬餘言白馬親牽裝載東遷晝夜兼行駕雲軒着恁唐皇見

孫悟空豬八戒沙和尚佛勅恁在此成正果着基光叻測四人送唐僧回中國至長安闡教【商調浪來里煞】經文要闡揚佛法要通變四天王八菩薩盡週全到長安七日功行圓天隨人願早來至龍華會上飽參禪【下】

【大權云】玄奘我佛法旨經文到處着我隨所守護沿路上我常保障你直到中原諸寺但有經藏處即有小聖經藏吾神有大權守經護法到中原有經藏處休無我永受香煙萬萬年【下】【沙和尚云】徒弟從師父數年今日成正果玉皇閣下寄前身罪貶流沙要食人今日東來聞妙法水光山色一般新【下】【行者云】弟子功行也到今日辭了師父圓寂花果山中千萬春西天路上受艱辛今朝收拾平生事來作龍華會上人【下】【豬八戒云】弟

子也辭師父朝天去也。豬八戒自幼決斷。一路將師相伴。圓寂時砍下頭來。連尾巴則賣五貫。【下】唐僧云。三個徒弟都圓寂了。貧僧與他作把火。四個西行一個歸。三個解脫是和。非老僧獨往中原去。急急回來採紫薇。咳。絕憐孫悟空。神通真個有。東土中脫卻輪回。西天路。番個筋斗。念沙和尚。有像作無像。喉中三寸元陽。胸中一點靈光。好個豬八戒。神通世間大。已得除新害。既有成必有敗。陰陽剝始消除快。有心我你不能安。無念大家得自在。咄。是非場上迷將去。人我池中跳出來。且喜三人俱得正果了。不免隨着基光昉測。便往中原去。來。此間蒼菊花方盛。中土松枝已向東。

第二十二齣 送歸東土

【成基上云】俺四人奉佛法旨。送唐僧過長安去。須索走一遭。【唱】

【越調鬪鶴鶉】靈鷲山春色雍融。雷音寺東風淡蕩。鹿野苑楊柳纔青。祇樹園蒼菊正芳。擁百萬神天。列三千鬼王。打着彩旌。擎着綉幢。白馬馱經。

金獅噴香。

【紫花序】西天西如來親送。中國中和尙纔行。南海南菩薩來將。雖然一番受苦。也能勾百世流芳。斟量。方信道人香千里。端的是道尊德無上。今日個送路在山門。抵多少攜手上河梁。

【小桃紅】雖不道河頭傾倒玉瓶雙。滿捧在香茶讓。吾有那宰官婆羅小王像。雖不是按着宮商。一班佛樂何清亮。會諸天聽講。送唐僧三藏。你今日個名已入選佛場。

師父閉眼者。

【金蕉葉】耳邊廂微風乍響。腳底下輕雲漸長。白馬上經生火光。碧天外人迎太陽。

【唐僧云】我來時孫悟空。豬八戒。如此神通。尤兀自吃了許多魔障。今日四個善知識。如何

送我回去。【成基云】沿途來的魔障，皆我世尊所化。因師父心堅，是以得至此間。今非昔比。

【調笑令】師父休妄想。那的是俺世尊強化出魔王。將你心意降。杜子春煉丹成虛誑。則爲心不誠。也有許多模樣。將一個小孩兒提起來石上撞。則一驚那金丹忒楞化粉蝶兒飛揚。

【聖藥王】鞍馬上精神長。心念中法力高强。任遙天萬里長。咫尺到秦邦。可便是家鄉。

【鬼二合】則說那費長房法律强。化龍杖每翱翔。昏澄澄白茫茫。桑田變海海爲桑。休恐懼。莫驚慌。

【衆父老上云】三藏國師去西天十七年也。松枝今日向東也。俺報與官府都在城外接去來。【下】父老引衆官上。【衆云】異哉。異哉。今日松枝已向東也。國師必定歸也。你看前面。

祥雲鬢鬢瑞氣騰騰想是國師法駕將近稍待尉遲總管到來一同上前參見【唐僧成基上】【做見科成基唱】

【拙魯速】你覷那衆官每具着公裳百姓每慕名香羅列在道傍俯伏在路上道俗僧尼一齊來訪捱捱濟濟旛旆飄揚瑞靄祥光都接到天花甘露漿

【尉遲總管上云】我師今日東歸也小官尉遲敬德親自相接【成基唱】

【么】鐵幘頭耀日光水磨鞭映雪霜馬壯人強志節昂昂護法金剛黑煞天王沙塲之上展土開疆保護家邦恰便似趙公明往下方

【尉遲云】今日到我府中宿一宵底日早朝天子去【成基唱】

【尾】來日個景陽鐘罷雞人唱一合兒朝帝王將戒壇與萬民開把經文與衆臣講

第二十四齣 三藏朝元

【佛高舉四金剛上云】老僧賢劫第四尊釋迦牟尼是也。今日唐僧東土開壇闡教。今當西來。正果朝元。教飛仙引入靈山會上來者。【旌幡樂器飛仙引唐僧上】【飛仙云】唐僧今日功成行滿。正果朝元。佛祖着我引入靈山會。須索同去走一遭也呵。【唱】

【雙調新水令】梵王宮闕勝蓬瀛。鬧垓垓撞鐘擊磬。安排朝世尊。准備接唐僧。十萬餘程。來取金經。一點虔誠。今日箇正果性和命。

【駐馬廳】大衆虔誠。法鼓金鐃出寺迎。諸天相敬。銅鐘玉磬。映山鳴。眼前羅着藥師燈。心中懸掛着軒轅鏡。但能勾靈光一點明。登時間跳出琉璃井。

【雁兒落】紫袈裟金鏤輕。白錫杖銀光淨。四天王執寶幢。八菩薩敲金磬。【南呂金字經】衆飛仙齊打手。合着金字經迎。引着箇員頂方袍。得道僧。

三更道已其身正心如秋月明。

【么】爲鼠常留飯。憐蛾不點燈。救度衆生發願明。曾傾心演大乘。如來命還元功行成。

【唐僧見佛科】告佛祖。唐僧稽首。【佛云】唐僧聽我明言。數年得到西天。今日功成行滿。方纔正果朝元。大藏金經已得圓。唐僧勅賜與僧傳。至今東土皆更寺。願祝吾皇萬萬年。

【雙調沽美酒】祝皇圖永固寧。拜如來願長生。保護得萬里江山常太平。普天下田疇倍增。民樂業息刀兵。

【太平令】四海內三軍安靜。八荒中五穀豐登。西天外諸神顯聖。兆民賴一人有慶。則爲老僧取經忠心來至誠。呀。傳此話人間爲證。

正名 胡麻婆問心字 孫行者答空禪

靈鷲山廣聚會 唐三藏大朝元

唐三藏西天取經雜劇終

張天師斷風花雪月

第一折

【冲末扮陳太守領張千上。】「陳太守詩云。」農事已隨春雨辦。科差猶比去年稀。小窗睡徹遲遲日。花落閒庭燕子飛。老夫姓陳。雙名全忠。繇進士及第。隨朝數載。謝聖恩可憐。所除洛陽太守之職。老夫有一姪兒。乃是陳世英。見在西洛居住。數年不見。聞知上朝取應。須打此地經過。必然來拜見老夫。張千。門首覷者。若孩兒到來。報復我知道。【張千云。】理會得。【正末扮陳世英上云。】小生西洛人氏。姓陳。雙名世英。仗祖父餘庇。頗能讀書。雪案螢窗。辛勤十載。淹通諸史。貫串百家。今要上朝進取功名。從此洛陽經過。有我叔父在此爲理。小生且進城去拜見了叔父。便索長行。可早來到也。張千。報復去道。有陳世英求見。【張千云。】報得相公得知。有陳世英在于門首。【陳太守云。】老夫語未懸口。我那孩兒早到了也。張千。快着

他過來。【張千云】着秀才過去。【陳世英見科云】叔父，您孩兒多時不見尊顏，請受您孩兒一拜。【做拜科】。【陳太守云】孩兒也，遠路風塵，免禮波。孩兒，我且問你，此一來爲何。【陳世英云】叔父，您孩兒一來進取功名，二來探望叔父。【陳太守云】孩兒也，試期尙遠，且就在我書房中安下溫習經書，多住幾日去，可不好那。【陳世英云】您孩兒依着叔父，住幾日去，但恐早晚取擾，不當穩便。【陳太守云】自家骨肉，說甚麼取擾。孩兒也，今日是八月十五日中秋令節，俺和您後園中飲酒去來。【詩云】早安排異品奇珍，與姪兒權且拂塵。值中秋正當翫月，休辜負美景良辰。【同下】。【陳世英重上云】小生蒙叔父相留在此，元來書房就在後園裏面，花木清幽，頗堪居止。今日是八月十五日中秋節令，適纔叔父賜過酒宴，已散了也。你看金風淅淅，玉露泠泠，銀河耿耿，浩月澄澄，是好一片蟾光，着小生對此佳景，怎好便去就寢。且待我作詩一首。【詩云】碧漢無雲夜欲沉，天香桂子色陰陰。素娥應悔偷靈藥，獨守瑤臺一片心。吟罷這詩，且進這書房門來。我關上門，焚上一炷香，取出這張琴來試彈。

一曲自飲三杯悶酒咱。搽旦扮封姨同旦兒桃花仙上。封姨云。妾身封十八姨的便是。這是桃花仙子。俺二人在這碧雲之上有桂花仙子。與下方陳世英有私凡之心。俺二人在此等候。待桂花仙子到來。看個端的。桃花仙云。十八姨。你看那香風過處。兀的桂花仙子不來了也。正旦扮桂花仙上云。妾身乃月中桂花仙子。今因八月十五日。有這羅喉計都。攪妾身多虧下方陳世英一曲瑤琴。感動婁宿。救了我月宮一難。我和他有這宿緣仙契。今日直至下方。與陳世英報恩答義去也。封姨云。你若不棄嫌呵。俺兩個伴着你同到下方走一遭去。正旦云。好波。就此同往。桃花仙云。仙子。嚕去來。嚕去來。正旦云。是好月色也呵。唱。

【仙呂點絳脣】夜色溶溶。桂花風動。天香送。萬里長空。是誰把銀盤捧。

【封姨云】俺趁着這月色行動些咱。正旦唱。

【混江龍】俺可便疾忙行動。怕的是五雲樓畔日華東。桃花仙云。俺和您私

離天宮之上。早來到人間了。【正旦唱】俺如今偷臨凡世。私下天宮。這其間風弄竹聲穿戶牖。更那堪月移花影上簾櫳。【封姨云】仙子。則俺三個在這月明之下。又無甚跟隨的。使數怎生是好。【正旦唱】俺本是冰魂素魄。不尋常。要什麼金童玉女相隨從。【帶云】十八姨。你只跟着我者。【唱】又沒甚幽期密約。止不過明月清風。

【封姨云】你看下方景致。是比俺那仙界不同也。【正旦唱】

【油葫蘆】俺和您回首瑤臺隔幾重。早來到書院中。怕甚麼人間天上路難通。【云】封家姨也。則俺不思凡。【封姨云】仙子。可再有何人思凡哩。【正旦唱】想當日那天孫和董永。曾把瓊梭弄。【桃花仙云】可再有何人。【正旦唱】想巫娥和宋玉。曾做陽臺夢。【封姨云】姐姐。你此一去報恩。可是如何。【正旦唱】他若肯早近傍。我也肯緊過從。拚着個謙劉晨。笑入桃源洞。【桃花仙云】不知劉晨別後。可曾得再

會來【正旦唱】到後來天台山下再相逢。

【桃花仙云】仙子這也有何爲證【正旦唱】

【天下樂】却不道流出桃花片片紅。【桃花仙云】這桃花是我家的故事。你此去敢被那生折下桂花來也【正旦唱】則你個嬌也波容。可便將人廝調哄。我則爲報德酬恩要始終。不索你。不索你這個咕那個膿。【封姨云】仙子我會敢說甚麼。【正旦唱】哎。只你個十八姨口是風。

【云】可早來到後園也。二位且在這書房門首略等一等。我自過去。【封姨云】仙子請過去。俺兩個自有分曉。【正旦見陳世英科云】秀才萬福。【陳世英驚科云】咋怎麼燈直下看見一個如花似玉的女人。莫不是我眼花麼。【做揩眼科云】待我仔細再看咱。【正旦唱】

【鵲踏枝】則見他不惺惺假朦朧。却待要挂眼睜睛覓跡尋踪。莫非他錦陣花營。不曾廝共。險教咱風月無功。

【陳世英云】這女人是從那裏來的，必然是妖精鬼怪。哇，你說的是萬事全休，說的不是你。見我這牀頭寶劍麼？我將你一劍揮之兩段。【正旦唱】

【河西後庭花】我只道他喜孜孜開笑容，怎麼的顛欽添怕恐，不思量，攜素手歸羅帳，剗地要斬妖魔仗劍鋒。似這這等怒吶吶，好着我急難陪奉。秀才也，你敢是那罵上元的也姓封。

【陳世英云】元的不諛殺我也。靠後。【正旦云】秀才休驚莫怕，我乃月中桂花仙子，今因八月十五日，有羅喉計都纏攪妾身，多虧你這一曲瑤琴感動婁宿，救了我月宮一難。我和你宿緣仙契，一逕的報恩而來。秀才留便留，不留呵，我自回去也。【陳世英云】住住，我那裏知道，你原來是桂花仙子，有如此般好意。小生一時間錯怪了你，便好道既來之，則安之。仙子請坐。容小生遞一杯酒咱。仙子滿飲此杯。【正旦云】秀才請。【陳世英云】仙子請。【正旦飲酒科。陳世英云】小生也飲一杯，看着仙子千般體態，萬種妖嬈，不知小生福分生在那

裏得遇今夜待與仙子飲箇盡醉方歸有何不可【正旦唱】

【一半兒】只見他高燒銀燭影搖紅滿注名香寶鼎中全不似初見時恁般喬面孔殷勤地捧金鍾元來是一半兒粧呆一半兒懂

【陳世英云】小生有一件事動問小娘子咱【正旦云】秀才有甚麼話說【陳世英云】小生學成滿復文章欲待進取功名去我這一去可是得官也不得官【正旦唱】

【金盞兒】我本待鸞鳳配雌雄你只想鵬鶚起秋風怎知我月中丹桂非凡種【陳世英云】念小生凡胎濁體怎敢和仙子陪奉你只說小生來年應舉果是如何【正旦唱】你問我來年春動有甚吉和凶則你那文章千卷富【陳世英云】便有了文章也要有命運哩【正旦唱】怕不的命運一時通【陳世英云】若得如此小生早則喜也【正旦唱】秀才我道你來年登虎榜總不如今夜抱蟾宮

【陳世英云】多承仙子厚意再飲幾杯怕做甚麼【封姨云】桃花仙子我和你過去相見咱

【做見科】封姨云：「仙子，天色明了也，嚙回去來。」陳世英云：「呀，怎麼又有兩個小娘子來了也。」正旦云：「秀才勿怪，這兩個都是我的姨姨妹妹。」陳世英云：「既是你姨姨妹妹，容小生都也奉一杯兒酒咱。」正旦唱：

【醉扶歸】俺和他一去盡珠宮，同戲百花叢。報與你個二月春雷魚化龍，飲了那三杯御酒珍珠甕。四下裏旌旄簇擁，准備着五花驄，緩向天街鞚。

【醉中天】六印掌元戎，七縱顯英雄。向八座裏氣昂昂列上公，穩請受着九重天雨露恩和寵。也不枉了十年間苦功，到今朝享用，是必休忘了我這報前程。仙女淳風。

【云】天色明了也，嚙回去來。」陳世英云：「仙子此一去，可不知幾時還得相會也。」正旦云：「秀才，你牢記着，妾身此一相別，直到來年八月十五日，再與秀才相見。」陳世英云：「仙子，你道定着，小生也不進取功名去，專等來年此夜在書房中拱候仙子，是必休失信也。」正

旦唱。

【賺煞尾】你若有十分的至誠心。我怕沒九轉丹相送。【陳世英云】小生來年八月十五日。專候仙子來也。【正旦唱】到來年又怕你八月中秋事冗。【陳世英云】既蒙仙子相許。小生怎敢負了此心。但仙子雖同織女。小生非比牽牛。怎麼也要一年一會。做這般老遠的期約也。【正旦唱】那七夕會牛女佳期。你可也休賣弄。【陳世英云】仙子若果有心於小生。便不到的來年。怕甚麼那。【正旦唱】我則怕六丁神告與天蓬。【陳世英云】那六丁總是天上神位。料仙子也不怕他。【正旦唱】更怕的是五更鐘。催別匆匆。只落的四眼相看淚珠湧。【陳世英云】仙子。您直恁般慌速。便再停止一會兒也好。【正旦唱】兀的不三星在東。【陳世英云】仙子。此一去。休忘了今宵歡會也。【正旦唱】正照着俺二人情重。一般瀟灑月明中。【同二旦下】

【陳世英云】嗨。誰想小生遇着月中桂花仙子。歡會了一宵。親記的臨別之時。說道來年八

月十五日再來與小生相會天那。我幾時盼得來年這一日也。【詩云】宿世姻緣定有因。暫時歡會有離分。且溫經史書窗下。專等來年月下人。

第一折

【陳太守引張千上云】老夫陳太守。留我姪兒世英在後園書房中。本意要他溫習經書。去應科試。不想染下一場疾病。一臥不起。服藥不效。老夫欲待親自探望孩兒去。爭奈衙門中適有一件要緊公事。不得餘暇。張千說與嬖嬖知道。着他到書房中看覷。小哥病體若何。小心在意。看了時。來回我的話。左右將馬來。老夫衙門中辦事去也。【下】

【陳世英抱病上云】小生陳世英。便好道三十三天離恨天最高。四百四病相思病最苦。兀的不害殺小生也。自從去歲八月十五日。與月中桂花仙子在這書房中飲了幾杯酒去。害的我一病不起。朝則忘餐。夜則廢寢。看看致死。但合眼便見那桂花仙子在前。他說道。今年八月十五日再來相會。今日正是中秋節令。我只得掙扎病軀。到這後花園中等。便怎麼這早晚還不見來。仙

子則被你想殺我也。天也。每番家小生要做些兒功課。不會拏起筆來。可又早淹淹的晚了。今日小生害些兒拙病。他百般的不肯就晚。且待我吟詩一首。【詩云】金烏振翼上扶桑。何故遲遲晝景長。可嘆書生情意迫。老天偏不下斜陽。呀。這早晚還是午時也。我央及你波。我與你唱喏。怎生不動。我與你下跪。又不動。我與你下拜。也不動。釘子釘着你哩。潑毛團是好無禮也。小生不才殺者波。也是國家白衣卿相。你則道我不認得你哩。想當初堯王時。有十個日頭。被后羿在崑崙山頂上射落九個。止留的你一個。你曉來夜去。逼催了多少好人。你若是歡喜呵。腆着你那紅馥馥的臉兒。你若惱了呵。雲生四野。霧罩八方。你則道我不認得你哩。你聽者。【詩云】無端三足烏。團團光閃爍。安得后羿弓。射此一輪落。便好道。人有所願。天必從之。頭裏未曾鬧時。還是午時。方纔鬧了他。可早交酉時了。罷。罷。罷。熬定心腸。且再耐着些兒。仙子則被你想殺小生也。【正旦扮嬖嬖上云】老身是這陳太守家中嬖嬖。爲因陳世英在書房中染病。奉太守的言語。着老身探望走一遭去。我想這秀才每多有害着這

等證候的也呵【唱】

【南呂一枝花】可不道既讀孔聖書。那裏也必達周公禮。你今日相思容易得。豈不聞飽病可兀的最難醫。他從來老老實實。忒軟善。忒溫克。近新來陡恁的他待學遇雲英。乞玉的裴航。賦洛神探珠的曹植。

【梁州第七】翻笑着不風流。閉門的顏叔。假乖張拍案的封陟。他不肯去筆尖上掙扎個名和利。兀的不辱抹殺題橋的才思。擲果的容儀。直這般無廉鮮恥。亂作胡爲。三餐飯並不曾想喫。五車書並不肯攻習。他他他則待要美甘甘。傍玉軟香溫。是是是則待要悄促促。在星前月底。等等等則待要喜孜孜。赴燕約鶯期。奉相公省會教老身直到那書房內。在左右看詳細。只他這廢寢忘餐。可也因甚的要一個明白消息。

【云】無人報復。我自過去。【陳世英云】仙子你來了也。【正旦云】是我。【陳世英云】吓害

得我眼花了。兀的不差殺小生也。原來是嬌嬌。你來此怎的。【正旦云】哥哥。你害的甚麼病。你明白對我說。知怕做甚麼。【陳世英云】我害的是病。【正旦云】怕不是病。却是從那裏起的。你對我說。好回相公的話。【陳世英云】你老人家沒正經。則管裏絮絮叨叨的。你也須知病體。誰耐煩說話。【正旦云】哥哥。你不對我說也罷。只是你這病勢。看看日沉日重。誰救你來。【陳世英云】嬌嬌。實不相瞞。自從去歲八月十五日。有月中桂花仙子。在我這書房中飲了幾杯酒。歡會了一宵去了。他說今年八月十五日再來相會。我在此等候。不見到來。所以憂憶成病。眼見得覷天遠入地近。無那活的人也。仙子。則被你想殺我也。【正旦唱】

【牧羊關】則見他懨懨的說就裏。不由我冷笑微微。你是個濁骨凡胎。他須是冰肌的這玉體。【陳世英云】仙子。你好失信也。【正旦唱】你敢要攀月桂。禱連理。可不似指畫餅待充饑。常言道。杳茫神鬼事。哥哥也知他在那裏。

【云】哥哥。你敢不等那月中桂花仙子麼。【陳世英云】我不等桂花仙子等誰。【正旦云】只

怕等着崔鶯鶯那。【陳世英云】哎，我等那崔鶯鶯怎的，我只等着桂花仙子哩。【正旦唱】

【罵玉郎】莫不是崔鶯鶯害了你，這張君瑞只指望西廂下暗偷期，把鏡中花生扭做蟾宮桂。現如今你瘦岩岩病怎支，他虛飄飄去不歸，知甚日重歡會。

【陳世英云】仙子則被你殺小生也。【正旦唱】

【感皇恩】怪不着你正是遙授夫妻，你可甚步步相隨，更做道秀才每忒上緊忒着迷。你伴的是琴書度日，怎想着那廣寒宮竊藥的仙姬，專等待三更後，纔斗轉恰星移。

【陳世英云】我在這月明之下，好歹要等那仙子來也。【正旦唱】

【採茶歌】想的你意兒癡，望的你眼兒疲，只待五言詩作上天梯，但得個一夕鴛鴦配成對，那裏也還記十年身到鳳凰池。

【陳世英云】老人家不曉事耳根邊只管聒絮可知我染病哩【正旦唱】

【二煞】我越勸着越粧出風風勢則說是病在心頭那個知怎麼耳邊傍不住相嘲戲百般的話不投機待着俺早些迴避我可道不關親孰干繫就也着冷眼兒來看你且看你直等的月色沉西

【陳世英云】嬖嬖我不耐煩哩你則回叔父話去可怎生不着個太醫來看我一看【正旦唱】

【二煞】你道叔父行怎不將醫藥來調治這的是心病還從心上醫便有那倉公扁鵲成何濟也無過草樹根皮怎比得玉天仙知心着意只要他今夜裏休貪睡重向舊幃叙別離敢勝似百補參芪

【云】哥哥你保重將息我回老相公話去也【陳世英云】仙子這早晚還不見來兀的不害殺小生也【正旦云】哥哥你則聽我勸者【唱】

【黃鍾尾】我勸你好將息這不存不濟千金體再休想那無影無形百媚姿自去年到今日曾有甚爲盟記只管裏苦思憶直等得佛出世可不的乾着你這相思無盡極倒不如早收拾將一段雲雨幽期都付與高唐夢兒裏【下】

楔子

【陳世英抱病張千扶上云】天色明了也枉着我扶病等了這一夜仙子則被你後落殺小生也覺的這病勢越沉越重張千你快去尋一個太醫來者【張千云】理會得出的這門來串長街幕短巷此間正是太醫在家麼【淨扮太醫上云】誰叫太醫太醫不在家【張千云】不在家可往那裏去了【淨云】太醫兵馬司裏去了【張千云】敢是去看病那【淨云】不是看病醫殺了人那裏坐牢哩【張千云】咄太守衙裏請去來【淨云】請我做甚麼【張千云】有個相公染病請你看一看【淨云】你那病人不好幾日了【張千云】不好七日了

【淨云】我太醫八日不會出汗哩。【張千云】咄。【淨云】老哥，你着那患子來我看。【張千云】他染病，怎麼走得動。【淨云】着他騎個驢兒來。【張千云】他騎不得驢兒。【淨云】哦，只抓個杌兒擡將來。【張千云】也擡不將來。【淨云】這等一發叫他好了來。【張千云】好了，又要你看什麼。【淨云】既然他來不得，倒擡了我去罷。【淨做掣住張千把脈科云】一肝二膽，你看什麼。【張千云】咄，我沒病。【淨云】你沒病，我看着你這嘴臉，有些黃甘甘的。【張千云】不要歪廝纏，衙裏久等着哩。【淨云】老哥等我囑付家裏小的，咱丁香奴。【張千云】你家有什麼丁香奴。【淨云】老哥不知，但是我家的，小的每都是生藥名。【張千云】這個我不知道。【淨叫云】丁香奴。【內應科云】有。【淨云】你丸藥來不曾。【內云】我丸藥來。【淨云】你丸了多少藥。【內云】我丸了八箇半。【淨云】老哥，我那箇子是箇糧食的，四五個人圍不過來，這小的每貪耍，一日喫了三頓飯，則丸了八箇半。【張千云】這也勾了。【淨云】有誰討藥來。【內云】有姑娘家討藥來。【淨云】與了多少藥錢。【內云】與了一兩藥錢。【淨云】你與了他多少藥。

【內云】我與他七圓半。【淨云】弟子孩兒，親眷上門，你怎麼不多與他些？曾說藥引子來麼？
【內云】不曾說藥引子。【淨云】快趕上去，說與他要生薑兩船，棗兒五擔，水要十桶，着他做一服兒吃。【張千云】怎麼吃得這許多？【淨云】再有誰討藥？【內云】有史千戶家討藥來。
【淨云】與了多少藥錢？【內云】與了五兩銀子。【淨云】五兩銀子，你與他多少藥？【內云】我與了他兩丸藥。【淨云】五兩銀子與了他兩丸藥，我這藥是偷來的，與他許多去。【張千云】還少麼？【淨云】你與他甚麼藥去？【內云】我與一九紅丸兒，一九黑丸兒。【淨云】老哥，你不知道，與他紅丸兒則與紅丸兒，黑丸兒則與他黑丸兒，紅丸兒吃了是活藥，黑丸兒吃了是死藥，他都吃了着，他死又死不得，活又活不得。【張千云】咄，行動些，早來到了也，你在此站一站等我報復去。秀才，太醫在門首。【陳世英云】着他過來。【張千云】着過去。【淨云】見陳世英，擎包袱打科。【陳世英叫云】哎，喲。【張千云】他是患子，你怎麼打他？【淨云】醫的醫的，打着他還知疼痛哩。【淨云】做拿藥與陳世英吃科。云：你吃這藥。【陳世英云】這藥不

好我不吃【淨云】這般好藥你嫌不好你不吃我替你吃【淨吃藥做戰倒科】【張千做慌科云】可怎麼了【做扶淨起身科】【淨做甦醒科云】你這裏有紙筆麼【張千云】要他何用【淨云】趁我甦醒着傳與你這個方兒【張千云】哇油嘴花子快出去【打下】【陳世英云】太醫去了也我想那桂花仙子好生失信你當此一夜只說報恩而來今日弄的我一個身子七死八活仙子你那裏是報恩分明害殺小生也【唱】

【仙呂賞花時】強扶策懨懨病裏身空凝望盈盈月下人我和他曾把酒結情親早隔了一年時分兀的不愁殺我也桂華新【下】

第二折

【陳太守引領張千上云】老夫陳全忠今日張真人回信州龍虎山修行去要來作別張千門首覷着若真人來時報復我知道【張千云】理會的【外扮天師引道童上詩云】鼎內丹砂變虎形匣中寶劍作龍聲法水洒來天地暗靈符書動鬼神驚貧道姓張雙名道玄祖傳

道法戒籙精嚴。三十七代輩輩流傳。驅使遍三界神祇。剿除盡八方鬼怪。布袍輕拂。須臾地動。天驚。草履平那。頃刻星移斗轉。雲遊天下。普救衆生。來到此洛陽。幸遇陳太守。十分的管顧貧道。所贈衣糧。無不精潔。今回信州龍虎山去。辭別太守。便索長行。早來到衙門首也。左右報復去。道有張道玄特來拜辭。【張千云】報相公。有張道玄特來拜辭哩。【陳太守云】道有請。【張千云】請進。【天師做見科云】相公。貧道回山中修行去。特來拜辭。【陳太守云】真人管待不周。幸恕老夫之罪。【天師云】相公。貧道在此多有攪擾。據貧道看來。相公衙中。莫不有染病之人麼。【陳太守云】我有個姪兒。是陳世英。現染病哩。【天師云】在那裏。【陳太守云】在後花園書房中安下。【天師云】我自去看咱。【做望科云】貧道已知道了。你姪兒陳世英。是花月之妖。攪纏成病。待貧道結一壇場。剿除妖怪。相公意下如何。【陳太守云】若得如此。多謝真人。【天師云】道童將法衣來。相公壇場之上。不能攀話。請回避者。【太守下】。【天師請神科云】道香德香無爲香。清淨自然香。妙洞真香。靈寶惠香。朝三界香。

吾乃統攝玄門恢弘至道呪司九主宣課威儀醮法列壇無不聽命恭惟玉清聖境元始天尊左輔右弼之星官武職文班之聖衆雷公電母風伯雨師瑤宮寶殿天王紫府丹臺仙眷五福十神四司五帝日宮月宮神位南斗北斗星君斗步五方星分九曜東華南極西靈北真十二之星辰四七之纏度三臺華蓋九天帝君三界直符使者十方從駕威靈當境土地龍神諸處城隍社廟幽冥列聖遠近至真以此真香普同供養伏以陰靈耀景環六合以開光素魄迎情犯十花而育物今者時遇中秋偶逢月蝕羅計纏於黑道婁宿聞此顯威夢入蟾宮敵戰惡星而退度救茲月蝕元光再續於寥天半滅半明乍盈乍闕忽嫦娥之感動思凡世而降臨私離瑤臺誤干天運混仙凡而爲患錯纏舍以成災請命道流立壇究治臣敢不啓奏玄空急揚雷令招接天庭奉行攝勘今年今月今日今時奉道弟子張道玄仰憑聖力隨其萬處周流不誤一真清淨稽首拈香無極大道不可思議功德【繫令牌科云】一繫天清二繫地靈三繫五雷速變真形天圓地方律令九章金牌響處萬鬼潛藏【呪水科云】

水無正行以呪爲靈。在天爲雨露。在地作源泉。一嘆如霜。二嘆如雪。三嘆之後。百邪俱滅。【執劍科。詩云。】老君賜我驅邪劍。離火煨成經百煉。出匣紛紛霜雪寒。入手輝輝星斗現。先請東方青帝青神。啣符背劍入吾水中。後請南方赤帝赤神。啣符背劍入吾水中。又請西方白帝白神。啣符背劍入吾水中。再請北方黑帝黑神。啣符背劍入吾水中。又請中方金帝金神。啣符背劍入吾水中。【詩云。】吾持此水非凡水。九龍吐出靜天地。太乙池中千萬年。吾今將來靜妖氣。謹請年值月值日值時值。當日功曹。值日神將。攪海大聖。翻江大聖。驅雷大聖。撒雲大聖。吾今用你壇前仗劍等待。休錯吾一時半刻。吾奉太上老君。急急如律令。攝。【直符上云。】小聖乃雷部下聽令。直符使者是也。真人呼喚小聖。有何法旨。【天師云。】有勞當日神將。直日功曹。直去花苑中。勾將桂花仙子來者。【直符云。】得令。桂花仙子安在。疾。怎生無有桂花。是有誰。【內應科云。】止有荷花。【直符云。】報知真人。止有荷花。【天師云。】有勞當日神將。直日功曹。直至太華峯頭。東林寺裏。勾將荷花來者。【直符勾荷花科云。】荷花

仙當面【天師云】兀那荷花你知罪麼【荷花云】我不知罪【天師云】你引誘嫦娥輒入五姓之家纏攪良家子弟勾至壇前有何理說【荷花云】我這荷花【詩云】體出青泥不染埃也曾獨步上蓮臺【天師云】噤聲【詩云】翠荷影裏鴛鴦戲太液池中並蒂栽你不知情誰知情【荷花云】有菊花知情【天師云】小鬼頭可早攀下來也且一壁有者有勞當日神將直日功曹直至甘谷水傍淵明宅畔勾將菊花仙來者【直符勾菊花上科云】菊花仙當面【天師云】兀那菊花你知罪麼【菊花云】我不知罪【天師云】你引誘嫦娥輒入五姓之家纏攪良家子弟勾至壇前有何理說【菊花云】我這菊花【詩云】冷淡東籬傲古今西風誰識歲寒心【天師云】噤聲【詩云】東坡昔貶黃州道吹落黃花滿地金你不知情誰知情【菊花云】有梅花知情【天師云】一壁有者有勞當日神將直日功曹直至大庾嶺邊霸陵橋外勾將梅花仙來者【直符勾梅花上科云】梅花仙當面【天師云】兀那梅花你知罪麼【梅花云】我妾身不知罪【天師云】你引誘嫦娥輒入五姓之家纏攪良家子弟

勾至壇前有何理說【梅花云】我這梅花【詩云】玉骨冰肌誰可匹傲雪欺霜奪第一【天師云】噤聲【詩云】江南曾爲贈游人一枝漏泄春消息你不知情誰知情【梅花云】有桃花知情【天師云】一壁有者有勞當日神將直日功曹直至度索山前玄都觀裏勾將桃花仙來者【直將勾桃花上科云】桃花仙當面【天師云】兀那桃花你知罪麼【桃花仙云】我不知罪【天師云】你引誘嫦娥輒入五姓之家纏擾良家子弟勾至壇前有何理說【桃花仙云】我這桃花【詩云】海上千年一度開曾教仙子赴瑤臺【天師云】噤聲【詩云】劉阮當時成配偶暗隨流水出天台你不知情誰知情【桃花仙云】有封十八姨雪天王知情【天師云】一壁有者有勞當日神將直日功曹與我勾將封十八姨雪天王來者【直符勾封姨雪天王上云】封十八姨雪天王當面【天師云】兀那封姨你知罪麼【封姨云】我不知罪【天師云】你引誘嫦娥輒入五姓之家纏擾良家子弟勾至壇前有何理說【封姨云】真人我乃天地之正氣有甚麼罪來【詩云】我本無影無形乍颺颺萬里浮陰一掃

休【天師云】噤聲【詩云】顛狂柳絮隨風舞轉薄桃花逐水流雪天王近前你知罪麼【雪神云】吾神不知罪【天師云】你引誘嫦娥輒入五姓之家纏攪良家子弟勾至壇前有何理說【雪神云】此乃桂花仙子思凡做出這等勾當干吾神甚事【詩云】三冬寒氣最嚴凝曾伴如來大道成【天師云】噤聲【詩云】謾誇積雪深千丈不及滹沱一片冰且一壁有者有勞當日神將直日功曹直至望鵲臺西清虛府內勾將桂花仙子來者【直符勾桂花仙上科云】真人法旨快走動些【正旦唱】

【正宮端正好】則被你催逼得我兩三番喝掇得我十餘次我不合暗約通私怎當那驅邪院一夥天兵至狠惡的忒如此

【桃花云】桂花仙子只爲你思凡今日連累的我【正旦云】你也來了【唱】

【滾繡毬】我只見桃花離了武陵【荷花云】爲你呵將我也好攝在此【正旦唱】荷花離了沼沚【菊花云】你今日連累着我却是爲何【正旦唱】哎菊花也你莫不是

被西風斷送了一秋花事。【梅花云】你怎麼連累着我來。【正旦唱】哎，梅也，兀的不折倒盡你這玉骨冰姿。【雪神云】小鬼頭，你思凡干吾看甚事。【正旦唱】你看那雪天王迸着一個冷臉兒。【封姨云】只爲你連我也勾將來了。【正旦唱】十八姨顯出那惡性子。【封姨云】只被你累的我苦也。【正旦唱】俺正是聞風而至，你則待和桂花仙打一會官司。今日個風花雪月相逢日，抵多少龍虎風雲聚會時。咎須索見天師。

【正旦見跪科】。【直符云】桂花仙當面。【天師云】兀那桂花，是你思凡來麼。【正旦云】是我思凡來。【天師云】這小鬼頭，你可早招了也。【正旦唱】

【倘秀才】我爲甚先吐了這招承的口詞，常言道明人不做那暗事，則俺這閉月羞花絕代姿，到如今自做出自當之粧，甚的謊子。

【天師云】我想陳世英爲色事所迷，在那病患之中，不看見這個景象，怎得痊可。我如今將

法力攝他魂魄前來與桂花仙子相見者疾。【陳世英冲上做見正旦科云】仙子則被你想殺我也。【正旦唱】

【叫聲】見放着正名師。是不是胡攀指。誰教你隱藏下這個可喜的女孩兒。

【天師云】疾。【陳世英下】。【天師云】封姨這一樁公事。敢都是你搨的來麼。【封姨云】這是桂花仙子思凡。于我甚麼事。【正旦云】噤聲。【唱】

【上小樓】你休那裏便伶牙俐齒。調三幹四。說人好歹。許人曖昧。損人行止。你可便道這個道那個做的不是。都揣與這廣寒宮宵奔的卓氏。

【天師云】莫不是你桃花打合的他來麼。【桃花云】桂花仙子。你自思凡。我可爲甚的來。却牽連着我那。【正旦云】偏你無過犯哩。【唱】

【石榴花】當日個天台流水泛胭脂。誰引逗的劉晨阮肇至於斯。【天師云】

荷花。你可怎生不近前來折辯。【荷花云】桂花仙子。你認了罪罷。【正旦唱】你可也要推辭那並頭蓮。就是你過犯公私。【天師云】菊花。你近前與他質對者。【菊花云】桂花仙子。你思凡干俺甚事。【正旦唱】想當日陶潛爲你。可便辭榮仕。在東籬下滿飲金卮。【天師云】梅花。你也向前對詞來。【梅花云】桂花仙子。你何不早早認了罪也。要累我做甚麼。【正旦云】偏你無過犯那。【唱】你道你梅花孤潔全終始。我只問那孟浩然騎的瘦驢兒。

【鬪鶻鶻】你逼得他大雪裏尋梅。險將他逡巡間凍死。【梅花云】論我瘦影疎枝。亭亭獨立。有那個狂蜂浪蝶。敢近的我。【正旦唱】偏是你瘦影疎枝。不受那蜂媒蝶使。哎。這一場月色風聲。非同造次。你也合三思。休只管說短論長。賣弄殺花兒的這葉子。

【天師云】封姨。你近前與他折證。【封姨云】兀那桂花仙子。你聽者。爲你思凡。將吾神勾至。

壇前。吾神春則吹花擺柳。夏則驅暑生涼。秋則飄枝墮葉。冬則糝雪飛沙。順四時不失其序。與天地並奏其功。我豈有塵凡之心。做下這等淫邪之事。【詩云】青蘋一點微微發。萬樹千枝和根拔。則你桂花何不早招認。把我風雪無端連累殺。【正旦云】偏你無那過犯來。【唱】

【滿庭芳】你也合心中暗思。你待把強言折證。不辯個雌雄。只你那風亭月館書名字。可不是招伏下親筆情詞。元來你全無那風流情思。也枉耽着。一個風月的這名兒。【風神云】我有什麼過犯在那裏。【正旦唱】你道你便無譏刺。常記得杜少陵吟下詩。【封姨云】杜詩上怎麼。你只管說。真人在此。我也不賴。【正旦唱】可不道風雨夜來時。

【天師云】雪天王。你近前與他折證。【雪神云】小鬼頭。我有何公私過犯。真人在此。你說。【正旦云】我說。你那過犯。你則休賴也。【唱】

【紅繡鞋】你守得個映雪的孫康苦志。你逼得個袁安在雪內橫屍。賺得

個王子猷山陰雪夜上船時【雪神云】也只爲老夫忒慈善些兒【正旦唱】你道你便忒性慢忒心慈你則問那藍關前韓退之

【雪神云】真人問誰要招【天師云】要你招【雪神云】吾神則知其功不知其罪【天師云】這老匹夫則知其功不知其罪你有甚麼功在那裏【雪神云】真人差知吾乃天地正神豈比那桂花思凡做這等淫邪之事風神管的是春風夏雨吾神管的是秋霜冬雪調和鼎鼐變理陰陽滋五穀潤百草壓障氣兆豐年於民有益爲國有功【詩云】我本親承帝旨把天門今朝被你勾攝壇前折辨真若要誤犯天條招伏狀怎到的玉潔冰清白雪神【天師云】噤聲你道我管不得你天仙管得你麼【雪神云】管不得【天師云】地仙管得你麼【雪神云】管不得【天師云】貧道管得你麼【雪神云】你便是管得着哩【天師云】噤聲吾非濁骨本是仙胎祖公留下三件法寶信香一瓣雌雄劍二口降妖印一顆專管天上天下三界仙精鬼怪魍魎邪魔量你是一塊雪我管不得你怎管天上許多神將吾今宣召天上火

地下火山頭火霹靂火爐中火將你圍在中間立化一池黃水老匹夫看你招也是不招。
【雪神做慌科云】真人小神招伏則便了也。【正旦唱】

【快活三】你今日雪消也下流澌花落也顯枯枝。猛想起賈島破風詩和那掃雪的陶學士。

【鮑老兒】風光好題成絕妙詞都則爲月殿裏霓裳事。端的這雪月風花四件兒是那個偏無瑕疵。【桃花云】只被你連累殺我也。【正旦云】是我帶累你來。
【唱】我可也從頭識破都將付與冷笑孜孜。却不道一般兒根生土長開花結子帶葉連枝。

【天師云】一行人休少了一個發往西池長眉仙定罪施行。【斷云】忙差遣天丁帝揭展手將情詞寫徹。桂花仙一念思凡衆神將都遭縲紲。惡眼眼後擁前推。雄赳赳橫拖倒拽剪除他梅菊荷桃。斷送了風花雪月。【正旦云】謝真人勘問成了也。【唱】

【煞尾】謝真人勸問我赴西池對會詞拚的個盡場兒訴出俺心間事都向那蟠桃會上聽仙旨【衆同下】

【陳太守上云】有勞真人如此費心【天師云】相公勿罪陳世英的病證不日便當痊可貧道則今日拜辭了相公回山中修煉去也【下】【陳太守云】真人去了也張千排着果卓直至十里長亭與真人送行走一遭去來【詩云】白雲日日鎖嵩山仙客乘風可更還羽蓋霓旌看不見唯餘法水在人間【下】

第四折

【長眉仙領仙童上詩云】燦燦花光滿洞天瓊樓寶殿啓華筵蟠桃結果三千載共宴長生億萬年貧道乃是上界長眉大仙是也自太極初分修成正道掌管洞天九霄之上一切修真悟道之仙今朝玉帝回來觀見桂花仙子與梅菊荷桃一念思凡引誘陳世英成病罪犯天條有張真人遣將牒配前來吾親判斷仙童洞門前覷者若來時報復我知道【仙童云】

理會得【正旦同衆上】【直符云】行動些【正旦唱】

【雙調新水令】今日個奉真人牒赴到蓬萊。則聽得奏雲璈。仙音一派。想花月呵。歡娛應有限。風雪呵。調燮幾曾乖。惹下場橫禍飛災。怎支吾這一解。

【直符云】仙童報復去道。有張真人牒文。押將桂花仙子等在此。【仙童報科】【長眉仙云】着他過來。【仙童云】着過去。【衆做見科】【長眉仙云】兀那桂花仙子。你既爲上品之仙。永享逍遙之福。職居月殿。遠隔人間。你豈不聞道德爲仙家之本。清閑乃開悟之門。你何不遵守天條。却去迷惑秀士。犯此思凡之罪。押赴吾前。有何理說。【正旦唱】

【折桂令】這罪犯是我賤妾應該。沒來由。誤犯天條。私下瑤臺。却帶累花神。干連風雪。那也不伏燒埋。俺本是廣寒宮冰魂素魄。怎比那閻浮世濁骨凡胎。【長眉仙云】敢是你捱不過那淒涼寂寞。看上了陳秀才麼。【正旦唱】俺可有甚

難捱。觀上喬才，屈屈的將西沒東生，錯認做了夜去的這明來。

【長眉仙云】你既不思凡，到那陳秀才書房裏去，却是爲何？【正旦唱】

【鴈兒落】想當日被計羅星纏作災，多感的婁金宿將咱解。這都是陳秀才才能見憐，因此上俺桂花仙思酬待。

【長眉仙云】你既到書房中去，那淫邪之事，怕不是有的？【正旦唱】

【得勝令】兀那座讀書齋，須不是楚陽臺。他救我元無意，我見他有甚歹冤哉。怎將俺這一火同禁害，訴的明白，望仙尊別處裁。

【長眉仙云】張真人將這椿公事送到咱這裏判斷，怎麼還饒的你。直日功曹就與我驅到陰山左側待罪去來。【正旦云】似此怎了也？【唱】

【川撥棹】則聽的他鬧垓垓，鬧垓垓加罪責。怎生的全沒矜哀，狠下差排。貶咱到陰山口外，活活的折罰煞。【云】大仙也可憐見，就饒些兒波。【唱】

【七弟兄】我可也左猜右猜端的是爲誰來。現放着斫桂的吳剛巨斧風般快。只問他奔月的嫦娥曾否下粧臺。更和那搗藥的兔兒。那日當何在。

【長眉仙云】罪定了。不必多說。【直符云】仙旨已下。行動些。【正旦唱】

【梅花酒】呀。我待掙扎。怎掙扎。也是我運拙時衰。月值年災。鬼使也那神

差。【長眉仙云】我想陳秀才患病在牀。若不將他魂魄勾攝前來。看見這個境頭。怎得有痊可

之日。疾。【陳世英上】小的陳世英。兀的不是桂花仙子來了也。【正旦唱】淹的呵。下瑤階。

將兩步做一步。驀呀。早轉過甚人來。是是有情人陳秀才。他他他怎容易到天臺。敢敢敢爲着我舊情懷。待待待折桂子索和諧。怎怎怎不教我添驚怪。

【陳世英云】仙子。誰想小生今日還得和你相會也。【正旦唱】

【喜江南】兀的不是月明千里故人來。抵多少洛陽花酒一時來。你呵。休

猜做春風來。似不曾來。【正旦同陳世英走科唱】哈兩個去來。【封姨雪神喝科云】小鬼頭那裏去。【正旦唱】偏撞着這滿頭風雪却回來。

【陳世英下】。【長眉仙云】你一行人都跪下者。聽我判斷。【詞云】你原是廣寒宮娉婷仙桂。不合共陳世英暗成歡會。雖然爲救月苦往報其恩。反害他耽疾病十分憔悴。誰着你離天宮。犯法違條。枉使的風花雪盡遭連累。豈不知張真人法律精嚴。早仗劍都驅在五雷壇內。一個個供下狀。吐出真情。有誰敢捏虛詞半毫隱諱。據招狀桂花仙本當重譴。姑念他居月殿從無匹配。便思凡下塵世。亦有可矜。仍容許伴玉兔。將功折罪。一併的饒免了。梅。菊。荷。桃。衆神將。俱各遣重還本位。

題目 長眉仙遣梅菊荷桃

正名 張天師斷風花雪月

張天師斷風花雪月雜劇終

花間四友東坡夢

第一折

〔外扮蘇東坡上詩云〕隱隱胸中蟠錦繡。飄飄筆下走龍蛇。自從生下三蘇後。一望眉山秀氣絕。小官眉州眉山人。姓蘇名軾。字子瞻。別號東坡。乃老泉之子。弟曰子由。妹曰子美。嫁秦少遊者是也。小官自登第以來。屢蒙擢用。官拜端明殿大學士。今有王安石在朝。當權亂政。特舉青苗一事。我想這青苗一出。萬民不勝其苦。爲害無窮。小官屢次移書諫阻。因此王安石與俺爲讎。一日天子遊御花園。見太湖石摧其一角。天子問爲何太湖石摧其一角。安石奏言。此乃是蘇軾不堅。小官上前道。非蘇軾不堅。乃安石不牢。天子大笑回宮。安石好生懷恨。一日朝罷。衆官聚於待漏院。見一從者腰插一扇。扇上寫詩兩句道。昨宵風雨過園林。吹落黃花滿地金。某想黃花者菊花也。菊花從來不謝。自然乾老枝頭。意甚以爲不然。乃於詩

後續兩句道。秋花不比春花落。付與詩人仔細吟。誰想此詩乃安石所作。一日請俺赴宴。出歌者數人。見一女子擎杯。良久不見其手。俺佯言道。小娘子金釵墜也。那女子出其手捫其髻。衆官皆發大笑。安石令俺爲賦一詞。小官走筆賦滿庭芳一闋。誰想那女子就是安石的夫人。到次日安石將小官的滿庭芳奏與天子。道俺不合吟詩嘲戲大臣之妻。以此貶小官到黃州團練。就着俺去看菊花。誰想天下菊花不謝。惟有黃州菊花獨謝。一時失言。翻成大怨。如今來到這潯陽琵琶亭。有一故友。乃是賀方回。在此爲守。留俺飲宴。酒酣之次。出一歌妓。乃是白樂天之後。小字牡丹。不幸落在風塵之中。此女甚是聰慧。莫說頂真續麻。折白道字。恢諧嘲謔。便是三教九流的說話。無所不通。無所不曉。小官眉頭一蹙。計上心來。比及到黃州歇馬。有一同窗故友謝端卿。在廬山東林寺落髮爲僧。修行辦道。一十五年不下禪床。此人乃一代文章之士。俺如今領着白牡丹。魔障此人。還了俗。娶了牡丹。與小官同登仕路。量安石一人在朝。有何難處。當日辭了賀方回。領着白牡丹訪謝端卿。那裏走一遭去來。

【詩云】此去黃州冷似冰。清心元不苦飄零。我是能詩能賦朝中客。去訪無是無非窻下僧。
【下】丑扮行者持茗帚上。詩云。積水養魚終不釣。深山放鹿願長生。掃地恐傷螻蛄命。爲惜飛蛾紗罩燈。南無阿彌陀佛。掃過處方敢行。不掃過處休行。你道爲何。南無阿彌陀佛。只怕踏傷了螻蛄的性命。【正末扮佛印上云】善哉。善哉。貧僧乃饒州樂平人氏。俗姓謝名甫。字端卿。法名了緣。後稱佛印。俺有一班兒同堂故友。俱登仕路。止有貧僧一人。拋棄功名。在此廬山東林寺修行辦道。今經十五年不下禪床。這行者乃是貧僧的徒弟。是一個癡愚的。單要他掃地點燈而已。俺想出家人好不清淨也呵。【唱】

【仙呂點絳脣】每日間看誦經文。受傳心印。權粧湊。俺可也識破天眞。此
外都無論。

【混江龍】法聽心憐。行者云。徒弟也不憐。一本心經讀了三年六個月。就念的摩訶般若波羅密。一句出來。這也不算憐。【正末唱】我可也自來無喜亦無嗔。直將這一心

參透五派禪。分開伴着清風爲故友。恍疑明月是前身。這些時想晨鍾暮鼓。馬足車塵。細看來恰便似雲影空中盡。拋離了煩惱。落得箇清貧。

【云】行者。夜來伽藍道。今日午時有魔障至此。你去山門首望者。但有遠方過路客官。報我知道。【行者云】知道。【東坡引旦扮白牡丹從者上云】小官蘇軾。可早過了大江。來到廬

山脚下。左右把船灣住江上。牡丹。你只在舟中坐下。喚你便來。不喚你不要來。【旦應科下】

【東坡做獨行科云】你看廬山果然好景致也。端的是真山真水真寺真林。非閒人不可到。遇濁子不容觀。好山也。山高巖險險嵯峨。凜冽林巒亂石陀。古怪怪松岩下掩。山岩掩眼隔烟蘿。山禽如語語不歇。山澗飛泉迸碧波。山童採藥山藥少。樵夫擔柴食擔多。野猿摘菓攀藤葛。葛絕餘藤藤倒拖。仙洞仙童依虎睡。仙人醉臥老龍窩。峯勢側洞門殊。洞裏月光愛娑婆。莫訝朝嵐寒槭槭。仙家洞府接天河。大石欄灣。大石欄灣。幾重水。幾重湍。帶着野田空闊。野田空闊。一層嶺。一層坡。老樹老藤忘歲月。古山古寺絕經過。經過跡斷唯山在。歲月年深

奈寺何。真箇此寺不同他寺宇。此山非比別山阿。青黛染成千塊玉。雲霞粧就萬堆螺。只除佛子神仙纔可到。怎許遊人容易得攀摩。這廬山景致。觀之不盡。翫之有餘。你則看東林寺門首碑上。有詩爲證。詩道。不到廬山不是僧。廬山清景勝蓬瀛。爲僧若到廬山下。死葬廬山骨也清。讀之未了。只見山門下立着一個行者。待我問他。你那佛印師父可在法座上麼。行者云。師父打坐哩。東坡云。借你口中言。傳俺心間事。你道有個客官。不言姓名。有兩句禪語。又叫做偈語。你道眉山一塊鐵。特地來相謁。行者云。老官。小和尚心憐一本心。經念了三年零六個月。還記不得。再說一遍。東坡云。這個憐和尚。行者云。敢是姓鐵。東坡云。不姓鐵。行者云。不姓鐵。就姓錫。東坡云。不姓錫。行者云。不姓鐵。不姓錫。就姓銅罷。入報科。云。師父外面來到一個主兒。不言姓名。道兩句禪語。又叫做偈語。眉山一塊鐵。特地來相謁。正末云。急急上堂來。爐中火正熱。行者云。着手。他便是鐵。我師父是火。架起爐來燒他娘。老官。我師父着我燒你哩。東坡云。怎麼說。行者云。叫你急急上堂。

來。爐中火正熱。【東坡云】這也是禪語。再進去說。我鐵重千斤。恐汝不能挈。【行者云】你不怯我師父。我師父也不怯你師父。他又道兩句。我鐵重千斤。恐汝不能挈。【正末云】我有八金剛。將汝碎爲屑。【行者云】着手。我師父道。我有八金剛。將汝碎爲屑。【東坡云】再進去說。我鐵類頑銅。恐汝不能熬。【行者云】罷了。軟了。【東坡云】怎麼軟了。【行者云】熬的軟了。師父他又道兩句。我鐵類頑銅。恐汝不能熬。【正末云】將你鑄成鍾。衆僧打不歇。【行者云】着手。我師父要打你哩。【東坡云】怎麼要打我。【行者云】將你鑄成鍾。衆僧打不歇。【東坡云】再進去說。鑄得鍾成時。禪師當已滅。【行者哭入科】。【正末云】行者爲何哭起來。【行者云】他道鑄得鍾成時。禪師當已滅。【正末云】大道本無成。大道本無滅。心地自然明。何必叨叨說。夜來伽藍道。今日午時有東坡學士至此。果應其言。快與我請進來。【行者云】有眼不識灰堆學士老爺。俺師父有請。【正末云】十五年不下禪床。今日須下禪床。接待學士者。【做見科】。【正末唱】

【油葫蘆】自別經年十數春。【東坡云】一別許久不會。【正末唱】全不曾得動問。
【東坡云】且喜今日得一會。【正末唱】喜君家平步上青雲。【云】敢問大人那衙門除授。
【東坡云】自別吾兄。官拜端明殿學士。【正末唱】好好不枉了玉堂金馬多風韻。【東坡云】小官如今不在翰林了。謫在黃州團練。經過此處。訪問吾兄。【正末唱】可甚的吳山楚水生勞頓。【東坡云】共君一夕話。勝讀十年書。【正末唱】我和你話一夕。勝如那酒一樽。【東坡云】吾兄。我和你同堂故友哩。【正末唱】咱須是舊時朋友相親近。何必要飲的醉醺醺。

【東坡云】相逢不飲空回去。洞口桃花也笑人。【正末唱】

【天下樂】恁道是明月清風。他可便也笑人。【東坡云】那裏有幽僻去處。待小官遊玩一番。【正末唱】似這般荒僻的山門。【東坡云】好個古剎寺院。【正末唱】你可也莫要哂。【東坡云】這是伽藍堂。怎生不打供。【正末唱】俺這裏伽藍堂。靜悄悄隔著

世塵【東坡云】天陰雨有些疎漏壓【正末唱】便淋漓污了衣顛倒。可便裹了巾。
【帶云】學士大人【唱】俺這裏怕什麼騎驢衝大尹。

【東坡云】騎驢衝大尹。此乃賈浪仙的故事。將小官比做韓文公。何以克當【正末云】大人既拜端明殿學士。爲何謫貶黃州團練。到貧僧荒涼古剎來【東坡云】吾兄不問。小官不敢言。今有王安石在朝。當權亂政。特舉青苗一事。我想青苗一出。小民不勝其苦。一日王安石請俺家宴。出歌者數人。內有一女子。擎杯良久。不見其手。俺佯言道。小娘子金釵墜也。那女子慌忙出其手。捫其髻。衆官皆發一笑。安石令俺題詠其事。小官走筆賦滿庭芳一闋。誰想安石將小官滿庭芳奏與聖人。貶小官黃州歇馬。打從此處經過。思想吾兄在此。特來探望。吾兄是個公直的人。此一樁還是王安石不是。小官的不是【正末云】此一樁還是王安石的不是也【東坡云】怎見得王安石不是【正末唱】

【金盞兒】爲學士受皇恩。因此上重賢臣。他要足下兩箇閒談論。他不合

高燒銀燭倒金樽。他不合殷勤出侍女。他不合夤夜款佳賓。他不合隔簾聽話笑。【帶云】常言道責人則明。恕己則昏。學士大人。【唱】你也不合燈下覷他那佳人。

【東坡云】連小官也不是了。【正末云】願聞滿庭芳妙詞。【東坡云】小官在吾兄根前。念滿庭芳一闕。却似持布鼓而過雷門。豈不慚愧。【正末云】貧僧草腹菜腸。願聞。願聞。【東坡云】吾兄污耳了。【詞云】香靄雕盤。寒生冰筍。畫堂別是風光。主人情重。開宴出紅粧。膩玉圓搓。素頸藕絲嫩。新織仙裳。雙歌罷。虛雲轉月。餘韻尙悠揚。人間何處有。司空見慣。應謂尋常。坐中有狂客。惱亂柔腸。報道金釵墜也。十指露春筍。纖長。親曾見全勝宋玉。想像賦高唐。【正末云】高才。高才。【唱】

【後庭花】你那滿庭芳雖稱席上珍。送的箇老東坡翻成轅下窘。則爲這樂府招讒譖。抵多少文章可立身。【做笑科】【東坡云】吾兄爲何發笑。【正末唱】只

落的笑欣欣倒不如咱家安分向深山將名姓隱

【云】行者看素齋飯管待學士【行者云】理會得香積廚下安排素齋拖麵煎草鞋醬拌鵝卵石快些管待學士【東坡云】叫那行者過來你方纔說些什麼【行者云】我師父方纔說香積廚下看素齋飯管待學士【東坡云】你去與那和尚說有酒有肉我便吃無酒無肉我回舟中去也【行者云】學士你就是我的親爺我這等和尚有什麼佛做熬得口裏清水拉拉的湯將出來望學士可憐見多與些小和尚吃【東坡云】這個饞和尚我多與你些吃【行者云】多謝學士師父合氣了那學士老爺說道有酒有肉我便吃無酒無肉我回舟中去也【正末云】既如此你下山去俗人家沽一壺酒買一方肉管待學士便了【行者云】那裏去買你好行止向年間爲師父娘做滿月賒了一副豬臟沒錢還他把我褊衫都當沒了至今穿着皂直掇哩【正末云】休得胡說【行者向古門云】山下俗道人家有一百八十多斤的豬宰一口兒【內云】忒大沒有【行者云】這等有八九兩的小豬兒宰了一口【內云】

忒小沒有。【行者云】隨意增減些罷。只要先把血臟湯做一碗來。與我嘗一嘗。【正末云】行者酒席完備未曾。【行者云】酒席已完備了。【正末云】學士當日遠公沽酒謁陶潛。今日佛印燒豬待子瞻。【東坡云】小官續上兩句。蘇軾焉敢效昌黎。佛印如何比大顚。【正末云】高才高才。【唱】

【醉中天】既然要叙舊開佳醞。怎還說持戒斷腥葷。擠的箇爛醉春風老瓦盆。見學士和佛印。你本是同堂故人。須不比十方檀信。俺只索倒賠些狗彘雞豚。

【東坡云】吾兄常言道。坐中無有油木梳。烹龍炰鳳總成虛。那裏有善歌的妓女。請一個來唱一曲。等小官盡醉而歸。【正末云】學士說差了。這荒涼古剎寺院。那裏討善歌妓女。【東坡云】真個無有。【正末云】斷然沒有。【東坡云】小官曾帶一個在此。【正末云】如此最好。在那裏請來相陪學士。【東坡云】行者。你去溪河楊柳邊小舟中。叫一聲白牡丹安在。只

待他應了一聲。你急急抽身便走。【行者云】走遲了。却怎麼。【東坡云】走遲了。只教你做雪獅子。向火酥了半邊。【行者做跌科】早酥倒了也。轉灣抹角。此間就是溪河楊柳邊。小舟兒上叫一聲。白牡丹在麼。【旦兒云】誰叫。【行者做跌科云】聽他嬌滴滴的聲音。真個酥了也。東坡老爺喚你哩。【旦兒上云】來了。妙舞清歌本足誇。就雲滯雨作生涯。借問妾身何處住。柳陌花街第一家。妾乃白樂天之後。小字牡丹。不幸落在風塵。今被東坡學士帶在此處。差人呼喚。須索走一遭去也。【行者云】稟學士。白牡丹來了也。【又稟正末科】【旦兒云】大人萬福。呼喚妾身。有何分付。【東坡云】我一路上與你說的。前席那和尚便是。你如今魔障此人。還了俗。娶了你。他若是爲官。你just是一位夫人縣君也。【旦兒云】多謝大人擡舉。【東坡云】牡丹。你把體面與那佛印禪師相見者。【旦兒云】理會得。久聞老師父大名。今日得覩尊顏。三生有幸。【正末云】小娘子問訊。【行者云】不消問訊。是學士船上來的。【正末云】學士大人。此女姓甚名誰。誰氏之子。【東坡云】此人乃是白樂天之後。小字牡丹。莫說

他姿容窈窕。頗解文墨。只可惜他落在風塵。沒個人來擡舉。〔正末唱〕

【金盞兒】你道是可惜他落風塵。繫紅裙。端的箇十分體態能聰俊。〔東坡云〕有那等惜花人見了。無不愛他。〔正末唱〕有那等惜花人見了。怎不消魂。〔東坡云〕真個是天香出衆。國色超羣。〔正末唱〕真箇是天香偏出衆。國色獨超羣。可知道教坊爲第一。花內牡丹尊。

【東坡云】牡丹與那佛印把一杯酒者。〔旦兒應云〕師父滿飲此杯。〔正末云〕小娘子。貧僧葷酒不用。〔旦兒云〕那師父葷酒皆不用。〔東坡云〕吾兄差矣。溪河楊柳影。不礙小舟行。佛在心頭坐。酒肉穿腸過。只管吃。怕怎麼。〔正末云〕既如此。貧僧開酒。不開葷。〔東坡云〕不怕他不一椿椿間將來。〔旦兒云〕師父滿飲此杯。〔正末云〕貧僧告酒了。〔東坡云〕吾兄請了。〔行者唱舞科〕〔唱〕心肝肉。那話兒休題。吃肉揀肥的。自從見了你。一頓一升米。你也不想我。我也不想你。〔東坡云〕行者怎麼說。〔行者云〕這是我師父和師父娘在禪床上吃酒吃

肉小行者帶歌帶舞。日常規矩。【東坡云】果然有此事。正是出家人活計。【正末云】行者看酒來。小娘子滿飲一杯。【旦兒云】吃不了這些。【行者云】就是小行者替吃罷。【東坡云】牡丹放下酒者。吾兄。我此來非爲別事。【正末云】却是爲何。【東坡云】專爲吾兄。今日是個好日辰。娶了牡丹。與小官同登仕路。佳人捧硯。壯士擎鞭。不強在深山古剎。遁跡埋名。吃的是瓢漏粉菜饅頭。有何好處。你與我惜芳春。罷經文。【正末唱】

【金盞兒】你教我惜芳春。罷經文。把一生功案都休論。【東坡云】就是小官爲媒。【正末唱】笑你箇東坡學士做媒人。【東坡云】我能壞你十座寺。你休阻我一門親。【正末唱】你道是能壞我十座寺。休阻您一門親。我也曾萬花叢裏過。爭奈我一葉不沾身。

【東坡云】牡丹。你與那和尚告菩提露去。【旦兒云】是曉得上告我師和尚一點菩提露。滴在牡丹兩葉中。【正末云】小僧半點俱無。【旦兒云】那師父說半點俱無。【東坡云】再告去。

【旦兒云】上告我師和尚一點菩提露滴在牡丹兩葉中【正末云】貧僧十五年不下禪床功行非淺實是半點俱無【旦兒云】大人那和尚說十五年不下禪床功行非淺實是半點俱無却不差殺我牡丹也【東坡云】吾兄因你不肯那牡丹煩惱哩【正末唱】

【賺煞】你道是不施些雨露恩倒惹得花枝恨俺怎肯壞了如來法身這
雪山中不比巫山夢斷魂那裏有暮雨朝雲俺既是做僧人命犯着寡宿
孤辰【東坡云】咳你個莽和尚不爭我牡丹成了這親事呵【正末唱】你教那首座閑
黎怎主婚【東坡云】那裏有女家兒倒肯男家兒不順【正末唱】你道是女家兒倒肯
男家兒不順【東坡云】小官舟中花紅羊酒都準備將來了【正末唱】學士你只索空
賠羊酒【帶云】請恕罪了也【唱】可兀的拜俺沙門【下】

【旦兒云】大人那和尚不肯可不空帶牡丹走這一遭也【東坡云】牡丹你且放心待我
明日準備着回席的酒殺好共歹與你成就了這門親事那時節安排玳瑁筵款撒紅牙板

低吟白雪歌。高擎鸚鵡盞。釵蟬玉斜橫。髻偏雲亂挽。務要攤回壯士頭。只交閉開那禪僧眼。

【同下】

第二折

【正末云】貧僧了緣和尚。昨日被東坡學士魔障了一日。蚤是貧僧。若是第二個怎生是好。【行者云】又是師父。若是行者了當哩。【正末云】今日天色已晚。學士必然又來。貧僧待要躲避他。見得禪師法門無有智慧了。行者大開方丈。將燈燭剔得明亮。着學士來時。我貧僧自有主意。【唱】

【南呂一枝花】身雖在東土居。心自解西來意。曾傳一盞燈。能有幾人知。參透禪機。心外事。無縈繫。想昨宵甚道理。那蘇子瞻一謎裏歪纏。能和着白牡丹有千般標致。

【梁州第七】本待要去西方脫除了地獄。我怎肯信東坡洩漏了天機。半

生苦行修持力。把心猿鎖閉。意馬收拾。由他閒戲。任你胡爲。端的箇幾番家識破。皆非一心。要隻履西歸。枉了你玉人兒。嬌滴滴。待楓葉傳情。排下箇迷魂陣。香馥馥似桃花泛葉。攪的箇選佛場。亂紛紛做柳絮沾泥。怎知俺九年面壁。蚤明心見性。蒲團底。到今日。出人世。笑你箇愚濫的東坡。尙不知也只是肉眼凡眉。

【東坡引旦兒同上云】牡丹。我今日安排回席。好共歹與你成就這門親事。却蚤來到山門。行者報復去。說昨夜の客。今日又來了也。【行者云】師父分付多時。學士老爺請進。【正末出迎科云】學士大人有請。學士夜來多有簡慢。望乞恕罪。【東坡云】禪師夜來多有攪擾。【旦兒謝科云】奴家攪擾。一發不當。【正末云】惶恐惶恐。【東坡云】小官今日薄酒一杯。特來還敬。【正末云】大人客邊。何勞如此。【東坡云】看過酒來。端卿請飲一杯。【正末回酒科云】學士請。【東坡云】瑞卿。咱開口論閒事。想你在山間林下。隱跡埋名。幾時是了。則不

如留了髮還了俗同登仕路共舉皇朝可不好那【正末云】學士這各有所見難以強同

【唱】

【隔尾】我貧僧呵半生養拙無人識你一舉成名天下知這的是名利與清閒各滋味【東坡云】你這出家的怎生【正末唱】俺躲人間是非【東坡云】俺爲官的怎生【正末唱】您請皇家富貴【帶云】好便好則爲一首滿庭芳貶上黃州也怪不着【唱】兀的是那才調清高落來得

【東坡云】這禿廝倒着言語譏諷咱叅俺這爲官的吃堂食飲御酒你那出家的只在深山古剎食酸餛捱淡齏有甚麼好處【正末唱】

【牧羊關】雖然是食酸餛捱淡齏只淡淡中有味想足下蹤有才思十分到今日送的你前程萬里【東坡云】舌爲安國劍詩爲上天梯【正末唱】蚤難道舌爲安國劍詩作上天梯你受了青燈十年苦可憐送得你黃州三不歸

【云】行者看酒來。大人滿飲一杯。貧僧告睡去也。【東坡云】禪師請穩便。【旦兒云】那和尚着了忙哩。【正末離席科云】我出的這方丈門來。【唱】

【罵玉郎】則被這東坡學士相調戲。可着我滿寺裏告他誰。我如今修心養性在廬山內。怎生瞞過了子瞻。賺上了牡丹。却教誰人來替。

【感皇恩】你行者休違拗。我須索把你來央及。【做跪科】【行者云】師父只當搶了臉也。【正末唱】我其實被東坡閒魔障廝禁持。【行者云】我要赴白蓮會去哩。【正末唱】你待赴白蓮會裏。先和那紅粉偷期。【行者云】老人家沒正經不要我學。好教我偷雞吃。被人拏住怎麼了。【正末唱】却待說。又教我怎生題。

【行者云】師父我看你欲言不言的意思。要我怎的。常言道。喫烏飯。痾黑屎。我只是依隨着你便了。【正末唱】

【採茶歌】你若是肯依隨。不羞恥。我比你先爭十載上天遲。【云】行者將耳

過來【做耳嚙科唱】你和他共枕同眠成連理。蚤是得些滋味。休要着癡迷。

【下】

【東坡云】牡丹謝端卿往方丈去了。便趕進方丈去。與他雲雨和諧了時。你就唱雨淋鈴。今宵酒醒何處。楊柳岸曉風殘月。我就來拿住他。不怕不隨我還俗去也。【旦兒趕進科云】師父。好共歹與牡丹成就這親事罷。【行者云】成不得。成不得。貧僧整整十五年不下禪床。苦提露半點俱無。【做歡會科】【旦兒唱】雨淋零。今宵酒醒何處。楊柳岸曉風殘月。【東坡云】好個謝端卿。與牡丹雲雨和諧了。令人點個燈來。推開方丈門。拿住那佛印了也。【正末上云】被我瞞過子瞻了也。【旦兒云】却不羞殺我牡丹也。【下】【行者云】好不快活。殺行者也。【下】【東坡云】嗨。吾兄是何道理。你不肯也罷。如何將行者污我牡丹。牡丹。你玲瓏剔透。今何在。俊俏聰明。莫謾誇。嫩葉嬌枝。關不住。被狂風吹碎牡丹芽。吾兄收拾酒筵。我已醉矣。【正末唱】

【賀新郎】東坡學士解禪機。我怎肯損壞了菩提。恰纔是脫身之計。他那廝向絨毛氈裏撲綿被。儘強如俺入龍華會。兀的不辱沒殺釋迦的。這牟尼。不爭那牡丹來赴約。和尚去偷期。東坡倒覺的有些不伶俐。一箇兒待惜花春起蚤。一箇兒待愛月夜眠遲。

【東坡做睡科】【正末云】大人再飲幾杯呀。他睡着了。着他大睡一覺。花間四友安在。【旦兒扮四友上云】妹子們走動。師父呼喚俺姊妹四人。有何分付。【正末唱】

【哭皇天】我喚你無別意。您四人各做準備。梅也。你輕謳着白雪歌。柳也。你與我滿捧着紫金杯。桃也。你和他共枕同眠。竹也。如魚似水。我這裏做方做便。陪酒陪歌。東坡比那滿庭芳滿庭芳。可便省些閒淘氣。倚仗着神力鬼力。只除是天知地知。

【烏夜啼】這是戒和尚念彼觀音蜜。自今宵即便與你回席。恁四人各同。

心兒商議。柳也是必速離了隋堤。竹也你是必休戀着湘妃。梅也你兩箇羅浮山下會佳期。桃也你與我武陵溪畔曾相識。柳妖嬈。桃美麗。梅魂縹緲。竹影依稀。

【黃鍾尾】那學士呵。你才高世上誰堪比。我教你直睡到人間總不知。柳也只要你迎過客送行人。開青眼展黛眉。伴陶潛的見識。竹也只要你搖龍頭擺鳳尾。敲翠節弄清音。引王猷的興味。桃也只要你烘燒日。渲潮霞。飄紅雨。笑東風。賺劉晨的旖旎。梅也只要你散冰魂呈素魄。欺凍雪傲嚴霜。膩何郎的嫵媚。不許你撲刺刺驚破他一枕晨雞。只要你四人呵。美甘甘迷着他南柯夢兒裏。【下】

【四友云】學士大人休睡裏夢裏。【東坡打夢做起科。問云】四位小娘子。誰氏之家。【四友云】俺姊妹四人。是佛印的專房妓妾。聽師父法旨。特來與大人奉一杯酒。【東坡云】哦。

謝端卿你瞞的我多哩。放着四位專房。這般美麗。可知不要我那白牡丹。敢問四位小娘子尊姓盛名。【四友云】俺姊妹們叫做天桃。嫩柳。翠竹。紅梅。【東坡云】小娘子會舞會唱麼。【四友云】俺姊妹們都會唱。【東坡云】有勞四位舞一回。唱一回。待小官吃個盡興方歸也。【四友舞唱介】

【月兒高】謾折長亭柳。情濃怕分手。欲誇雕鞍去。扯住羅衫袖。問道歸期端的是甚時候。泪珠兒點點鮫綃透。唱徹陽關重斟美酒。美酒解消愁。只怕酒醉還醒。這愁懷又依舊。

【四友云】學士大人請滿飲此杯。俺姊妹們四人各求佳句一首。永爲家寶。【東坡云】四位小娘子問小官求詩。有。有。有一個個說來從那個起。【梅云】妾身是紅梅。【東坡云】玉骨冰肌非等閒。耐他霜雪耐他寒。一枝斜在書窗下。惹得詩人冷眼看。【梅奉酒云】多謝佳篇。請學士大人滿飲此杯。【東坡飲科云】如今該是翠竹了。萬玉叢中汝最魁。亭亭高節肯

低迴淑人合配眞君子。灑淚成班卻爲誰。【竹奉酒云】多謝佳篇。請學士大人滿飲此杯。
【東坡飲科云】如今該是天桃了。溶溶粉汗濕香腮。舞盡春風臉上來。只因一點胭脂氣。惹
得劉郎着意栽。【桃奉酒科云】多謝佳篇。請學士大人滿飲此杯。【東坡飲科云】如今該是
嫩柳了。腰肢嬈嬈弄輕柔。舞盡春風卒未休。流水畫橋青眼在。爲誰腸斷爲誰愁。【柳奉酒
科云】多謝佳篇。請學士大人滿飲此杯。【東坡云】我吃。我吃。【四友云】俺姊妹們四個。共
求大人一詩。【東坡云】有。有。有。堪愛尊前四豔粧。清陰護月開紗窻。桃也。魂依玉洞花千斤。
竹也。腸斷湘江汨幾行。梅也。大庾嶺頭耽寂寞。柳也。霸陵橋外弄輕狂。何緣此夕同歡會。小
官拚得開懷醉一場。【四友云】好高才也。我姊妹們舞者唱者。勸學士大人吃個盡醉方歸。
【東坡云】我吃。我吃。兀的不快活殺我也。【同下】

第二折

【正末扮松神持笏上云】吾乃廬山松神是也。今有佛印禪師。密遣花間四友。前去玉春堂。

嚴障東坡學士恐上帝知道必然責罪小聖須索追趕那四個鬼頭去也呵【唱】

【正宮端正好】晚風輕霜華重雲淡晚風輕露冷霜華重轉瑤堦月色朦朧你看那花間四友相搬弄鬪起他那春心動

【滾繡毬】俺這裏步蒼苔攀怪松靠湖山凌翠峯正和那玉春堂相共俺只索悄冥冥躡足潛踪上堦基近窗孔見四箇小鬼頭將端明來簇捧竹梅呵滿泛着金鍾那一箇舞低揚柳樓心月那一箇歌罷桃花扇底風飲興方濃

【松神做掀簾科】唱

【叫聲】俺這裏排亮榻揭簾櫳赤律律起一陣劣風劣風不由人不悚然驚凜然恐險吹滅銀臺上燭花紅

【東坡擁四友上云】四位小娘子起大風了【四友做怕科云】學士大人風起神道來也

【東坡云】這等小娘子躲着。【松神云】學士快喚出那花間四友來。【東坡云】沒有什麼花間四友。【松神云】學士你既讀孔聖之書必達周公之禮因何在此做這般勾當。【東坡云】只小官在此飲酒有何妨礙。【松神唱】

【上小樓】您了悟那色空且與吾師是昆仲你伴着那嫩柳天桃翠竹紅梅閣約私通。【東坡云】小官止一人在此並無別的陪伴。【松神唱】這的是你自去自來相隨相從。【帶云】那花間四友呵。【唱】比不得出紅粧主人情重。

【東坡云】這是小官做的滿庭芳元來神也知道。【松神云】學士那花間四友快放他出來。【東坡云】委實沒有。【松神笏擊桌科唱】

【幺篇】小聖呵。可便眼又不朦耳又不聾。【東坡云】四位小娘子躲着。【松神唱】你那裏挨挨拶拶閃閃藏藏無影無蹤恰纔俺下虛空顯神通起一陣風颼微送。【云】只喚出那紅梅來。【東坡云】沒有什麼紅梅。【松神云】你道是沒有紅梅。【唱】

這其間見疎影橫窗香浮動。

【松神再擊桌搜尋科云】小鬼頭躲在那裏一個個都與我喚將出來【四友出科】【東坡云】上聖留一個兒與小官奉酒者【松神唱】

【滿庭芳】我看你箇東坡受用。是處裏嬌歌妙舞。酒釀花醲。見疎梅一點芳心動。蚤則怕漏泄了天工。傍脩竹珮響玎珰。映垂楊絲颺丰茸。說甚麼桃源洞。只落的胭脂淚湧。再不能勾依舊笑春風。

【松神做趕四友科】【東坡云】上聖念小官獨自在。此飲酒無聊。可留一個小娘子等他陪奉咱【松神唱】

【十二月】你這裏齊臻臻前遮後擁。美甘甘笑口歡容。只待耍靜巉巉幕天席地。笑吟吟倚翠偎紅。怎知道被禪師神挑鬼弄。做一場捕影拿風。【堯民歌】好笑你端明學士忒朦朧。全不想酒闌人散夜將終。怎還許花

間四友得從容。東坡也不須埋怨我大夫松。這的是禪宗禪宗都歸一箇空。只有那伊蒲供。松神趕四友下。

【東坡云】這四位小娘子怎生割捨的。小官就去了。【做伏桌睡科】。【松神云】學士學士。

【唱】

【耍孩兒】想東坡曾受金蓮寵。直恁般癡呆懵懂。則去那樹頭樹底覓殘紅。恨不的添一對照道紗籠。今宵剩把銀缸照。猶恐相逢是夢中。這聰明成何用。本待要醉魔佛印。倒做了寤寐周公。

【煞尾】聽着這疎刺刺枕畔風。響瑤瑤樓上鍾。被誰人驚回一霎遊仙夢。我笑你個殢酒色的東坡。直睡到紅日三竿恁時節懂。下。

【行者上云】兩廊下僧院鐘樓經閣。但有那銅頭鐵額釘嘴木舌。不能了達者。都到法座上問禪。再叫科下。【東坡做驚醒科云】四位小娘子。滿飲一杯呀。原來是南柯一夢。小官欲

待回舟中去。恐怕他謝端卿勘破。且領着白牡丹到法座上問禪。那裏走一遭去來。【下】

第四折

【正末引徒衆華幡法器上云】行者將香盒過來。【行者云】香盒在此。【正末云】南無阿彌陀佛。此一炷香願吾王萬壽臣宰千秋。此一炷香願黎民樂業五穀豐登。此一炷香願法輪常轉佛日增輝。【唱】

【雙調新水令】熟龍涎一炷透穹蒼。祝吾王壽元無量。八方無土馬。四海罷刀鎗。國泰民康。願甘雨及時降。

【云】行者。你去兩廊下僧院經閣鍾樓叫者。但有那銅頭鐵額釘嘴木舌。不能了達者。都來法座上問禪。【行者云】理會的。【做叫科】東坡領牡丹上云。牡丹。謝端卿在法座上問禪。我去問倒了他。你就過來。【旦兒云】是曉得。【東坡云】上告我師和尚。蘇軾特來問禪。【正末云】速道。東坡云。佛印從來快開劈。蘇軾特來開料嘴。【正末云】葛藤接斷老婆禪。

打破沙鍋壘到底【東坡云】可被他說倒了牡丹你過去問禪【旦兒云】上告我師和尚牡丹特來問禪【正末云】速道【旦兒云】我白牡丹因何到此慕風流特來嫁爾【正末云】你本不是妓館獠兒堪做俺佛門弟子【唱】

【水仙子】俺本是廬山長老恰升堂【旦兒云】這的是東林寺【正末唱】倒做了普救寺鶯鶯來鬧道場【旦兒云】你出家人比不得唐三藏【正末唱】你道俺出家人不及那往西天的唐三藏却原來你是曲江頭黃四娘【旦兒云】我只待堅心招你做新郎【正末唱】你道是堅心兒招俺做新郎【旦兒云】留了方丈和你同歸洞房【正末唱】你教我留了方丈同歸那箇洞房【帶云】那裏有和尚做女婿的【唱】俺可甚麼帽兒光光

【旦兒云】天香妓館久沉埋好向東林寺裏栽【正末云】若把牡丹移在此幾年能勾上蓮臺【唱】

【落梅花】你素魄兒十分媚。慧心兒百和香。更壓着魏紫姚黃。【旦兒云】牡丹花摘將來。膽瓶兒裏供養者。【正末唱】你道是牡丹花摘將來。膽瓶裏壘供養。休休休。只怕耽閣你淺斟低唱。

【旦兒云】情願離了花街柳陌不爲娼。【正末唱】

【風入松】你道是離花街柳陌不爲娼。【旦兒云】一心待棄賤要從良。【正末唱】你一心待棄賤要從良。【旦兒云】輸情改嫁你個山和尚。【正末唱】輸情願改嫁這山和尚。兀的不是那畫堂中別樣風光。你明明的把禪機問答。怎知俺閨閣的把春色包藏。

【旦兒云】果然是真僧。問他不到。告師父借金刀一把。削髮爲尼。跟師父出家。【詩云】禮拜廬山出世僧。一心向佛苦修行。免教鶯燕頻來往。不在塵中掛孽名。【下】【東坡云】我着牡丹魔障此人。到被他脫度出了家。待我再過去問禪。那和尚。可惜巫山窈窕娘。夢魂偏嫁你。

禿襄王【正末云】堂上老師無答語。坐中狂客惱柔腸。【四友上】【梅云】上告我師父和尚。紅梅特來問禪。【正末云】速道。【梅云】玉骨冰肌誰可比。寂寞前村深雪裏。【正末云】只愁昨夜夢中魂。一枝漏泄春消息。【竹云】上告我師和尚。翠竹特來問禪。【正末云】速道。【竹云】冷氣虛心效琴瑟。灑淚成懽悴死。【正末云】東坡節外更生枝。算來不是真君子。【桃云】上告我師和尚。天桃特來問禪。【正末云】速道。【桃云】粉腮香臉淡勻紅。曾賺劉郎入洞中。【正末云】自是桃花貪結子。錯教人恨五更風。【柳云】上告我師和尚。嫩柳特來問禪。【正末云】速道。【柳云】傍路臨溪不長久。落葉歸秋又衰朽。【正末云】可惜南海觀音柳。昨宵折入東坡手。【東坡云】敢問四位小娘子是誰氏之家。甚麼姓名。【正末云】酒冷燈殘月半昏。名花傾國兩般勤。武陵溪畔曾相識。今日佯推不認人。【唱】

【川撥棹】想昨夜在玉春堂與東坡曾共賞。這一個竹影悠揚。這一個柳葉芬芳。這一個梅葉馨香。這一個柳絮顛狂。都是咱使的伎倆。故將你廝

魔障。

【東坡云】小官已醉矣。委實不認的四位小娘子。【正末唱】

【七弟兄】你道是醉鄉。【東坡云】敢是做夢哩。【正末唱】又道是夢鄉。也不似這等忒乖張。昨夜個喜孜孜燈下相親傍。今日裏假惺惺堂上問行藏。可是你困騰騰全不記嬌模樣。

【梅花酒】呀。你從來有些技癢。你從來有些技癢。正夜靜更長。對月貌花龐。飲玉液瓊漿。一個個逞歌喉歌婉轉。一個個垂舞袖舞郎當。只教你似劉伶。怎惜的酒量。似李白。怎愛的詩章。似周郎。待按着宮商。似宋玉。待赴着高唐。

【收江南】呀。這的是主人情重出紅粧。怎做得司空見慣只尋常。不由你不坐中狂客惱柔腸。一句句對當。一句句對當。總不離一曲滿庭芳。

【東坡云】佛印從來多調笑。到被花枝誇俊俏。【正末云】高燒銀燭照紅粧。燈光不把自身照。【東坡云】果然是真僧。問他。他。不倒。蘇軾從今懺悔。情願拜爲佛家弟子。【正末云】學士請尊重。【行者云】上告我師和尚。行者特來問禪。【正末云】速道。【行者云】攬住牡丹勝坐蓮臺。師父咳嗽。徒弟便來。【正末云】癡迷性改。分毫不采。色卽是空。空卽是色。【唱】

【鴛鴦煞尾】從今後識破了人相。我相。衆生相。生況死況。別離況。永謝繁華。甘守淒涼。唱道是。卽色卽空。無遮無障。笑殺東坡也。懺悔春心蕩。枉自有蓋世文章。還向我佛印禪師聽一會講。

題目 雲門一派老婆禪

正名 花間四友東坡夢

花間四友東坡夢雜劇終

跋

吳昌齡西京人所作十一種。正音譜評謂其詞如庭草交翠。張天師斷風花雪月。見於元曲選乙集上。錄思薄作夜斷辰鉤月。花間四友東坡夢。見元曲選辛集上。亦是圖書目著錄。唐三藏西天取經。一名西遊記。九宮大成譜嘗錄曲十餘套。瀾瀚流轉。初以未見其全爲憾。今據楊東來本。芟其贅語。以還原面。西廂記多至四本。此劇視西廂記又多二本。可謂最長之雜劇也已。冀野讀後記。

吳昌齡雜劇存目

浣紗女抱石投江

哪吒太子眼睛記

浪子回回賞黃花

月夜走昭君

狄青撲馬

貨郎末泥

搜胡洞

—

[illegible]

中國文學珍本叢書

第一輯 第二十八種

中華民國廿五年三月初版

元人雜劇全集 四冊

普及本實價五角
特印本實價七角


編纂者 盧冀野

主編者 施蟄存

發行人 張靜廬

發行所 上海雜誌公司

上海總店：四馬路三二四號
廣州支店：永漢北路二二九號
南京支店：太平路一四八號
開封支店：中山北路二八四號
雲南支店：土主廟街四十七號



初版本1——2500本

來
418

中華民國廿五年
參月拾九日收到

